

GASPARIS
CONTARENI
CARDINALIS
DE SACRAMENTIS CHRIS-
TIANAE LEGIS, ET CATHO-
LICAE ECCLESIAE
LIBRI QUATVOR.

Eiusdem *κατηχησις* siue Christia-
na instructio.


Eiusdem de Potestate Pontificis quòd
diuinitus sit tradita Commentario-
lus ad Nicolaum Teupolum.

Eiusdem Conciliorum magis illustrium
Summa ad Paulum Tertium Pon-
tificem Maximum.

Florentiæ apud Laurentium Torrentinum

M D L I I I.

Cum summi Pontificis, & Cosmi Medicis Ducis
Floren. II. Priuilegio.



GASTRIS

CONTRACTIS

CARDINALIS

DE SACRAMENTIS CHRIS-

TIANIS ET CILIO

LEON. COLLEGE

LIBR. PATRON.

Enlighten your fine Christian

mind.

Enlighten the heart of the Christian

mind by the study of the

law of God and of the

law of man, and by the study of the

law of God and of the law of man.


Enlighten the heart of the Christian

mind by the study of the law of God

and of the law of man.

Enlighten the heart of the Christian

mind by the study of the law of God



ANTON. MARIA PHAROSIVS

FRANCISCO MENDOCIO

CARDINALI AMPLISSIMO.

S. D. P.



INTER CHRISTIANAS actiones, & illas quidem, quæ præ cæteris sunt insignes ea demum singularis; longeq; nobilissima creditur, quæ Dei honorẽ spectans, gloriamq; intendens hominibus etiam vniuersis prodesse cupit. Atque ipsum tanto magis si earum rerum adiumentum afferre studeat, quæ ad ueram pertinent immortalitatis beatitudinem. Hoc tam verum, tamq; indubitatum est, ut à nemine nisi rationis experte negari vllomodo possit. Multa quidem & graua possent in hanc rem exempla adduci: sed nulum neque maius, neque luculentius, quàm illud CHRISTI demonstrari potest. Qui miro quodã charitatis incendio cum

*Dominus mundi esset, artifexq^{ue} vniuersi,
nec non Deus immensa diuinitatis imbecil-
lem tamen, ac ceteroqui miseram hominis
naturam assumens, quò terrarum vniuer-
so orbi immensas illas, immortalesq^{ue} diui-
tias ob primi parentis graue crimen amis-
sas propria vita redimeret, crudelissimam
ipse ac quàm iniustissimam, modisq^{ue} omni-
bus horridissimam subire voluit crucis
mortem. Quamobrem Cardinalis Contarenus, haud indignus laude censendus est,
qui dum esset in terris hoc opus in CHRI-
STIANAE Reipublicae utilitatem di-
ligenti cura, studio, labore composuit: vbi
non solum à veris sacrae paginae sensis non
alienus est, sed peruersorum etiam homi-
num, qui hac tempestate tam nefandos in
ipsa Ecclesia, tamq^{ue} pestiferos errores sus-
citauerunt, confutat opiniones. Neque for-
tasse alibi disputationum de fide, sacra-
mentisq^{ue} Ecclesiae praecipua capita accura-
tius, magisq^{ue} dilucide tractata possis inue-*

nire. quid item de Romani Pontificis pote-
state sentiendū sit, utrumne à Deo sit, an
vero ab hominibus data. Diligentē operā,
inquam, tractandis his exhibuit, quò viris
Christianis, Præfectis præsertim Ecclesiæ
prodesset non parum: sed illum mors ino-
pinata prohibuit, quominus quod intende-
bat efficeret. hoc est, ne hæc ipsa in aper-
tum proferre potuerit dum vixit. Cum ve-
rò in manus meas incidisset, videremq₃ iace-
re in tenebris tam præclarum opus, tamq₃
refertum fidei doctrina his turbidissimis
CHRISTIANAE Reipublicæ tē-
poribus admodum profutura, equidem ip-
sum prius, videlicet, à doctissimis viris, si-
mul & religiosissimis per diligentem consy-
deratum, & examinatum, Deo etiam
quodam modo inspirante, qui frustrari nul-
las unquam sinit studiosas actiones, imò
qui illarum est liberalissimus remunera-
tor, Typis publicis mandare decreui, cura
re q₃ ut in lucem proferatur. Te verò cum

eiusdem ordinis perspicere dignitate de-
coratum, literarum studio Græcarum, pa-
riter, atque latinarum florentissimum, in
sacris etiam admodum eruditum, CHRIS-
TIANÆ religionis ministrum egre-
gium, atque defensorem, fautorem præte-
rea (si quidem maiorum tuorum præcla-
ra vestigia secutus) bonarum actionum li-
beralissimum, nimirum tibi meam hanc
(quæcunque est) diligentiam dicare decre-
ui. Et sanè cui conuenientius, decentiusue
deuouerem, quàm tibi repperi neminem.
Adde quòd ipsi operi, cum in tuo nomine
apparuerit tanto plus, videlicet splendoris
accrescet, quanto tu præclarius es, illustri-
orq̃. Quamobrem te, vt hilari vultu, et be-
nignissimo animo, quæ offero accipias oro,
petoq̃ vt me beneuolentia semper, & bene-
ficentia amplecti non graueris. Vale.

Florentiæ V. CAL. IUL.

M D L I I I.

1

GASPARIS CONTARENI
CARDINALIS DE SACRA
MENTIS CHRISTIANAE LE
GIS, ET CATHOLICAE
ECCLESIAE.

LIBER PRIMVS.



*A*Epe numero mecum ipse
animo reputans, solere ple-
runque accidere, ut uiri pro-
bi; ac bonarum artium non
ignari, præter eorum spem,
& institutum uocentur ad
munus Antistitum, ac ecclesius præficiantur
episcopi, quibus neque ocium est, neque facul-
tas, ut dare diutius operam possint lectioni Theo-
logorum, & Iuris pontificij peritorum, à quibus
singula quæque doceantur, quæ pertineant ad
officium præsulis; nam & diuturnus labor, &
multi loci perplexi deterrent politioribus studijs
assuetos ab huiusmodi authorum lectione: idcir-
co non putavi rem inutilem, me facturum, si
præcipuam totius huius muneris partem, eam
inquam, quæ uersatur circa Sacramenta com-
pendio quodam comprehendero, ac eam leuem

adhibuero, ut cuius non ignaro bonarum artium, absque diuturno labore, aditus non difficilis pateat ad sacramentorum rationem intelligendam, quam perspectam habere, & alijs posse tradere præcipuum est officium episcoporum, ut inquit Dionysius in libro de ecclesiastica hierarchia. c. 5. Deū igitur optimū precor ut cœptis nostris faueat, & efficiat, ut non indigne omnino pertractemus res tam magnas, & diuinas.

Antiqua quædam fuit opinio, iam ferè à mundi primis exordijs cum hominum genere nata, indigere humanum genus ad ueram pietatem, & religionem puram expiatione quadam, & sanctificatione, quam pro hominum natura, etiam existimarunt fieri uerbis, & ceremonijs quibusdam, ita nanque natura institutum est humanum genus, ut ex sensibilibus rebus notionem etiam intelligibilem nanciscatur. nam ueluti naturæ hominis uicem, quæ & se pollutam esse sentiebat, & maiori, quadam sanctificatione indigere, ut digne ad pietatem, & puritatem religionis accederet, inuertit in plerisque omnibus hominibus astutia demonum, qui sicuti ueram religionem, ac unius dei cultum peruerterunt, ac sibi pro deo sacrificia exhiberi uoluerunt, ita etiam expiationes quædam, ac sacra, eorum fal-

lacia adinuenta sunt, quibus magis se pollueret humanum genus, ac magis, magisque à deo recederet, demonum malorum cultus mancipatum. Mansit tamen apud nonnullos homines, paucos quidem sed optimos, & sanctissimos, unius ueri dei cultus, ac diuino instinctu sacramenta, & sacrificia quædam instituta; quibus, ueluti signis fidei, quæ illis inerat, redemptionis nostræ per Christum, & expiabantur, & sanctificationem recipiebant. Moses his superuenit per quæ data est lex populo illi, semini, inquam, Abraham Isaac, & Iacob, quibus promissum à deo fuerat, ex eis oriturum semen, in quo benedicerentur omnes gentes, in lege uero à deo instituta fuerunt quædam sacramenta, in quibus apertius significata fuit redemptio futura per Christum. In mosaïcis sacramētis præ alijs omnibus expiationibus, & lotionibus præcipuum obtinuit locū Circuncisio, quæ Abrahamæ ante legē tradita fuerat, à lege uero summa cū ueneratione accepta. Hæc ut inquit Apostolus, ad Ro. c. 4. fuit signaculū iustitiæ fidei, quæ fuerat etiā in præputio patris nostri Abrahamæ. Expiabantur infantes circuncisione à labe peccati originalis ratione fidei, cuius signum fuerat circuncisio, non ergo circuncisio aliquo pacto efficiebat in-

stitiam, quæ occulte diuinitus infundebatur, sed tantū significabat recōciliationē, et expiationē, quæ tunc conferebatur diuina ui homini circumciso. Alias uero expiationes, quæ lotionibus, et aspersiōibus fiebant Apostolus ad Hebr. c. 9. appellat iustitias carnis, eò quòd nō pertinebant ad emundationem animæ, & spiritus purificationem, et peccatorum abolitionem, sed tantummodo ad expiationem immunditiæ carnis contractæ, uel ex contactu cadaueris, uel ex lepra, uel ex quapiam huiusmodi causa, seu etiam ex peccato quopiam: significabant utique futuram expiationem animi, & eius figuræ erant, non tamen ad eam attingebant ullo pacto, quòd tamen in circuncisione factum fuisse, iam superius dictum à nobis est. Sacramenta ergo Veteris legis, proportionem quadam, legi ipsi respondebant. Nam sicuti lex nō duceb. t ad perfectum, sed finis eius erat (quantum ad hanc partem, de qua agimus, quæ ad cæremonias spectat) perducere homines ad cultum dei spiritalem, per fidem Christi explicitam hoc carnali, & corporeo cultu: ita etiam sacramenta legis, uel signa erant expiationis animi, quæ in aliquibus fiebat diuina ui, ut in circuncisione, uel corpus expiabant ab irregularitate quadam contracta ex immund

ditia quapiam corporea, aut ex aliquo peccato, quo impediabantur à cœtu sacrorum, & populi. Post Moſen promulgato Euangelio per Chriſtum, longe nobiliora ab ipſo inſtituta ſunt ſacramenta, quæ, & ſignificarent expiationem, & ſanctificationem, & ſignificatione ipſa efficerent, de quibus à nobis hoc opus eſt inſtitutum. Verum ut colligamus id, quod ex ſuperioribus patere facile poteſt, communis quædam animi conceptio ſemper fuit ſacramenta ea eſſe, quibus ſpiritale quodpiam arcanum ſub re ſenſibili contineretur, unde à Græcis appellata fuere *Mysteria*, ideſt, arcana. Illud hic animaduertendum ne decipiamur, ut quibusdam accidit. Nam apud Vcteres, et in Sacris literis, ſæpius ſacramentum dicitur id arcanum, quod latet, interdum uero ſenſibile illud, ſub quo latet arcanum, dictum eſt ſacramentum, non quod ipſum ſit arcanum, quippe quod patet ſenſui, ſed quoniam ſub ſe continet arcanum; quod quidam ignorantēs non intellexerunt locū Pauli in Epiſtola ad Epheſios. c. 5. ac propterea negauerunt matrimonium eſſe ſacramentum, eò quòd Paulus dicat, poſtquam diſſeruerat de uxore, et uiro: Hoc autem magnum ſacramentum eſt, dico autem in Chriſto, & Eccleſia, quaſi ex his Pauli uerbis

sequatur, matrimonium non esse sacramentum, sed coniunctio Christi cum Ecclesia, uerum; si accuratius animaduverterent hi scioli, inuenirent ferè semper in sacris literis sacramentum appellari arcanum. hæc etenim magis propria est sacramenti significatio, in qua, *Mysterium à Græcis appellatur.* Nam apud Thobiam angelus Raphael inquit capitulo duodecimo sacramentū regis abscondere, bonum est; id est, arcanum, opera autem dei prædicare conuenit. Item in lib. sapientiæ. c. 2. de iniquis dicitur, qui irriserunt pios, nescierunt sacramēta Dei. Item apud Daniele. c. 2. ut quærerent misericordiam à Deo cœli super sacramento isto. sic in Apocalypsi. c. 17. dicā tibi sacramentū. Quibus omnibus in locis, sacramentum dicitur arcanum. Verum; apud Theologos posteriores immutata fuit huius nominis ratio, ac appellarunt sacramentum signum illud sensibile, sub quo latet arcanum spirituale, arcanum uero id, quod latet, appellauere rem sacramenti. Nobis ergo tractaturis de sacramentis Christianæ legis, & Catholicæ Ecclesiæ, illud exordium est sumendum, nullum, humano generi polluto per peccatum originis, quo unusquisque infectus nascitur, qui per seminalem rationem, id est, paternam originem trahitur ab

Adam, itemque magis, ac magis polluto peccatis, quæ in se unusquisque adultæ etatis admisit, nullum, inquam, patere aditum ad peccatorum abolitionem, et expiationem, ad reconciliationem, et gratiam ineundam cum Deo, nisi per Christum Iesum dominum nostrum, qui unus mediator est dei, et hominum, ut ait Apostolus, pri. ad Ti. c. 2. neq. aliud datum est nomen, in quo oporteat nos saluos fieri. Verum; Christi redemptionem nobis applicamus per fidem in sanguine eius; ut item ait Apostolus, ad Rom. c. 3. Oportuit igitur homini, qui ex sensibilibus ad intellectualia peruenit, et cui contigit salus per hominem Christum constantem ex corpore humano, & sensibili sanctificationem, & expiationem adhiberi quibusdam rebus sensibilibus, sub quibus lateret hæc sanctificatio, et gratia, qua specialiter à Deo per Christum sanctificatur; oportebat etiam accessum sensibile, et corporeum hominis sanctificandi esse ad res illas sensibiles, quo testatum faceret, se fide accedere ad suscipiendam sanctificationem, et gratiam. Qua de re beatus Thomas excellentiss. Theologus, in. 3. par. sum. q. 62. ar. 6. c. et alibi sæpenumero appellat sacramenta protestationes fidei, quavis etiã sint protestationes fidei in ministris, qui ex fide eccl. sacramenta dispensant. His

fundamētis iactis, accedamus ad institutum, ac prius ordiamur à definitione sacramēti. Duas ponemus, quæ cū eandē uim habeant, posterior tamen est priore explicatior. Prior est Augustini, in li. de Doct. Chr. qui dicit sacramētum esse inuisibilis gratiæ uisibilē formā. posterior est Vgonis de sancto Victore uiri doctissimi, in lib. 1. de sac. par. 9. c. 2. qui definit sacramētū esse sensibile elementū similitudine repræsentans, institutione significans, et sanctificatione cōtinens inuisibilē gratiā. Hæc, ut dixi, posterior, quāuis re, eadē sit cū priori, est tamen longe explicatior, at tamen utitur uocabulo hoc elementū pro sensibilibre quacunq. Res ergo sensibilis est sacramētū, quæ natura constat, & habeat oportet ex insitis à natura similitudinem quandam cum re, quæ spiritualiter agitur, ideo addidit Vgo similitudine repræsentans. Verum quoniam sacramenta uim habent ex institutione Christi, ut infra dicemus, ideo adiunxit institutione significans. Nam naturalis illa similitudo non significaret gratiam dari per rem sensibilem, nisi à Christo ita fuisset institutum, & quoniam, ut inferius dicemus, unum quodque sacramentum conficitur rebus, & uerbis in quibus continetur sanctificatio, & forma sacramenti, ut itidem di-

cemus, ideo additum est, sanctificatione continens gratiam spiritualem, qua sanctificamur. Ex hac definitione sacramenti, cuilibet patere potest, institutionem sacramentorum omnium non potuisse à quopiam homine fieri, præterquam à Christo, qui item Deus est. Nam cum sacramenta contineant gratiam, & sanctificent; gratiam uero det Deus per Christum, nullus homo, neque etiam ecclesia uniuersa, potuit instituere, & sanctificationem adhibere rei sensibili, ut per eam præstetur accedenti, & credenti gratia, et sanctificatio. Solus ergo Deus, qui dat gratiam, & non nisi per hominem Christum, potuit instituere sacramenta, quæ habeant hanc uim certam. Ex hac etiam definitione exploratum esse potest sensibilem sacramentorum formam, signum esse diuinæ largitionis, qua nos per eam sanctificaret. Verum ex parte accedentium ad ea, sunt fidei protestationes. Is enim accessus, quo quispiam adit sacramenta, protestatio quædam est illius, quod credat, non tantum articulis fidei, sed etiam diuinæ promissioni, & institutioni, qua pollicitus est se per ea sanctificationem traditurum. Verum, quoniam diximus sacramenta sanctificari per uerba, & quòd quodlibet sacramentum constat ex rebus, & uerbis, ideo to-

tum illud est latius explicandum. Primum explicabimus id, quod supra tetigimus, sacramenta iure constituta esse in rebus sensibilibus, tum ex parte instituentis, et in eis operantis, tum ex parte hominum, qui accedunt ad sacramenta; ex parte instituentis, cum in redemptione humani generis uerbum diuinum sibi assumpserit hominem, quo, uti instrumento operaretur salutem nostram, qui corpus habet, et est sensibilis, quam obrem Damascenus in libris de fide, appellat corpus Christi organum diuinitatis coniunctum, scilicet, sicuti manus organum hominis est, inquit enim tactu sanabat, aliaque mira operabatur, diuinitas utique sanabat sanabat tamen tangendo, quod corporis erat, sicuti serra faber facit scamnum secando, utique forma scamni ab arte est, organum tamen est serra, cuius est secare, quia ergo secando facit scamnum faber, utique serra organum est artis. Redeamus eò unde sumus digressi. Cum organum diuinitatis fuerit humanum corpus sensibile, quòd agendo, & patiando, ut organum diuinitatis operatum est salutem nostram, utique rationi consentaneum omnibus uideri potest alia quoque organa, disiunctiora, inquam, sacramenta esse in rebus sensibilibus constitu-

ta. ex parte uero hominis per ea sanctificandi,
nulli dubium, quin maxime debeant sacramen-
ta esse in rebus sensibilibus constituta. Nam ho-
mo ita est à natura factus, ut ex rebus sensibili-
bus capiat notionem rerum intelligibilium. imò, in
his, in quibus hæsitatio esse potest, maxime homo
fit certus ex signis sensibilibus, quale est in Euā-
gelio, Mat. c. 9. cū dixissent pharisei, qui est, qui
peccata dimittit: dominus noster, ut eos certos
redderet, respondit, quid est facilius dicere, di-
mittuntur tibi peccata tua, an dicere surge, &
ambula, ut autem sciatis filium hominis habere
potestatem dimittendi peccata, conuersus ad
ægrotum illum dixit, surge, tolle grabatum, &
ambula, ecce; signo sensibili reddidit illos certos
rei inuisibilis, in qua hæsitabant; sic in hac san-
ctificatione hominum, ut omnis hæsitatio à cor-
de nostro pelleretur fuit necesse signo sensibili à
Deo instituto, animum hominis firmare, ut, scili-
cet, certus esset, nisi fide accederet. se consecu-
turum gratiam, & reconciliationem per illud
signum. facile ex his cuilibet apparere potest
merito sacramenta esse in signis sensibilibus. Ve-
rum; quoniam sacramenta institutione signifi-
cant, & sanctificatione continent gratiam, oportet
signum sacramenti sensibile duplex esse;

alterum in quo esset præcipua, & prima uis significandi, cuiusmodi sunt uerba; alterum uero in quo esset naturalis similitudo representans. Huius ordinis sunt res aliæ natura constantes, in quibus apparet similitudo, natura referens id, quod inuisibiliter fit interius: uerba uero præcipuam habent uim significandi. Constat ergo unum quodque sacramentum ex rebus, & uerbis, unde nec res sine uerbis, nec uerba sine rebus perficere queunt sacramenta. Quomodo autem in uno quoque sacramento sigillatim id fiat, infra cum de uno quoque per se sacramento loquemur, liquido explicabimus: Non enim omnium est idem modus, & eadem ratio. Cum igitur res, & uerba unum sacramentum constituent, necesse fuit Theologis hoc in loco mutare uocabula à philosophis, unde appellarunt uerba formam sacramenti, res uero alias sensibiles, materiam, ea de causa, quod materia per se indeterminata sit, terminus uero fiat à forma. Itaque cum res, quibus utimur in sacramentis non ita determinate representent, & significant quid agatur, determinatio uero fiat à uerbis, dixere uerba formam esse, alias res materiā. Verbi gratia, in baptisate aqua, & ablutio diuersa possunt referre, ut, scilicet, mundaetur cor

pus, ut sanitati consulatur, aliaque huiusmodi, uerba addita, scilicet, ego te baptizo in nomine patris, & filij, & spiritus sancti determinant, quid fiat ablutione illa. His expositis restat, ut explicemus tres quæstiones, in quibus solent multum digladiari inuicem Theologi iuniores. Prima pertinet ad uim efficientem sacramentorum, an scilicet, sint tantum signa rei spiritualis, quæ sit, an & ipsa quippiam efficiant. Altera quæstio est, de sacramentorum effectibus, quorum prior est in quibusdam sacramentis character, quid nam, inquam, sit is character. Altera uero est de gratia, an scilicet, sacramentalis gratia, sit quippiam aliud a gratia illa, qua iustificamur, & à peccatis expiamur. In ea dubitatione, quam primo loco proposuimus, inter iuniores Theologos controuersia est, nam nonnulli ut Ioannes Scotus, quem in hac parte secutus est, Durandus, putant sacramenta ecclesiæ, esse tantum signa quædam gratiæ, & sanctificationis, quam nobis Deus solus, & immediate præstat, & in anima gignit, ueluti ex pacto quodam nobiscum innito, quod quandocunque contigerit nos accedere ad sacramenta, & eis initiari, ipse occultam nobis daturus est gratiam. huic sententiæ uidetur Psalmus ad stipulari, in quo d-

Etum est, gratiam, & gloriam dabit dominus. Præterea charitas dei, quæ est gratia, uel inseparabilis est à gratia, datur nobis, & infunditur per spiritum sanctum, item quemadmodum nihil potest igniri, idest, fieri particeps naturæ igneæ, præterquam ab igne, ita nihil potest fieri particeps naturæ diuinæ, quòd nobis contingit per gratiā, præterquam à deo. Afferunt hi præterea alias rationes, quibus ostendere conantur, impossibile esse uirtutem efficientem, etiam instrumentariam contineri in sacramentis, quæ nec diuisibilis, nec indiuisibilis in eis constitui potest commode, etiam in uerbis, neque permanentem, cum uerba sequantur motum, neque successiuam quæ in ultimo instanti prolationis uerborum nulla esset, sicuti tunc nullus est motus, qui iā esse desuit. Hæ, ferè; rationes potiores adduci solent à Theologis magni nominis, quas ut euitent in eam adducti sunt sententiam, ut dicerent sacramenta non tantum ueteris, sed etiam nouæ legis, & Christianæ ecclesiæ esse tantum signa arcane gratiæ, et sanctificationis, quæ in illis præstatur. Verum, beatus Thomas, & doctissimus, & sanctissimus uir, cum animaduerneret dicta sanctorum, Augustini, inquam, qui, ut magister dicit in quarto libro, cum

loqueretur de baptismo, quæ est uirtus, quæ tangit corpus & abluit cor, item omnium Theologorum sua ætate superiorum, qui dixerunt sacramenta nouæ legis differre, à sacramentis legis Moſis, quia efficiunt id, quod significant, non est horum ſententiæ aſſenſus, ſed dixit præſertim in ſumma theologiæ, quam poſtrema ætate compoſuit, in ſacramentis eſſe quandam cauſam effectricem ſanctificationis, & gratiæ, non quidem primariam, ſed instrumentalem. Nos quidem, quanuis non diſſiteamur ſuperiorum authorum ſententiam poſſe deſcendi, & euitari nodos earum rationum, quas attulimus, nihilominus putamus ueriores eſſe, & magis conſonam dictis ſanctorum, nec alienam à progreſſu rerum naturæ Thomæ ſententiam. Nam quanuis in alijs ſacramentis ueteris legis dici poſſet non fuiſſe illa certa ſigna collatæ gratiæ, ſicuti ſunt ſacramenta Chriſtiana, in circuncifione tamen hoc dicere poſſunt; ideoque circuncifio æuari poterit ſacramentis Chriſtianis, niſi uelint dicere, quòd maior gratiæ copia traditur in baptismo, quàm in circuncifione, quòd quanuis ſit poſſibile, non tamen efficit in genere ſacramenti noſtra eſſe potiora circuncifione. Nam cum ſacramenti ratio ſignificatione conſtet, oportet no-

stra sacramenta in significatione quippiam maius habere, quàm signa esse, ideo significando efficiunt id, quod significant, eo tamen modo, quo uirtus efficiendi est in instrumēto, tota hæc res probè declaratur ab Aristotele in secundo libro de Generatione animalium. nos paucis curabimus hanc satis implicatam rem illustrare. Omne, quod fit, ab aliqua causa fit, quæ actu est id, quod facere debet, uerum quædam statim absque alio medio à causa sua fiunt, ut ignis, qui ex ligno generatur ab alio igne, quædam uero fiunt quibusdam organis, & instrumentis, in quibus, id, quod fit, non est in actu ex propria ipsorum natura, & forma, sed tantummodo quatenus mouetur à causa mouente, & efficiente. Huius rei exēplum clarius sumi potest ab his, quæ ab arte fiunt. Vtique pictor seu faber mente conceptam habent formam, quam uolunt effingere, fit ergo res illa ex potentia, actu ab forma concepta, quæ est in mente artificis, uerum penicillo, & coloribus pictor, uarijs ferramentis faber; ea forma in illis instrumentis non est actu secundum eorum naturam, ut perspicuum est, sed quatenus mouentur ab artifice, & hic motus localis est, quare magis subiectus sensui, & uisui, alio namque modo mouet penicillum pictor,

Et or, cum uult effingere caput hominis, alio cū
pingit pedem, sic facit faber quilibet, & modus
ille motus, accommodatus est formæ pingendæ,
seu sculpendæ, unde forma illa, est in instrumen-
tis per modum motus, id est, in quantum moue-
tur ab artifice, ideoque incomplete, ac ueluti per
transiūm quendam, quo (ut ita dicam, gratia
melius explicandi hunc locum) forma, quæ, est
in mente artificis, transit per modum instrumen-
torum in materiam illam. non est ita re uera,
sed modus quidam similis est. ab arte ueniamus
ad factiōnem naturæ, si animal generatur, uti-
que generatur ab animali alio actū existente,
sed medio semine, ueluti organo, in quo fit im-
pressiō quædam, & motus ab anima generantis,
non localis, ut ab arte, sed alterationis cuiusdam
sensu nō perceptibilis sed ratione secundum ana-
logiam, & proportionem artis, quo motu medio,
generatur aliud animal, utique, ut inquit Ari-
stoteles in eo loco, quem adduximus supra, ani-
ma non est actū in semine; sed in animali, à quo
dictum est semen, in semine uero est motus ille
impressus à generante, in quo est anima, sicuti
forma artis est in motu penicilli, aut ferramen-
torum. Explicatis his, quæ pertinent ad artem,
& naturam, ueniamus ad exponendam hanc

uim efficientem, quam ponimus in sacramentis nouæ legis, in quibus dicimus esse uim instrumentalem, ad efficiendam sanctificationem. Verum, quoniam primum, & proximum diuinitatis instrumentum est homo ille, idest, natura illa humana, quam uerbum assumpsit, ut inquit Damascenus, in qua corpus est sensibile, cuius opera, ut instrumento miracula a diuinitate fiebant, sicuti tangendo sanauit leprosum, & expuendo cæcum, & uocando Lazarum suscitauit, in Christo primum speculemur hanc uim instrumentariam, & ab eo poterimus commodius accedere ad sacramenta. Sanatur leprosus tactu Christi, non potest dici tactum illum fuisse tantum signum, imò uim habuit ad sanationem illam, nec possumus dicere primam uim efficientem miracula, non esse in deo, uis igitur in tactu corporeo, fuit uis instrumenti, quare quem admodum motus ille penicilli, in quantum dirigitur ab arte pictoris, habet uim efficiendi imaginem, quæ uis nihil aliud re est, quam motus penicilli, quatenus, scilicet, ab arte dirigitur, ita in semine, impressio illa seu alteratio facta ab anima generantis, est uis instrumentaria, per quam fit aliud animal, & in ea ui, & impressione, est in potentia anima, non alia res ab ea impressio-

ne, sed ipsamet impressio, prout directa est, et impressa ab anima generantis; ita tactus ille corporeus Christi, qui; prout dirigebatur à diuinitate, fuit uis instrumentaria, qua leprosus sanatus fuit, non alia res præter tactum, sicuti nec alia res præter motum penicilli est uis instrumentalis picturæ; tactu ergo Christi sanauit diuinitas, sicuti motu penicilli pictor pingit, & diuerso motu diuersas quoque effingit imagines. His expositis de Christo, in quo primum est diuinitatis organum, accedamus ad sacramenta Euangelicæ legis. In sacramentis est uis instrumentaria sanctificationis, uerum, quoniam (ut diximus) uis instrumentaria non est in instrumento secundum formam propriam, sed prout dirigitur, & mouetur ab agente, quare Aristoteles in eo, quem adduximus, loco de generatione animalium, inquit, formam rei factæ, esse in motu instrumentorum, necesse est ergo uim hanc instrumentariam esse in signis sensibilibus, secundum aliquam eorum, ut ita dicam, actionem, uel actioni rem similem; hæc uero in sacramentis nihil aliud est, quàm significatio, unde significando efficiunt, idest, uis diuina, Deus ipse, sicuti usus est tactu corporeo Christi, ut uis instrumentali ad sanationem, ita in sacramen-

tis nouæ legis, utitur significatione eorum, ut ui, qua, efficiat ipse, id, quod significat: significatio uero est relatio ad rem significatam, ex institutione Christi procedens, ut ex causa, & fundamento. Illa ergo sacramenta, quæ tantum significant, & quorum significatione, deus non utitur ut ui instrumentaria, sicuti usus est tactu Christi, sunt tantum signa, cuiusmodi fuit circumcisio, sic etiam fuit tactus Helisei, quando extendit se super cadauer filij Scennamitidis, non enim tactus ille, habuit ullam uim efficiendi miraculum, ut tactus Christi, eodem pacto, sacramentis nouæ legis deus dedit, ut significatione efficiant, sicuti uoci Christi uim dedit ut uocando suscitaret Lazarum. Hac re difficilima satis, ut puto, explicata, & illustrata, non est difficile soluere rationes contra sentientium. Nam uerum est solum deum dare gratiam, ut agens principale, & primum, sicuti animal non generatur, nisi ab animali, nihil tamen prohibet, quòd deus utatur instrumento ad hoc efficiendum, sicuti animal semine utitur, seu ui seminali ad generandum aliud animal. Ad ea, quæ adducuntur de ui illa, an sit diuisibilis, an indiuisibilis & cet. manifestum est, quòd isti, quauis grauissimi authores, non bene intel-

lexere, quid sit uis instrumentaria, quæ in quibusdam est localis motus, in quibusdam alteratio- nis, in quibusdam similis actione, in re igitur hac nostra, uis ista, est significatio, quæ est relatio, quæ non semper est in re, quæ dicitur relatiue, ut ei inherens, ideo significatio, uerbi gratia, sermonis, quoniam non est completa significatio, nisi in ultimo sermonis momento, quodammodo indiuisibilis est, uerum quoniam non est in eo completa, nisi ratione procedentium sermonis partium, quodam alio modo est diuisibilis: hi uero putauerunt hanc uim esse quoddam accidens, inherens rebus sacramentorum, nec bene perceperunt modum, quo res, quæ efficitur, est in instrumento, & quàm diuersis modis sit in diuersi generis instrumentis, ideo in eas angustias inciderunt. Hac explicata quæstione, ad alteram accedamus exponendam, quoniam sunt quedam sacramenta, quibus non tantum sanctificatio, sed etiam quedam consecratio adhibetur suscipientibus, quemadmodum baptismo, confirmatione, & ordinis sacramento, quæ iterari non possunt, utique sancti authores, in quibus Augustinus, & in sacris canonibus Pontifices dixere, his sacramentis imprimi characterem suscipientibus: inde inter iuniores Theologos cō-

trouersia orta est, quid nam sit hic character. beatus Thomas putauit characterem nihil aliud esse, præterquam spiritualem quandam qualitatem, quæ pertineret ad potentiam non naturalem, sed spiritualem suscipiendi, uel agendi aliquod sacrum, non tamen completam, & perfectam, sed incompletam instrumentalem, inquam, qua spiritus sanctus, ut instrumento, utatur in actionibus sacris: hanc potentiam posuit Thomas in intellectu hominis, non autem in uoluntate, aut in substantia anime. Nam cum principium actionis, & passionis proximum, sit anime potentia, non autem essentia, ideo hæc qualitas spiritualis in essentia non erit: potentia autem mentis cum duæ sint intellectus, inquam, & uoluntas subiectum huius potentia, seu characteris non potest esse uoluntas, qua homo bene, uel male omnibus alijs utitur, non enim character efficit uoluntatem bonam, & bonum hominem: non erit igitur perfectio uoluntatis, sed erit perfectio intellectus, quatum bene, tum male homo uti potest. hæc Thomæ sententia, contra Scotus existimat, nulla firma ratione, aut authoritate nisi hanc Thomæ sententiam, quam obrem putat ipse hunc characterem nihil aliud esse, nisi relationem quandam inhæ-

rentem essentia animæ, quæ is deputatus est, & respectum habet ad illud sacrum, quodcunque illud sit, sicuti in calice consecrato, nihil aliud est nisi relatio, ad continendum sanguinem Christi; sic si quispiam in ciuitate fiat consul, aut prætor, nulla ei qualitas additur ex ea electione, sed relatio quædam noua acquiritur ad agenda illa, quæ pertinent ad prætorem, uel consulem, atque ad his potiundum, quæ prætori, consuli uel debentur. Hæc Scoti opinio magis uidetur cõuenire philosophiæ principijs, præterquàm quòd ponit relationem, necessario esse rem quandam in hærentem ei, quod dicitur secundum eam relationem, confestim illi inditam cum primum incipit dici relatiue. Hoc meo iudicio non est satis Aristotelicum. Nam relatio aduenire potest alicui, & recedere, nulla in ipso facta mutatione. Verum; hæc omittamus, quæ non multum faciunt ad hoc opus, quod de Sacramentis institui mus, cõuenit, inquam, hæc sententia philosophiæ, & principijs naturæ. Verum; dictis Sanctorum mihi uidetur prior sententia magis conuenire. Inquit Augustinus sæpenumero contra Donatistas, & præcipue in libro de unico baptismo. in hæreticis, si uidero notam, et characterem Christi, reijcio id quod est hæreseos, notam tamen do-

mini ubicunque ueneror, agnoscō, & tueor. Hic sensus, & alijs fortasse uerbis expressus. Primo non satis uideo quo nam pacto presbyter ex communicatus, suspensus, aut degradatus si cōsecret, uere conficit corpus Christi, si character est tantum relatio, & non potius potentia quædam, per consecrationem impressa sacerdoti, qua illud sacrum agit, etiam peccans, etiam degradatus. Non eò inficias nostris rationibus his, posse responderi ab his, qui aliam sententiam uellent tueri, attamen iudicio meo, magis quadrat obiectio, quàm quadret solutio. Tercia quæstio est de gratia sacramentali, quam Thomas posuit, aliqui uero posteriores nullam putant esse, præter primam illam gratiam, qua iustificamur. Paucis exponemus utranque sententiam. in anima hominis, ab originali peccato ueluti uitium, & uulnus quoddam, relicta est infirmitas quædam, & imbecillitas, ex qua facile deficimus, & ruimus in peccatum, quoniam uero, ut superius diximus, sacramenta instituta sunt contra peccata, ad eorumque abolitionem, uidetur probabile beato Thomæ, ex ui sacramentorum, præter abolitionem reatus peccati, quo ad culpam, & ex gratia, qua iustificamur, quam sæpenumero habent accedentes ad sacramenta, descendere

etiam in uires animæ spirituales quendam uigorem, quo firmentur uires animæ, ne adeo facile in peccatum labantur, & speciatim inuentur ad certum sacrum munus obeundum. hanc appellat Thomas gratiam sacramentalem, ratione principij, & radicis, à qua profluit gratia, scilicet iustificantis. posteriores uero, auidiores fortasse gloriæ, seu acutiores, qui innituntur hoc principio, non debere induci multitudinem rerum, & entium absque necessitate, conantur ostendere non esse necessariam hanc gratiam, sed primam illam gratiam, simul cum uirtutibus ab ea procedentibus, quibus uires animæ perficiuntur, satis esse ad præstandum hanc firmitatem animæ hominum. nolo ego subtilius discutere hanc questionem, nullam etenim uideo cogentem rationem, ut alteri potius adhaream, quam alteri: nihilominus, quanto plura nobis dantur à deo optimo adiumenta, ut & bona faciamus, & à malis abstinamus, tanto mihi uidetur diuinius debere existimari, & maiores à nobis deo optimo habendas esse gratias per Christum, per quem nobis tot, & talia bona concessit. His questionibus expositis, redeamus eò unde digressi sumus. dicebamus sacramenta, quoniam significando agunt, constare ex sensibili-




bus signis duplicibus, ex rebus, inquam, & uerbis, quorum, uerba se habebant ut forma, res alia, ut materia, uerum, quoniam uerba primo significant conceptum, & intentionem proferentis, ideo oportet in sacramētis esse præter ea, intentionem ministri, qui cum sit minister ecclesiæ, oportet, intēdat id agere, quod ecclesiā agit, quanuis ipse putaret nihil illud esse, aut uanum, aut etiam impium. Hoc enim totum malum pertinet ad personam per se sumptam, non autem ad ministrum, quatenus minister est. cum ergo uelit ipse subire personam ministri, & fungi ecclesiæ ministerio, utique intendit etiam id agere, quod agit ecclesiā, qualecunque existimet esse illud. Quis autem in sacramētis minister esse debeat, exponemus, cum sigillatim agemus de sacramento quoque, nam alius, atque alius est in sacramento quoque. uerum; primum in sacramētis agens Deus est, Christus deinde per passionem suam, per quam meruit uim illam sacramentorum, & potestatem habuit instituendi, unde per excellentiam quandam agit, minister homo postmodum, ut organum propinquū. Numerus sacramentorum nouæ legis, & Christianæ ecclesiæ septem continetur: quorum tria pertinent ad regenerationem, seu generatio-

nem spiritualem in Christo, augmentum, & nutritionem, duo ad sanationem, item duo ad propagationem, tum spiritualem, tum corpoream humani generis, seu, ut rectius dicam, Christiani populi. Omnium perfectissimum est Eucharistia sacramentum, in quo continetur, non gratia Christi, sed Christus ipse, in quo est omnis gratiae plenitudo. maxime omnium necessarium ad salutem est baptisma, per quod renascimur in filios dei. His addendum, quaedam sacramenta instituta fuisse, tantum ad maiorem sanctitatem acquirendam, ut Eucharistia, quae indirecte tamen peccata uenialia abolet. Quedam ad expiationem peccatorum, & sanctitatem acquirendam, ut poenitentia, cuius ueluti perfectio, & consumatio est extrema unctio. Quedam ad remedium peccati, & aliquam sanctitatem, ut matrimonium. Quedam ad consecrationem, & maiorem quandam sanctitatem, ut sacri ordines, & Chrisma. Baptisma uero institutum est ad expiationem peccati originalis, item aliorum, si qua fuerunt illi addita, insuper ad sanctificationem, & consecrationem. Nam in baptismo inserimur Christo per quem sanctificamur, et consecramur in genus regale, & sacerdotale. Haec de sacramentis in uniuersum dicta sufficiant.

GASPARIS CONTARENI
 CARDINALIS DE SACRA
 MENTIS CHRISTIANAE LE
 GIS, ET CATHOLICAE
 ECCLESIAE.

LIBER SECVNDVS.

De Sacramento Baptismatis
 Cap. I.



*N*illum esse hominem puto
 ingenij paulo perspicacioris,
 praesertim si ingenue fuerit
 philosophatus, ac in rerum
 naturae contemplatione uer
 satus, accesseritque ad Chri
 stianam philosophiam, qui non summo opere mire
 tur Christianae doctrinae, ac religionis progres
 sum, in quo ueluti in speculo facile perspicit eun
 dem fuisse Christianae pictatis institutorem, qui
 etiam naturam rerum condiderit, adeo similes
 inter se progressionem habent, id, quod perspicue
 cuius patere potest in hoc, quod aggressi sumus
 sacramentorum negotio. Apostolus Paulus, in
 prima ad Cor. c. 15. inquit. Primus homo de terra

terrenus secundus homo de cælo, cælestis, sicuti portauimus imaginem terreni, ita portemus imaginem cælestis. In Euangelio Ioannis. c. 3. dominus noster Iesus dixit Nicodemo, oportere nos nasci denuo, si simus ad regnum cælorum peruenturi, & aqua, scilicet, et Spiritu Sancto. sicuti ergo cum primum in hanc lucem homo prodit seu etiam cum in utero matris formatur, nasci dicitur homo, ita, ut fiat homo Christianus, dei scilicet, filius, oportet hominem iterum nasci; sed prior illa natiuitas corporea est, ac propterea sensu percipitur, secunda hæc, spiritualis est, ideo sensu capi non potest. item in priori natiuitate cum homo non generetur ex quoquam alio animante, quod mori oporteat, ut ex eo nascatur homo, in hac posteriore nascitur homo spiritualis, & diuinus ex carnali homine, & terrendo; ideo secunda hæc non tantum natiuitas est spiritualis hominis, sed etiam est interitus hominis carnalis, idcirco non tantum natiuitas, sed etiam regeneratio dicta est, item resurrectio, ut in Apocalypsi. c. 20. à Ioanne Apostolo nuncupatur resurrectio prima, ut præclare exponit Augustinus in libro uigesimo de ciuitate Dei. Verum; sicuti hac generatione non efficitur totus homo spiritualis, ita etiam non omnino mo-

ritur homo carnalis, sed quædam fit inchoatio huius uitæ, et illius mortis, quæ in die iudicij omnino perficietur, cum totus homo erit spiritalis, & nihil carneum remanebit, quo ad corruptionem, inquam, et malum, nõ quo ad substantiam. Hoc arcanum, hoc mysterium quod exposui, latet sub sacramento baptismatis, quo; sub aqua mergitur, ac sepelitur homo carnalis natus ex Adam, nature corruptæ, & carneæ, filius iræ, & indignationis Dei. Gerit hæc immersio imaginem sepulture Christi, qua sepulta fuit non caro peccati, ut nostra, quæ nunquam fuit in Christo, sed caro habens similitudinem carnis peccati, ut inquit Apostolus, ad Rom. c. 8. deinde emergit nouus homo sanctificatus per aquam, & inuocationem trinitatis, quod Diuus Petrus Apostolus in Epistola prima. c. 1. appellat semen incorruptibile, quo nati sumus. Vide quàm hæc generatio respondeat generationi nature, cum Princeps Apostolorum appellet uerbum, quo baptizamur semen incorruptibile. Hoc igitur arcanum, latet sub hoc baptismatis sacramento, generatio spiritalis, expiatio a peccatis, consecratio eius, qui baptizatur, sepultura, & resurrectio Christi. Id uero, quod subijcitur sensui, quod patet omnibus, est ablutio, seu im-

mersio, & emersio, aqua, & uerba sacerdotis, ego, scilicet, te baptizo in nomine patris & filij et spiritus sancti, inuocatio, uidelicet, trinitatis. Sacramentum baptismatis non est aqua, neque uerbum, sed ipsa ablutio, & immersio sub certa hac forma uerborum expressa. Materia est aqua elementalis, et natura constans, non arte ut rosacea, seu quauis alia huiusmodi. Nihil tamen differt siue fuerit calida aut frigida, aut quouis alio pacto alterata; dummodo aqua sit natura constans. Forma sunt uerba à sacerdote prolata. Vis baptismatis est conferre expiationem à peccato originali, & alijs omnibus, ita quòd neque reatus ullus culpæ, nec poenæ remaneat, sed sit ueluti nouus homo genitus, & in lucem editus. Vir baptizatus, suscipit enim in se totam mortem Christi, in alijs sacramentis fit particeps eius. Item datur in baptismo participatio quædam diuinæ naturæ, efficimur enim in Christo dei filij per baptismum, ut inquit Ioannes Apostolus in capite primo sui euangelij. dedit eis potestatem filios dei fieri. Item ut idem Ioannes in epistola prima c. 3. filij dei sumus, & nondum apparuit quod erimus. Item Paulus ad Romanos c. 8. dedit nobis spiritum clamantem abba pater. Innumeri alij sunt in scriptura loci idem asserentes.

Præterea

Præterea ui baptismatis imprimitur in mente nostra character per consecrationem, quo potētiam nanciscimur suscipiendi omnia sacramenta, & obeundi omnia munera, quæ pertinent ad hominem Christianum. Hæc nobis in baptismo conferuntur. Minister baptismatis proprius est sacerdos, nam cum baptismo conferatur gratia, & sanctificatio, per quam præcipuè illuminamur, ideo minister est sacerdos, ad quem in hac ecclesiastica hierarchia pertinet illuminare, ut inquit Dionysius, sicuti episcopi est perficere, & diaconi purgare, ex quo fit, ut etiam presente episcopo presbyter possit baptizare. Proprius enim hic minister est. Verum quoniam hoc sacramentum, est sacramentum fidei, & adeo necessarium, quod sine ipso paruuli consequi salutem non possunt, ideo effectum est ut diaconi, si prebyteri copia non fuerit, laici uiri, mulieres: etiam infidelis possit esse huius sacramenti minister, dummodo intendat facere id, quod ecclesia facit, & si putet illud nihil esse, ut diximus in priori libro, nam agit ut minister ecclesiæ, & in fide ecclesiæ. Est tamen aduertendum, quod hoc ministerium pertinet semper ad digniores, qui adsunt, quamobrem presente uiro, famina non debet fungi hoc officio, adultero

præsente, puer, item laicus, præsente diacono, aut diaconus, præsente presbytero. Presbyter uero etiam præsente episcopo potest rite baptizare, quia eius ministerium est. Quæ non accipi uolumus in eam sententiam, ut putet quispiam, sic baptizatum, nõ esse uere baptizatum, est etenim uere baptizatus, sed non rite, neque ex ordine. Narratur in historia ecclesiastica ab Eusebio de Athanasio, qui puer in litore quodam cathecumenos baptizauit coritu, quo uiderat episcopum Alexandrinum baptizare, qui de consilio illius academie Alexandrinæ celeberrimæ non fuerunt iterum baptizati, cum Athanasius factus fuisset, se uoluisse facere id, quod episcopus faciebat. Conferri debet hoc sacramentum, & adultis, & paruulis, quia sicuti per alium contraxere peccatum originale, item etiam per alium remedium, & medicinam possunt capere. Præclare hoc tractat Augustinus ubi agit de baptismo paruulorum, in quos gratiam, & uirtutes infundi secundum habitum, quorum postea usum habeant præcipui Theologi sentiunt. Anselmus uerò in libro de conceptione uirginis dicit, quod nihil recipiunt, sed tollitur culpa, & saluatur gratia, quæ non in ipsis, sed est in Christo, & fide ecclesiæ, quibus sunt annexi per ba-

ptisma. non tamen propterea ab infidelibus parē-
 tibus inuitis, abstrahi debent paruuli, ut bapti-
 zentur inuitis illis, nam opus Christi non debet
 inchoare ab iniustitia: filij autem sunt in pote-
 estate parentum, quousque ad etatem peruene-
 rint, qua sint compotes rationis; quòd si bapti-
 zentur, putat Durandus, eos non esse uere bapti-
 zatos. ego tamen credo uerius dici, quod, sunt ba-
 ptizati. sufficit enim fides offerentis quanuis
 usurpent ius alienum, ut in decretis distinc. quar-
 ta. c. illud. adultis uero accedentibus ad baptisma
 necessaria est prateritorum peccatorum poenitē-
 tia, non dico, poenitentiam sacramentum, sed ani-
 mi motum, quo eos poeniteat uitæ & prateritæ. &
 necessaria est etiam fides, qua credant sibi presta-
 ri redemptionem, & remissionem peccatorum
 per mysterium Christi, & per baptismatis sacra-
 mentum, quorum alterum si defuerit, fictæ ac-
 cedunt, nec recipiunt gratiam, seu sanctificatio-
 nem, recipiunt tamen characterem, & conse-
 crationem, ui cuius, si postea fides, aut poeniten-
 tia accesserit, fiunt compotes gratiæ, & sanctifi-
 cationis. prater hoc aquæ baptisma, à Theologis
 ponuntur duo baptismatum genera, spiritus, in-
 quam, & sanguinis. spiritus baptisma, est animi,
 cum scilicet, quis credit, & dolet de peccatis, cu

pit etiam baptizari, obit autem, antequam possit, baptizatus, hic obit, non aqua, sed spiritu. item, si quis nōdum baptizatus, pro Christo moritur; funditque sanguinem, ne Christum neget, baptizatus, hic obit, non aqua, sed sanguine. postremum hoc baptisma potius, et perfectius alijs est, nam uere, & non per similitudinem assimilatur morti Christi, & sicuti Christus lauit nos suo sanguine, ita hic non est lotus aqua, sed sui sanguine, quem fudit. tria hæc baptismatum genera dicta sunt, tamen non omnia uere sunt sacramenta. primum per aquam sacramentum est absque dubio, & eam habet uim, quam diximus. secundum baptismum spiritus, inquam, uere non est sacramentum, neque uim habet, quam primum; nam & si reatus culpæ tollitur, unde æquualet baptismo priori, non tamen necesse est, ut eo tollatur omnis pœnæ reatus, uerum, prout est in eo charitas, & contritio, & sacramenti desyderiū. De baptismo tertio, omnes ferè putant eandem rationem cum secundo. attamen, si interdum licet à magnis uiris dissentire, ego putarem, hoc tertium ueriores habere rationem sacramenti. nam in eo est sensibile signum, mors, inquam, et effusio sanguinis, in secundo uero nullum est sensibile signum. & etiam putandum omnem rea-

tum culpæ, & pœnæ auferri hoc baptifmate, quòd, fi quis uellet adfcribere martyrio, non autem ui baptifmatis, non effem multum pertinax, mihi tamen placeret, quod & ui martyrij, & ui baptifmatis, id eft, fignificatione mortis Chrifti, in qua, is uere moritur, tolleretur omnis reatus, & culpæ, & pœnæ, quale fuit paruulorum innocentium ab Herode interfeftorum. nunc paucis agendum eft de his, quæ, neceffaria funt ad efficiendum facramentum baptifmatis, item, quæ funt de præcepto, quæ fi omittantur non propterea reddunt facramentum inefficax. item, quæ pertineant ad folennitatem baptifmatis. Neceffaria ad efficiendum uerum baptifmatis facramentum, eft primum materia, aqua, fcilicet, habens fpeciem, & naturam aquæ, item, forma, quæ eft à Chrifto inftituta, & expreffa in euangelio fecundum Matthæũ. c. xxviij. ite docete omnes gentes, baptizantes eos, in nomine patris, et filij, & fpiritus fancti. quare dicendũ eft, ego te baptizo, in nomine patris, & filij, & fpiritus fancti. Græci uero ut euitarent fchifma illud, de quo meminit Apoftolus in prima ad Corinthios. c. i. ego fum Petri &c. dicunt, baptizatur feruus Chrifti, in nomine patris, & filij, & fpiritus fancti. nec dubitandum quòd conferunt uerum ba

ptisma, quia maxime omnium primum, & præcipuum in baptisate, est sanctificatio, & consecratio per inuocationem trinitatis. si Latinus hac forma uteretur, grauissime eum peccaturum certo scio, quia negligeret ritum suæ ecclesiæ. nõ auderem tamen dicere, quod uerum baptisma non conferret, & quod is rebaptizandus esset. mutatio uero in his uerbis, si fieret ea ratione, ut nouus error introduceretur, nulli dubium, quin sacramentum corrumpere: non enim minister seruaret intentionem agendi id, quod agit ecclesia. si uero recta esset intentio, et fieret mutatio, quæ non tolleret significationem, quæ per inuocationem trinitatis, consecratur baptisma iuxta fidem ecclesiæ, utique uerum sacramentum confert, ut in Decr. de consec. dist. 4. a Papa Zacharia scribitur in. c. retulerunt. licet peccat ob incuriam, seu cõtemptum. dubitatio est, an si quis baptizaretur in nomine Christi; sicuti Apostoli leguntur baptisma contulisse in actibus apostolorum, uere baptisma susciperet. Ambrosius in libro de sacramentis, cuius locum adducit Magister sententiarum in quarto libro, uidetur sentire, quod uere esset baptizatus. Scotus ibi dubitat. beatus Thomas sentit, quod non uere, ille est baptizatus, nixus autoritate Pelagij papæ ad Gau

dentium episcopum, qui locus adducitur de consecr. distinc. 4. c. si re uera, uerum si diligenter animaduertas, is quem Pelagius baptizatum in nomine Christi, præcipit rebaptizari, fuerat baptizatus ab hæreticis, in quibus fortasse nõ erat uera fides trinitatis. attamen, Thomæ sententia est tutior. mutatio uerborum ex ignorantia proferentis, uel balbutiei, quæ sensum non mutat, quòd præcipue contingit, si in fine uerborum fiat, non reddit sacramentum irritum: de ministro baptismatis, supra diximus satis. illis addendum, quòd nec se ipsum quispiam baptizare potest, ut habetur extra de baptismo. c. debitum. nec nisi ab uno potest conferri baptisma, nõ autem à pluribus, de consecr. distinc. 4. nam sicuti unus est Christus, cuius uirtute consecratur baptisma, ita unum oportet ministrum esse. est enim anadochus, siue susceptor, qui baptizatus, & confirmatus esse debet, ea. distinc. c. in baptisate, & unus ea. distinc. c. non plures. licet nunc plures coadiutores sumantur. dicitur quòd ecclesia Romana nõ eodem anadocho utebatur in baptisate, catechismo, et chrismate, ut habetur in Decr. distinc. 4. c. in cathechismo. uidi tamen, & re nõ seruari. de suscipientibus autem baptisma, supra diximus, quòd oportet uoluntarie accedere ad

baptisma. Voluntarium uero tollitur, uel per ignorantiam, uel per coactionem, ideo dormientes adulti, aut amentes non debent baptizari, nisi in eis apparuerit, cum erant mentis compotes, uoluntas suscipiendi baptisma. ut extra de bapt. c. maiores in fi. in paruulis sufficit uoluntas offerentis, ut in Decr. distinc. 4. c. illud, & extra de bapt. c. maiores, hoc Innocentius tertius statuit. coactio etiam in qua nihil est uoluntatis, tollit uoluntarium, quod requiritur in baptismo. si uero fuerit coactio mixta, de qua Aristoteles in tertio ethicorum, ut si minis, & poenis cogentur, utique, quanuis non recte id fieret, susciperent tamen characterem baptismatis, & cogendi essent ad uitam christianam, ut in Synodo Tolotana decretum fuit, extra de baptismo. immersio una, uel trina est, secundum morem ecclesie cuiusque. Hæc ferè sunt, quæ ut necessaria requiruntur in baptismatis sacramento: quibus addidimus multa, quæ sunt præcepta, & quæ si tamen non adsunt, propterea non reddunt sacramentum irritum, & inane. Accedamus nunc ad solennem ritum sacramenti huius. Quantum ad materiam sacramenti huius, solet in templis episcoporum, ac in alijs præcipuis, die sabbati maioris hebdomadæ, uigilia, inquam, paschatis benedici

aqua, magna cum solennitate, qua baptizandi sunt, qui ad hoc sacramentum accedunt, inspergi etiam in ea oleum chrismatis. hac aqua ita benedicta debent baptizari, qui ad baptismum accedunt. hic ritus spectat ad solennitatem sacramenti. Apud ueteres patres nostros mos erat, ut etiam in uigilia pentecostes aqua baptismatis benediceretur, quoniam duobus his temporibus solebant catechumenos baptizare, adultos, inquam, quorum tum magna erat copia: quos etiam ante diebus uiginti exorcismis purgabant, et catechismis instruebant, ut habetur in Dec. dist. 4. c. ante uiginti dies. quod ordinatum fuit ex concilio Bracarense secundo. iudeos uero etiam aliquot mensibus, ut habetur in Decr. de consecr. dist. 4. c. iudei. quod ordinatum fuit ex concilio Agathensi. Nostra uero tempestate, qua pauci baptizantur adulti, sed plerique omnes infantes, omissa est hæc benedictio baptismatis in uigilia pentecostes: sed in totum annum sufficit aqua, quæ pridie paschatis est benedicta. quantum uero ad reliquum solennitatis morem, notus est mos nostræ ecclesiæ Romanæ inquam, nam anadochus ante fores templi, uice infantis respondit interroganti presbytero, se fidem petere, id est fidei sacramentum. ungitur puellus dorsum inter spatulas, & ungi-

tur pectus oleo ad hoc munus ab episcopo consecrato, in signum crucis, ut athleta, cui sit in uita cum demone perpetua lucta, sal etiam sapientiae simulachrum ori eius imponitur. Leguntur exorcismi, & insuflatur demon. leguntur catechismi, quibus in fide christiana instruitur. nares, & aures liniuntur salina, ut aperiantur ad audiendum, & odorem percipiendum fidei Christi. Proficitur symbolum fidei. interroganti sacerdoti, petit baptizari: baptizatur trina immersione. in uerticem ungitur oleo chrismatis. induitur deinde ueste candida. Dionysius in libro de ecclesiastica hierarchia ritum describit huius sacramenti, quod & baptismatis, & illuminationis appellat, quem puto etiam nostris temporibus ferè à grecis seruari. uerum in adultorum baptismo seruari ille ritus uniuersus potest, non item in baptismo paruulorum. adultus ibi adit hominē christianum, qui anadochus eius sit, idest ueluti pronubus, is baptizandum petentem baptizari ducit ad episcopum, conuenit clerus, nomen baptizandi describitur, psalmi cantantur in exorcismis. uersus, ille baptisma petens, inquam ad occidentem, renunciat contrarijs potestatibus, deinde uersus ad orientem expansis in cœlum manibus, & Christi participem se esse, & sacra-

rum diuinitus traditarum benedictionum profi-
tetur. Ter hoc facit. semiexutus ungitur ab epi-
scopo ter signo crucis, deinde totus exutus à reli-
quo clero ducitur ad baptismatis fontem ab epi-
scopo consecratum, ter immergitur, ac emergit
sub inuocatione trinitatis. induitur clara ueste.
ungitur postremo ab episcopo, ac sacræ euchi-
ristiæ fit particeps. Hunc ritum græci etiam in in-
fantibus seruant, ob dictum euangelij secundū
Ioannem. c. 6. nisi manducaueritis &c. non ha-
bebitis uitam in uobis. Verum ut inquit Augu-
stinus, ille manducat, qui fit particeps corporis
Christi, cui inseritur per baptisma. omnē totius
huius ritus interpretationem, & mysteria præ-
clare Dionysius exponit. Nos hic longiores esse
nolumus, quàm postulet ratio instituti à nobis
operis. Hoc tantum dicemus, ritum hunc parū à
nostro differre, imò nostrum, huius imaginem
ualde similem esse. Horum utroque manifeste si-
gnificatur prioris hominis, quem contraximus
ex Adam mortificatio, ac ueluti sepultura, ac
nouī hominis regeneratio seu resurrectio, qua-
lis fuit Christi, in quo baptizamur. Quamobrem
Dionysius trinam illam immersionem, ac emer-
sionem potius signum esse uult triduanæ domini
sepulturæ, quàm trium diuinarum personarum.

Inquit Apostolus ad Rom. c. 6. quicumque baptizati sumus, in mortem ipsius baptizati sumus, consepulti enim sumus cum Christo in baptismo, ut in nouitate uitæ ambulemus. Circa questionē illam, de pueris existentibus in utero matris, ibique mortuis, utrum sit pro eis orandum, & sperandum quod futuri sint Christi participes. sicuti non negamus dei potentiam, & misericordiā, quod interdum contulerit, & nunc cōferat rem sacramenti, sine sacramento, ita putamus, quod asserere illis pueris tribui à deo gratiam ob nostras preces, & quod plures eorum salutem consequantur, non consentiat sanctōrum doctrinæ, & catholicæ ueritati. De pueris, qui nondum toti egressi uterum matris baptizantur; si caput egressum baptizatur, credimus quod uere sint baptizati, neque iterandum esse baptismum, ut beatus Thomas dicit in tertia parte. q. 66. loquēs de baptismo paruulorum. si aliud membrum præter caput egressum baptizetur, non credimus uere baptizatum puerum fuisse: quare si uixerit rebaptizatur. iudicium tamen certum Dei est. Reliquum est, ut pauca quædam perstringamus de circuncisione, & de baptismo Ioannis Baptistæ: quo etiam dominus noster uoluit baptizari. præcesserunt baptismatis sacramentum, quod

Christi est, à quocunque ministro tradatur: prius circumcisio, quæ primum Abrahæ data fuit ueluti signaculum iustitiæ, quæ ei data erat per fidem, ut dicit Apostolus ad Rom. c. quarto, quæ proportionem quadam respondebat baptismati, licet baptisma sit causa, ut instrumentum inuisibilis gratiæ: illa uero tantum signum, & hoc præstet ampliorem gratiam, quam illa. Verum utrumque pertinet ad abolitionem peccati originalis, & sunt utraque professiones fidei, ac per utrumque suscipientes in cœtum fidelium aptantur. Quare non absque ratione, expoliatio partis illius, est in membro, in quo præcipue regnat concupiscibilis uis, omnium maxime infecta, et corrupta peccato originali ut scilicet significaretur expoliatio corporis peccati, ut inquit Paulus ad Colloc. c. secundo. in eo etiam membro tanquam generationis principio, totus homo continetur, mas inquam, & fœmina. Ambrosius in epistola ad Constantium aliam præter ea, causam affert. Nam quoniam precium nostrum, quo à seruitute diaboli, & peccati redimendi eramus, futurum erat sanguis Christi, ideo sanguinis effusio ante Christum exigebatur, saltem ut signum quoddam sanguinis effundendi. ante circumcisionem uero, non est dubitandum à Deo, humano

generi datum fuisse remedium aliquod ad peccati originales remissionem. Multi Theologorum putant fidem parentum satis fuisse. attamen quoniam ea fide omnes infantes poterant esse salutis compotes, cum nunc defectu baptismatis multi percant, eorum conditio uidetur per Christum peior facta fuisse, quam fuerat futura, si Christus adhuc natus non fuisset, ideo sententia Durandi mihi non displicet, qui putat priores seniores, ac etiam Abraham, quodam usos fuisse signo sensibili, Deo inspirante, seu orationibus quibusdam, quo infantes deo consecrabantur, et in cœtum fidelium, adscribebantur Vgo de Sancto Victore docuit Durandum. Augustinus libro. 15. de trinitate. c. 16. in dubio hanc rem ponit. nam idem dicit in libro de sacramentis. Hæc de circuncisione. Ioannes Baptista, qui missus à Deo fuerat ante Christum in spiritu, & uirtute Helie deo inspirante, baptisma instituit in pœnitentiam peccatorum, nō autem in remissionem, & in abolitionem, quo & Christus baptizatus fuit, ut aquas sui corporis tactu sanctificaret ad baptisma. simul etiam ea ratione fuit institutū à Ioanne Baptista, ut eò accedentibus predicaret Christum, à quo accepturi essent spiritum sanctum, & remissionem peccatorum, quam de

bet in adultis (ut supra diximus) præcedere pœnitentia, ideo profitebatur Ioannes se baptizare in aqua, in medio uero ipsorum stare eum, qui baptizaturus erat in spiritu sancto. Vnde etiam hoc baptisma, est appellatum Ioannis baptisma, quâuis à deo fuisset institutum, quoniam nihil maius eo conferebatur, quàm id, quòd est hominis non dei, prouocatio, scilicet ad pœnitentiam.

Accessit Christus ad Ioannis baptisma præter alias causas, ut aquam tactu corporis sanctissimis sanctificaret, ut earum immersione consequerentur homines remissionem peccatorum, & sanctificationem, quam Ioannis Baptista baptisma conferre non poterat. Hoc baptisma Christi à quocunque ministro datur, etiam pessimo, & impiissimo est efficax, ipse nanque baptizat. Hæc institutio fuit baptismatis Christi, unde in euangelio Ioannis. c. 4. legimus. quòd discipuli Christi baptizabant, & plures quàm Ioannes. Præceptum uero datum apostolis fuit post resurrectionem, cum eis dixit, euntes baptizate omnes gentes in nomine patris, & filij, & spiritus sancti.

De sacramento Confirmationis. Cap. II.

Imitatur quemadmodum supra diximus, gratia, & uitæ christianæ progressus, naturæ re-

rum progressionem, quæ genitum animal, & in lucem editum infirmum adhuc, & imbecille prouehit ad firmiorem statum, in quo & per se gradiri possit, nec egcat fulcimeto alio. item post quàm quispiam à mortuis resurrexerit in lucem christiane uitæ, ac per baptisma renatus in hominem spiritualem, adhuc infirmis uiribus, & imbecillis, quasi intra uterum matris ecclesiæ custoditur quousque crescat, & fiat firmior; quam firmitatem accipit melius, & utilius per christiana sacramenta, ideo baptismati succedit confirmationis sacramentum, quo præstatur spiritalis uigor, & robur; quòd nec erubescencia, nec timor ullus uincat, quin palàm profiteatur nomen Christi. huius institutio sacramenti, excellentior fuit, signo magis, mitto quàm id sit, quo nunc ecclesia utitur. Nam quinquagesima post pascha die missus, ac datus à Christo fuit apostolis, & discipulis omnibus existētibus Hierosolymis factò uehementi spiritu, & linguis flammeis apparentibus Spiritus Sanctus; quo roborati, cœpere palàm prædicare omnibus euangelium, & fidem, quæ est per Iesum Christum, in Deum. à quo spiritu docta ecclesia ex traditione apostolorum materiam huic sacramento accomodauit (non enim decet diuinam sapientiam semper, & ubiq;

miracula

miracula faciat) qua maxime, & ignea lingua,
& sonus spiritus significaretur. Nam oleo oliua-
rum, quod proprie est oleum, immiscuit balsamū,
ac benedictione episcopi consecrauit, quo frontes
accedentium ungerentur; oleum enim & facile
accendi potest, & mutari in ignem; item innato
quodam splendore, et claritate lumen imitatur;
balsamum uero odorem fragrantem emittit, &
a putredine praeseruat, quo, sono illi spiritus ue-
hementis proportionem quadam respondet. Mate-
ria haec ab episcopo benedicatur, quod necessariū
est in hoc sacramento; non item in baptismo, cuius
materia aqua, scilicet, sanctificata fuit tactu
corpus Christi in Iordane. Materia haec conue-
nit maxime unctioni, unctio uero sanctificatio-
ni per spiritum sanctum, unde saepe in sacris lite-
ris inuenitur hic unctionis modus, ut in act.
apostolorum. c. primo. Quem Deus unxit spiritu
sancto. unde Christus quasi unctus, & christia-
ni sunt appellati, cum ergo hoc sacramento con-
feratur Spiritus Sanctus, id est quaedam amplior
ipsius gratia, iure unctione conficitur, & mate-
riam sumpsit unctioni accommodam. minister
uero consecrationis olei, seu chrismatis huius, est
episcopus, qui quinta feria maioris hebdomadae
nundius quartus, inquam, ante pascha, magna so-

lennitate consecrat sanctum chrisma. Dionysius in libro de ecclesiastica hierarchia præclare tractat uniuersum eum ritum, simulque arcanos sensus exponit. item minister sacramenti huius, de quo agimus confirmationis, scilicet, est episcopus, qui in ecclesia est princeps, nam cum hoc sacramento constituentur accedentes in statu perfectiori christiani populi, utique hoc, iure spectare uidetur ad christiani populi præsides. nihilominus ut habetur, ex iussu pontificis etiam presbyter potest hoc sacramentum conferre: non posset tamen alij hoc committere, quam presbytero, cuius officium est in hac ecclesiastica hierarchia illuminare, quod fit per gratiam, quæ traditur in sacramentis. Hæc Thomas tertia. q. 72. ar. 2.

Quamobrem sequi reor, hanc potestatem mediā esse inter potestatem ordinis, & iurisdictionis. nam quia committi potest non episcopo, uidetur iurisdictionis esse, quia uero non cuicunque clerico committi potest præterquam sacerdoti, uideri iure potest esse ordinis potestas. Hæc de ministro. Forma uero sacramenti huius, huiusmodi est, signate Ioannes, seu Maria signo crucis, et confirmate chrismate salutis, in nomine patris, & filij, & spiritus sancti. horum, neutrum est sacramentum, sicuti diximus de baptismo, se à

quemadmodum ibi ablutio est baptismatis sacramentum, non aqua, aut uerba, ita in confirmatione unctio est sacramentum, & confirmatio, indigemus tamen & materia, de qua iam dictum est, & certa ea uerborum forma. in fronte uero fit hæc unctio, ut significetur palam, & coram omnibus nullo pudore uet ante, nulla formidine, datum illi esse hac unctione, ut nomen Christi confiteatur ubi; scilicet oportet, & quando oportet, ceterisque seruatis circumstantiis, quæ requiruntur ad seruanda præcepta affirmatiua. Accedentes ad hoc sacramentum necesse est, ut sint abluti baptismo, secus nihil acciperent, nam potentia, qua, quis potest capere ecclesiæ sacramenta, traditur in baptismo, neque quispiam capit id, cuius capiendi potentiam non habet. si fuerit infans, sufficit si fuerit baptizatus, quod si adultus accesserit, requiritur insuper ut sit confessus, si inquam, fuerit sibi conscius alicuius culpæ mortalis. nam cum hoc sacramento tribuitur accedenti ampliori mensura Spiritus Sanctus, is utique effugit fictum, neque habitat in anima subdita peccatis: in hoc sacramento, item, est anadochus, qui sustineat confirmandum, quoniam adhuc imbecillis est, et infirmus, ideo eget fulcimento, cum quo contrahitur spiritualis co-

gnatio sicuti in baptismo. uerum, de hac cognatione late differemus in tractatu de sacramento matrimonij. Beatus Thomas tertia. q. 72. ar. 8. putat hoc sacramentum tribui debere etiam ualde infantibus, quia ampliolem gratiam consequuntur, & ideo ampliolem gloriam si decesserint. quem morem etiam nos seruauimus, tanti uiri auctoritate nixi. uerum si maior esset habenda ratio sacramenti uisibilis, scilicet signi, sicuti renasci non potest, qui non natus, ita etiam, qui natura non est factus paulo firmior, non uideretur congrue accedere ad firmitatis, & roboris spiritualis sacramentum. gratia nanque & perficit naturam, & eandem habet progressionem. Hæc nobis notasse sufficiat, peritiores statuere potuerunt, & melius diiudicare. Anadochus præterea in hoc sacramento locum habet, qui ueluti infirmum adhuc, & imbecillem sustinet cōfirmatum. cum hoc etiam contrahitur spiritualis cognatio, ut infra dicemus. Vñsus Romanæ Ecclesiæ fuit, ut patet in Decr. de consecr. distm. 4. c. in catechismo, ne idem esset anadochus in hoc sacramento, & in baptismo, neque etiam in catechismo. mos ille non seruatur in pluribus ecclesiis. Hoc sacramento largitas quædam amplior gratiæ datur, & maioris sanctificationis. datur

item sacramentalis gratia illa, in remedium imbecillitatis animi, ad confessionem christianæ fidei; confertur item consecratio, & character, quo statuitur in ordine perfectiorum, & ueluti adultorum in populo christiano. Sacramentum hoc est baptisate perfectius, ueluti inchoatione rei, ipsius perfectio, ut habetur distin. v. c. de his uero, Melchiade Papa authore. neque iterum assumi potest hoc sacramentum, sicuti nec baptisma, eò, quòd consecratio in ipso conferatur, & character imprimatur. Hæc de confirmatione sint satis.

De sacramento eucharistiæ.

CAPVT III.

Institutum naturæ progressum nulla in parte deferentes in spiritali uita, donec mortalis fuerit, & in carne peccati constituta, indigemus etiam, postquam robur adepti sumus nutrimento, & fomento, ne ad carnis desyderia defluamus, quemadmodum in hac à natura nobis præstita uita indigemus nutrimento, cibo, inquam, & potu, quo si diutius caruerimus, tendimus in corruptionem, & interitum. hoc nutrimentum, quanuis & frequens meditatio, & oratio, cateque id genus nobis præsent, oportuit tamen

institutum à Christo esse in ecclesia sacramentum, idest sensibilem rem, quæ arcanum hoc, & mysticum contineret. non defuit hac in parte ecclesiæ suæ divina bonitas, quam obrem; in postrema cœna dominus noster Iesus Christus, hoc sacramentum omnium præcipuum reliquit apostolis, & in sui memoriam præcepit celebrari hoc eucharistiæ sacramentum. Et sicuti longe omnium maximum, & excellentissimum est, ita in multis differt à cæteris sacramentis. Cætera nanque sacramenta continent gratiam imperfectè, ut instrumenta, sicuti diximus in priori libro, hoc uero continet cuiuscunque gratiæ fontem Christum, inquam, Deum, à quo omnis gratia, & hominè, qui nobis omnem gratiam meruit, & per quem omnem gratiam consequimur. item, differt ab alijs, quoniam alia perficiuntur in usu materiæ, sicuti, baptisma ablutione, confirmatio unctione, non autem in eius benedictione, seu consecratione, hoc uero sacramentum conficitur in consecratione materiæ. Præterea differt ab alijs, quoniam omnia alia, sicut utuntur enunciatiua oratione, ita dispensat sacerdos, ut ipse personam ministri gerens, ea conficiat, in hoc uero sacerdos induit personam Christi, & uerba consecratiæ profert ut Christus: quo fit, ut sacramentum

hoc conficiatur uerbo salutaris, non uerbo sacerdotis, ut inquit *Ambrosius*. Sub hoc sacramento duplex latet mysterium, seu duplex res sacramenti, ut posteriorum more loquamur. Altera in sacramento continetur uerum, scilicet, corpus, & sanguis Christi. Altera uero significatur, & nō continetur mysticum, scilicet corpus Christi, id est, fidelium Ecclesia. materia eius est panis triticeus, & uinum, quæ naturali specie, significant nutrimentum. Communius nanque, & magis necessarium nutrimentum hominis, constat pane, ac uino, pane inquā, triticeo, et uino ex uuis expresso. nam quæcunque alia genera panis, & uini, per quandam horum similitudinem, & proportionem dicuntur panes, et uina, primo uero, & proprie triticeus panis est, & uueus humor, uinum. Hæc est propria huius sacramenti materia, adeo ut ex alijs confici non posset. Et quāuis esse uideantur duæ rerum species; ex his tamen conficitur, ueluti, ex partibus completum nutrimentum: sic in spiritali nutrimento sacramentum unum est, quod perficitur ex duabus partibus pane, scilicet & uino, quibus Christus, prout passus est, continetur, & nobis significatur. quo fit, ut grauissime peccaret sacerdos, qui panem absque uino, & uinum absque pane con-

secraret. De usu uero, an bene in ecclesiam Romanam inductus fuerit hic usus, ut, scilicet, populo sub una tantum specie, panis, scilicet, dispenseretur, quæstio est; de qua infra dicemus. uino aqua misceri debet, quanuis etiam si non misceretur, conficeretur nihilominus sacramentum. ideo miscetur, quia aqua populum dei significat, iuxta illud. *Aquæ multæ, Populi multi.* & quoniam in hoc sacramento significatio est christianæ ecclesiæ, quæ Christo capiti coniuncta est, et in ipsum mutata, idcirco parum ponimus aquæ, ut ui ipsius uini, possit in uinum cõmutari. Hæc de materia sacramenti. Forma in uerbis est, quæ proferuntur à sacerdote. scilicet, *hoc est enim corpus meum; hic calix est sanguinis mei, noui, & eterni testamenti, mysterium fidei, qui pro uobis, et pro multis effundetur in remissionem peccatorum.* Dubitant Theologi an uerba hæc omnia sint necessaria ad consecrationem sacramenti. Scotus, putat non tantum hæc, sed etiam, quæ præcedunt, ut, *accipite, & manducate, item, accipite, & bibite,* esse summa cum attentione proferenda; nam nescire nos, quibus uerbis proprie fiat consecratio, & in corpus Christi mutatio. Theologi alij item præcipiunt omnia esse attente, & magna cum ueneratione proferenda, uerum;

uerba consecrationis propria dicunt esse in panes
hoc est enim corpus meum, quanuis si quis præ-
teriret particulam enim, non tamen propterea
non conficeret: de uerbis in consecratione cali-
cis est etiam controuersia. Verum; assentiendum
puto sententiæ Thomæ, qui sentit omnia esse ne-
cessaria, quoniam inuenimus in euangelio pro-
lata fuisse à Christo in institutione huius sanctis-
simi sacramenti, præter ea, quæ, ut dicit Innocen-
tius tertius extra de celeb. missæ. ecclesia per ma-
nus tradita ab apostolis accepit, scilicet, æterni
testamenti, item, mysterium fidei; item, hic calix
est sanguinis mei, non autem hic est. sanguis
meus, neque, hic est calix nouum testamentum
in sanguine meo. hoc postremum consignificat
usum illius sanguinis, ut pote, quem bibituri su-
mus, cætera explicant planius sensum uerborum.
Testamentum nanque hoc, ad quod pertinemus
per Christum, nouum est, & in æternis rebus
consumatur, ut inquit apostolus Paulus in epi-
stola ad Hebreos. c. 8. in hoc etiam sanguine est
mysterium fidei, id est, arcanum, quo innititur fides.
nā ut item inquit Paulus, ad Ro. c. 3. per fidem in
sanguine eius constituit eum deus propitiatorē.
Antequam ad ministrum huius sacramenti, et
suscipientes, aliumque ritum accedamus, sol-

uenda nobis sunt quædam perdifficiles quæstiones. Prima est de uerborum uerborum. item; an sint enunciationes, quæ prius desinant esse, quæ ibi sub specie panis, sit corpus Christi, & sub specie uini; sanguis est præterea maxima quæstio; quo nam pacto corpus Christi, quod credimus ascendisse supra cælos, sit sub paruo panis frusto, aut in paucis uini guttis. est præterea quæstio de accidentibus, quæ sentimus, eorumque actionibus. item; modus, quo; Christus magnus homo sub eo sacramento contineatur, satis ab hominis intellectu comprehendendi posse non uidetur.

Antequam perscrutemur uim uerborum, quibus fit consecratio, & quomodo uera sint, quæ dicuntur, erigenda mens est, & cogitandum augustius quoddam, & amplius hoc sacramento contineri, & confici, ideo, excellentiori quadam ui opus esse. Sacerdos non ministri personam, sed uices Christi sibi sumit, neque materia utitur præter eam, in quam agit, non qua, aliud quippiam agit, ut in alijs sacramentis, sed uerbis tantum perficit consecrationem. quæ uerba ratione significati efficiunt ex pane corpus Christi, & ex uino sanguinem. neque proferuntur à sacerdote enunciationis modo, quasi recitentur à Christo dicta, sed sicuti ars in artifice, quæ for-

ma est rei faciendæ, in materia formam effingit: ita, in his uerbis significatum, quo significatur contentum sub illis accidentibus esse corpus Christi, ex pane efficit corpus Christi, nec significat, quod fiat corpus Christi, hoc nanque quædam esset significatio rei inchoatæ, nõ perfectæ, sed quod sit, quod est significatum rei iam perfectæ. ctenim par fuit, ut in uerbis Christi perfectius sit res sacramenti, quæ sit eius uerbis, quàm in uerbis ministri: idcirco magna de causa factum est, ut in solius huius sacramenti consecratione, hæc forma locutionis adhibita sit, qua explicetur rem esse, quæ eius ui fiat. Accepit ecclesia uerba hæc à Christo, & uerbo eius conficitur hoc sacramentum. uerissima etiam est hæc enūciatio, nam perfecte significatio enunciationis non est expressa, nisi in ultimo momento, & cū significando efficiat in ultimo momento, illud est corpus Christi, antea uero, semper fuit panis. Nolo nunc eam aggredi quæstionē Aristotelicā de primo, & ultimo momento rei permanentis; de qua agitur in octauo libro physicorum, nam non multum facit ad erudiendum episcopum; satis sit nobis hoc uerum esse, & Aristoteli consonum, in toto præcedenti, ac priori tempore ibi, panem esse, in ultimo momento, non esse panem,

sed corpus Christi. Secunda uero longe difficillima quæstio est de modo, quo; Christus, seu corpus Christi, cum prius non fuerit sub illis accidentibus, tunc primum incipiat esse. omnes Theologi conueniunt, licet non sit proditum in sacris literis, rationis tamen ductum sequentes, quod fieri illud non queat motu locali, sed mutatione quadam substantiæ in corpus Christi, quam appellant Transsubstantiationem. hoc item statutum fuit in concilio generali sub Innocentio tertio. Res certe hominis captum superat. uerum, obsequendum est, et obediendum fidei: summittendusque intellectus diuinæ authoritati, & sententiæ ecclesiæ. Hæc mutatio, ut inquit Thomas, conuenit partim cum creatione, & naturali mutatione, partim differt ab alterutra, partim ab utraque. nam conueniunt tres hæ, quas diximus, factiones in ordine extremorum, ut, scilicet, unū sit, post alterum, nec simul esse queunt, sic in creatione est ens, post, non ens, neque simul esse queunt. qui enim fieri potest, ut idem, sit ens, et non ens, sic neque album, & nigrum simul, ita postremo nec panis, & corpus Christi, sed ob prioris, & posterioris ordinem, dici potest ex nō ente, ens, ex albo, nigrum, ex pane fieri corpus Christi. differunt uero hi creatione, non ens, non

mutatur in ens, neque fit ens. in naturali mutatione, album mutatur in nigrum, ratione subiecti, quod prius erat sub albedine, postea uero sub nigredine, non tamen albedo, fit nigredo. in hac uero, quam dicimus, mutatione, tota substantia panis, materia, inquam, & forma constans mutatur, & transfit in corpus Christi. si queras quomodo hoc fiat, respondebo uerbo creatoris, diuina uirtute. si item queras, qua nam ratione intelligere queat totam substantiam, rem, scilicet, existentem posse mutari in rem aliam existentem, fatebor ingenue me non intelligere, qua ratione queat fieri, & fiat, nihilominus certissimum mihi esse, quod fiat. an uideor fortasse tibi rem miram dixisse: expedita res est, facilis est. innumera sunt, quae natura fiunt, quorum ego rationem, uel minima ex parte attingere non queam, nihilominus sensu percipio, neque dubitare possum, quin fiant. cur ergo miraris, si paruus, & uilis homuncio, rei factae diuinitus rationem, intelligere non potest. Redeamus ad rem nostram. Conuenit haec transsubstantiatio cum creatione, quia in neutra subiectum aliquod est, differt tamen, quia, ut dixi, terminus a quo, panis, in qua, mutatur in corpus Christi, in ea neutiquam, non ens, mutatur in ens, creatio nanque, non est mu-

tatio, sed simplex quedam emanatio rei à prima causa, uerum cum mutatione naturali cōuenit, quòd in utraque aliquid idem remanet, & constat sub utroque termino, id in mutatione naturali est subiectum, in hac uero transsubstantiatione sunt accidentia, quæ remanent. Hæc satis sint dicta de questione secunda à nobis proposita, in quibus conueniunt omnes Theologi posteriores. illi uero qui, existimant in sacramento sanctissimo hoc, non esse corpus Christi uerum, sed esse illum uerum panem, & signum corporis Christi ueri, Hæretici habendi sunt. Hanc hæresim, ut habetur in Decretis Berengarius excitauit, qui postea eam abiurauit. Zuinglius autē nostris temporibus, quibus prodeunt omnia monstra, instaurauit, quam sequuntur sacramentarij in Germania. alia quedam etiam hæresis in hoc sacramento à Lutero fuit excitata, quæ tamē, nunc mihi uidetur sopita. Nam dicebat in sacramento altaris esse uerum corpus Christi, & sanguinem, simulque esse substantiam panis, & uini. Verum utraque hæresis confutatur uerbis Christi, nam inquit Christus, hoc est corpus meum, quod pro uobis datur, hic est sanguis meus, qui pro uobis, & pro multis effundetur. Tu dicis sacramentarie, ibi esse signum corporis ueri, at

Christus dixit, hoc esse corpus suum, non signū corporis, sed corpus, & uerum corpus, ut pote, id, quod pro nobis tradetur, seu datur, seu frangitur. Quid expressius dici potuit Hæretice? pari pacto, hic est sanguis, & uerus sanguis, is, scilicet, qui pro multis effundetur. quis tam cæcus? qui tam illustrem rem non uideat? is tantum, quem ambitio, superbia, fraternum odium excæcauit. Tu uero Lutere inspicere an uerba Christi tuam sententiam refellant. Putas tu ibi esse uerum panem, sicuti erat ante consecrationem.

Postmodum, quia à nobis comprehendere, non potest modus, quo incipiat ibi esse corpus Christi, si diceres incipere ibi esse corpus Christi, modo, quem non capis, laudarem. si item diceres, te nō intelligere transsubstantiationem illam, quā uidebaris irridere, quanuis infinita esset audacia irridere tot Theologorum, & totius Ecclesiæ sensum, propterea quod non intelligeres, rogare, ut non ita audacter reprobares ea, quæ non intelligis. ac cum dicas ibi esse substantiam panis, & eum panem, qui prius erat, intollerabile est. Nam uerbis Christi contradicis. non dixit Christus hic est corpus meum, sed est hoc corpus meum. hoc, ea scilicet, substantia, id indiuiduum, quod sub eis accidentibus demonstratur, est cor-

pus meum . ecce , quàm perspicue Christus hoc explicet , adeo , ut nulli dubium esse queat . submittendus est fastus , curuanda ceruix , ut obediamus fidei , ut in uerbis ueritatis nullã suspicemur esse posse falsitatem . Sequitur non minus priori difficilis quæstio de accidentibus , quæ ibi esse , & remanere sensu percipimus , an . s . quæ ad modũ erant in pane , tanquã in subiecto , ita sint in corpore Christi , adeo ut Christus eis afficiatur . utique primo certissimum sit , & exploratissimũ corpus Christi non esse subiectum eorum , neque accidentibus illis affici . absit hoc à christiana mente , non enim fit adeo pusillus Christus , neque formam , figuramue hominis amittit . Ex hoc sequitur nullam substantiam subiectam esse illis accidentibus . uerum , animaduertendum est non esse eandem rationem omnium illorum accidentium , nam quantitas proculdubio subiectum est figuræ albedinis , saporis , odoris , omniumque aliorũ , quippe , quæ substantiæ inesse non queunt , nisi media quantitate . in hisce igitur nullum est mirum : sed omne quod mirari iure possumus , redigitur ad quantitatem , quæ in hoc sacramento per se est , & habet modum substantiæ . Mira res certe naturæ repugnans . ueruntamen non est adeo aliena à rerum natura , quin multi philo-
phi

phi(his inquam, qui posuerunt uacuum esse) im-
 ginati sint fieri hoc posse, ut quantitas per se sit,
 nec insit cuiquam substantiæ, imò nec sit ullis qua-
 litatibus sensibilibus affecta. id nanque uacuum
 est. cur ergo mirabimur deum id facere, quod illi
 rerum naturæ scrutatores putarunt esse secun-
 dum naturam. quantitas ergo habet esse per se,
 & modum substantiæ. nolo hoc in loco eam dubi-
 tationem tangere an, scilicet, esse substantiæ pa-
 nis, inquam, remaneat in quantitate illa, ut in-
 quit Thomas, qui sensit esse, seu existere rei cu-
 iuscunque distingui secundum rem ab essentia.
 an potius, ut inquit Ioannes Scotus, non esse de
 ratione accidentis, quod actu insit subiecto, sed
 quod sit aptum natum inesse, quare nil uideri
 posse impossibile, si quantitas non actu insit cui-
 quam subiecto, cum habeat tamen aptitudinem
 naturalem, qua sit apta nata inesse subiecto. nolo
 ut hanc questionem discutiamus, quam ignora-
 re sine crimine ullo potest episcopus, nobis satis
 sit, quòd diuina uirtute, quantitas illa per se sit,
 nullique inhereat, ac propterea habeat modum
 substantiæ. De actionibus uero, & passionibus,
 quas sentimus in illis accidentibus, supposito eo,
 quod modo diximus, quantitatem, scilicet, habe-
 re modum substantiæ, & per se existere, non sa-

ris difficile est intelligere, & quòd fiant, et quòd fieri sentiamus. de actionibus res perspicua est, nam cum ea quantitas habeat modum substantiæ ex diuina uirtute, & affecta sit accidentibus, quæ sunt principia actionum, ut albedo uisionis, odor olfactionis, siccitas exsiccandi, nil mirum si agat, nec mirum, si alteretur ab accidentibus contrarijs. magis mirum est de eius corruptione, & mutatione in substantiam alteram, cū quantitas sit forma simplex, res autem generata sit composita ex materia, & forma. Hoc in loco difficillimo, & uix explicabili Innocentius. 3. in libro de sacrificio missæ, quem sequitur Alexander de Ales, putauit ante corruptionem sensibilis Eucharistiæ, & alterius substantiæ generationem, ex ea redire substantiam panis, & uini, ex cuius postea corruptione alia substantia generatur. Sed hæc opinio à posterioribus reijcitur Thoma, inquam, & Scoto, quia donec remanent species panis, & uini, ibi est corpus, & sanguis Christi, si ergo eò redit substantia panis, & simul ibi esset substantia panis, & corpus Christi. si autem, cum corruptæ sunt species sacramentales, redit substantia panis, præterquàm quòd esset tunc absque proprijs accidentibus, simul etià esset cum substantia ex ea genita, quòd esse ne

quit. quidam uoluerunt materiam tantum redire, de qua eadem dubitatio consurget, ac præter eam, alia, quòd materiam uidetur ponere sine forma aliqua. Thomas in tertia parte summe uidetur dicere, quòd quantitas habet uicem materie, & quòd in ea suscipitur forma generanda. hæc positio multas habet questiones, à quibus se satis explicare non potest. nam nescimus an semper mansura sit quantitas illa pro materia in successuris innumeris generationibus, an aliquando pro ea sit materia reuersura. Scotus uult, quòd tota substantia redit genita, scilicet, ex sensibili eucharistia. uerum; non queo ego intelligere, quo nam pacto tota substantia redeat, præsertim quæ nunquam fuerit, nisi per creationem, quam tamen uitat, ideo fortasse minus esset inconueniens, si quis diceret quantitatem, quæ nõ per se existat, nisi quatenus est quantitas panis, mutatis speciebus, & accidentibus panis, cum ui consecrationis amplius per se existere nequeat, sed tendat in nõ esse, mutari ui diuina, in substantiam rei generanda modo propinquo illi, quo; dixi substantiam panis mutari in corpus Christi. omnia hæc mira. omnia supra captum hominis sunt. Postrema questio est de modo, quo Christus magnus homo, & decorus supra filios

hominum, sit sub paruo panis frusto; an fortasse conglobatus, & complicatus tam paruus efficiatur. absint hæc monstra à sanctissimo Christi corpore. immortalis in eo est decor, immortalis proceritas, ceteraque dotes illustrissimi illius corporis. quid ergo inquires. quo nam pacto ibi est. paucis expediam si attentum te exhibueris. Diximus in pane, ui consecrationis mutari substantiam corporis Christi. primo igitur sub accidentibus panis, est substantia corporis Christi. substantia omnis per se, idest, sua natura, non est diuisibilis, sed ob quantitatem fit diuisibilis. perspicuum est hoc cuius philosopho. aduertat tamen nos. eò, quòd diximus substantiam per se non esse diuisibilem, noluisse tamen propterea dicere substantiam per se, esse indiuisibilem, hoc nanque longe aliud est à priori. id etenim quod per se est indiuisibile, nequit fieri diuisibile. cum ergo substantia non sit diuisibilis per se, & mutatio sit per se in substantiam, ideo sub accidentibus illis substantia corporis Christi nò est diuisibiliter, ut ita dicam. verum in quauis particula panis, in qua fuerat substantia panis, ui conuersionis, in ea est tota substantia corporis Christi, quæ non est indiuisibilis in se, imò procera, & magna in loco, in quo est ratione suarum dimensionum. at, cum in pa-

ne hoc non sit secundum modum dimensionum suarum, sed secundum modum substantiæ, non est hic diuisibiliter, quanuis diuisibilis sit, imò omnis eius quantitas, & proceritas sub accidentibus his est, & sub qualibet eorum particula, nō diuisibiliter tamen sed per modum substantiæ, cuius affecle sunt, & comites, sic est ibi anima Christi, sanguis, diuinitas, quanuis ex ui consecrationis, non sit nisi substantia corporis Christi. ille idē igitur Christus, qui in cœlo est magnus, ac decorus præ filiis hominum (est nanque ibi sicuti in loco ratione suarum dimensionum) ille idem, inquam, totus est in qualibet particula, ubi fuerat substantia panis, non eo modo, quo est in cœlo, ubi in loco est, ubi uideri potest, quia ratione suæ quantitatis ibi est, sed secundum modum substantiæ, quæ non est diuisibilis per se, cæteraque ibi sunt tanquam affecle substantiæ. quo fit, ut inquit beatus Thomas, quòd Christi corpus, & sanguis, prout sunt in sacramento panis, & uini, neque etiam ab oculo cuiusquam beati uideri possent. nam substantia non est per se sensibilis, sed ratione accidentium sentitur, in sacramento uero per se est substantia, accidentia uero sequuntur substantiam, & ibi sunt per modum substantiæ. Hæc nostro operi instituto sint satis de

difficillimis quæstionibus his. Tunc pauca quædam dicenda sunt de ministro huius sacramenti, & de accedentibus ad illud. minister, sacerdos est, qui habet characterem Christi, per consecrationem episcopis semper dummodo intendat conficere corpus, & sanguinem Christi, conficiet, uerba ea proferens, quæ diximus supra, formam esse huius sacramenti. Hac de potestate sint dicta. Verum, si indigne conficiat conscius sibi mortalis culpæ, ad perniciem sui conficiet. Item, si degradatus, aut excommunicatus, seu suspensus, irregularisue confecerit, ad interitum sui conficiet. Item, si constitutus in heresi, aut ubi interdictum loco cuiuspiam fuerit sacris, in caput suum conficiet. Oportet etiam ut seruet ritum ecclesiæ in consecratione huius sacramenti, missam celebrando. Accedentes uero puros esse oportet ab omni mortifera culpa. nec audiendi sunt illi, qui putant posse differri confessionem peccatorum mortalium cum intentione, ac proposito confessionem faciendi, præstituto ab ecclesia tempore, etiam si nulla necessitas urgeat, etiam si habuerint copiam sacerdotis, cui possint confiteri. purgandus est animus, trahenda est à sacerdote absolutio, ne iudicium nobis manducemus, & bibamus, ut inquit Paulus apostolus primæ Cor. c. un

decimo. ita dicunt omnes Theologi, quidquid imaginati sint quidam iuniores. oportet etiam non esse excommunicatum, & esse ieiunum, qui accedit. Vis huius sacramenti est augere gratiam, et fouere, non dare non habenti, qui sibi sit conscius, imò perniciem illi affert. uerum, si quis non haberet gratiam, quam habere se putat, & dum confidit uenerationi accedit, consequitur gratia, hoc tamen per accidens fit. ualet etiam ad abolenda peccata uenialia, saltem quo ad culpam, nam actus ille fidei per charitatem operantis culpam uenialium delictorum delet. præstat etiam nobis robur ad peccata uitanda, quatenus auget gratiam. non tamen institutum fuit hoc sacramentum ad hoc potissimum, ut peccatum deleat, sed ut augeat gratiam, ac nutriat, ex qua robur præstat, non particulare quoddam ut in chrismatis unctione ad confessionem, scilicet, fidei pertinens, sed commune quoddam ad sustinendam humanam infirmitatem ne labatur, sed hinc robur capiat. nullam consecrationem cōfert hoc sacramentum. nam ut supra dixi, conficitur hoc sacramentum non usu materiae, sed consecratione. usus uero posterior est, nec sacramentum est, sed usus sacramenti, quo nutritur, & fouetur spiritualis uita. quo fit, ut præsupponat in accedente



uitam. Cum etiam significet corpus mysticum Christi, id est, ecclesiam, supponit quoque accedentem esse in ecclesia non ab ea excommunicatum. is ergo qui, sibi est conscius mortalis culpæ, seu excommunicationis ad fingit falsitatem sacramento, ideo grauissime peccat. apud fideles usus huius sacramenti duplex est, sacramentalis, scilicet, & spiritalis. in sumptione signorum sensibilium consistit sacramentalis usus, qui bonis, & malis communis est. Spiritalis uero est per fidem, & charitatem, qua credimus in eo contineri, ac passionem eius, qua redempti sumus in eo referri, ac amamus, & ueneramur tam magnam eius erga nos charitatē, ac uouemus eius corporis membrum esse. hic usus solum bonorum hominum est. & angelis huius sacramenti usus, neque aliquibus conuenit, qui incorporei sunt, & inuisibiles, fruuntur attamen semper re huius sacramenti Christo, inquam, non sacramento corporis, aut sanguinis Christi. Laicus ecclesia Latina dat sub specie tantum panis, ad multa uitanda scandala, sacerdos uero pro populo, cuius personam gerit, sanguinem sumit. uerum, quoniam diximus, præter rem contentam in hoc sacramento significari corpus Christi mysticum, id est, ecclesiam, quoniam tota hæc res bene intelligi non

potest, nisi prius explicuerimus nostrum sacrificium; hoc enim sacramentum est etiam sacrificium, et in missa offertur Deo ab ecclesia catholica, qua de re in Luteranis nostra hac tempestate, tam magnæ contentiones ortæ sunt, idcirco non ab re futurum putamus, si qua altius repetemus de hoc nostro sacrificio. Verum; frustra conabimur de nostro sacrificio agere, nisi prius intellexerimus quid sit sacrificium, quod uideo multos ignorare, qui tamen frequenter in ore habent sacrificium nostrum, & missam. Paucos etiam inueni auctores, qui bene prodiderint scriptis suis, quid nam sit sacrificium. ex omnibus, quos ego legi, Augustinus mihi uidetur hanc totam rem explicuisse in libro decimo de ciuitate dei, quem auctorem potissimum sequemur. Sacrificium duplex est interius, & exterius. exterius sensibile illud signū est eius, quod Deo offerimus, & est ut inquit Augustinus, sacramentum sacrificij interioris. interius uero sacrificiū, nihil aliud est, nisi nostri ipsorum oblatio Deo, ut ei inhereamus, cuius tantum participatione felices esse possumus. hoc est sacrificium interius, cuius sacramentum est sacrificium exterius. quo fit ut in scripturis sacris, in prophetis inquam, & in psalmis sæpenumero dicat Deus, sibi non place

re sacrificia exteriora, quibus non indiget, reprehendens, scilicet, illos, qui superstitiose Deum colebant, putantes se fecisse satis, si frequentia Deo sacrificia offerrent exteriori, scilicet, cultu, parum solliciti interioris. hac etiam de causa Dæmones superbi, & maligni, qui diuinam sibi uenerationem appetunt, uolunt sibi sacrificia fieri, non ut insipientes quidam putabant, ob id, quod deleterentur nidore pecorum, aut eo uescantur, ut sæpe est apud Homerum, sed quoniam interius sacrificium, quod soli Deo debetur, in exteriori illo sacrificio sibi offerri uolunt, ut homo illis inhaereat, & non Deo. hæc est sacrificij distinctio, & definitio, quam in eo, quem citauimus libro, Augustinus optime omnium explicat. Hoc fundamento iacto, propius ad rem nostram accedamus. Cum igitur ea, quam diximus, sit sacrificij ratio, fieri non potest, ut donec sumus inimici Dei, nos Deo offeramus, ut illi tanquam summo bono inhaereamus. peccatori enim dixit Deus, ut in psalmo. 49. quare tu enarras iustitias, & assumis testamentum meum per os tuum, igitur oportet ut reconciliati Deo nos ipsos illi offeramus. Cum autem hæc reconciliatio esse non possit nisi per Christum, & per sacrificium illud, quo se ipsum Deo patri obtulit Christus, imò nos omnes, & totum

humanum genus, in se ipso id est, in homine, quē
assumpserat obtulit Deo. idcirco cum nos unum
simus facti cum ipso per fidem, & charitatē dif-
fusam in cordibus nostris, sicuti ipse in suo illo
unico sacrificio, quo reconciliavit nos Deo, se ip-
sum, & totum humanum genus in homine, quē
assumpserat obtulit Deo: ita nos eius, scilicet, cor-
pus uniuerſa ecclesia offert Deo Christum re-
presentans, et recolens memoriam passionis eius,
et se ipsam per Christum Deo offert, ut illi inha-
reat summo bono, cuius participatione fiat bea-
ta, & felix. & quoniam nostris temporibus res
est in magna controuersia, & Lutherani urgent
Catholicos, dicentes missam esse sacrificium, tam
quā qui aboleant meritum passionis Christi di-
centes, hoc nouum commentum esse, non ab re
putamus esse ponere uerba Augustini in capi-
te uigesimo decimi huius libri de ciuitate Dei. in-
quit ibi sanctissimus hic, doctissimus, & anti-
quissimus author. Vnde; uerus ille mediator, in
quantum formam serui accipiens, effectus est
mediator Dei, et hominū. homo Christus Iesus,
cum in forma Dei sacrificium cum patre sumat,
cum quo & unus est Deus, tamen in forma ser-
ui sacrificium maluit esse, quā sumere, ne
uel hac existimatione quispiam existimaret cui-

piam sacrificandum esse creaturæ. per hoc & sacerdos est ipse offerens, & ipsa oblatio, cuius rei sacramentum, esse uoluit quotidianum ecclesiæ sacrificium, cum ipsius corporis ipse sit caput, & ipsius capitis ipsa sit corpus, tam ipsa per ipsum, quam ipse per ipsam suetus offerri. Hæc ad literam sunt Augustini uerba, in quibus expresse est, quod Christus uoluit nostrum sacrificium, idest, ecclesiæ esse sacramentum, idest, memoriam illius sacrificij, quo sicuti ecclesia oblata est per Christum caput, ita ipse per ipsam est suetus offerri. offert ergo ecclesia in suo sacrificio Christum, offert etiam se ipsam in Christo. Hoc expresse dicit Augustinus in decimo illo libro capite sexto. Hoc est sacrificium Christianorum. Multi unum corpus sumus in Christo, quod etiam sacramento altaris fidelibus noto frequentat ecclesia, ubi ei demonstratur, quod in ipsa oblatione, quam offert, ipsa offeratur. Offert igitur in Christo se ipsam deo ecclesiæ, & hoc est sacrificium ecclesiæ. Quod autem ita offeratur Christus, ut recoletur memoria passionis eius, & non cœne, præterquam quod hoc euidenter ostendi potest ex consecratione panis, & uini seorsum, tanquam corporis, & sanguinis separati, quod fuit in passione, uerba Christi hoc significant; uerba Pauli ex

presse ostendunt. Nam apud Mat. c. 26. Christi
 dixit de sanguine, qui pro nobis, & pro mul-
 tis effundetur, quod in passione factum fuit; ac
 subdit, hoc facite in meam commemorationem,
 & Paulus apostolus primæ Cor. c. undecimo ex-
 presse hæc inquit, quotiescunque feceritis, mortem
 domini annuntiabitis donec ueniat. Quid cla-
 rius? Quid illustrius? Verum; ignari hi dogma-
 tis ecclesiæ Romanæ, & uniuersalis, ac superbi
 impingunt nobis, quod dicamus missam esse sa-
 crificium propitiatorium, ad remissionem pecca-
 torum tam pro uiuis, quam pro defunctis, quasi
 opus illud operatum sacerdotis æquiperetur Chri-
 sti passioni, & quod nobis remittantur peccata,
 non tantum per Christi oblationem, & unum il-
 lud uerum sacrificium, sed etiam per opus opera-
 tum sacerdotis, improbant quod Christum offe-
 ramus tanquam impium cultum, & non senti-
 unt in singulis orationibus nos offerre deo Chri-
 stum, cum dicimus, per dominum nostrum Iesum
 Christum &c. Nonne hoc facere docemur, cum
 docti simus solum mediatorem esse Christum; et
 quidquid deo placet, in illo placet, unde etiam to-
 tum canonem tanquam impium abstulerunt.
 mira certe uolentia est, magnus impetus super-
 biae, præsertim si acciderit in hominibus suapte

natura elatis. addunt præterea inuocationē san-
ctorum in canone esse impiam. idque ausi sunt
nullius authoritate nixi, inconsultis episcopis uni-
uersis catholicis, de Romano Pōtifice nihil dicā,
cum tamen præcipue de eo dicere oportuerit, ut
pote, ad quem referenda sunt quæstiones diffici-
liores de fide, de hoc nihil dicam, ne obijciant mi-
hi, me loqui in gratiam, sed unusquisque per se fa-
cile existimare potest, cuius pudoris sit, antiquis-
simum morem totius ecclesiæ propria authorita-
te mutare, ut neque uideātur hæsitasse. Nos pau-
cis respondebimus calumnijs horum hominum,
qui nihil habent pensi. Primum dicimus nullum
authorem christianum ex uetustioribus, neque
ex iunioribus, qui præcipui sit nominis, dixisse
missam esse sacrificium ex opere operato sacerdo-
tis, quo ueluti æmulo sacrificij Christi sacerdos no-
bis mereatur remissionem peccatorum, hoc tamē
inculcant hi in auribus populorum, & gentiū,
imò Ambrosius in libro de sacramentis, Augu-
stinus contra Faustum manichæum, in libro de
ciuitate Dei locis, quos adduximus, dicunt, quòd
in missa sit memoria, & commemoratio illius u-
nius sacrificij, quod Christus obrulit. Quid plura.
nonne in canone dicimus, suscipe sancta trini-
tas hanc oblationem, quam tibi offerimus ob me

moriam passionis, resurrectionis, & ascensionis
 Iesu Christi domini nostri. Item, hoc facite in
 meam commemorationem, unde & nos serui
 tui memores uenerandæ passionis. Ecce expres-
 se dicimus, quod memoriam facimus passionis
 Christi, per quod unum sacrificium reconciliati
 sumus Deo. Quod si quaesierint an ex missa con-
 tingat aliqua reconciliatio, & remissio uiuis, &
 defunctis, dicimus, quod remissio ad duo referri
 potest, ad culpam, scilicet, & ad pœnam, cuius
 remanemus rei, etiam post abolitionem culpæ. si
 de culpa mortali, inquam, queratur, responde-
 mus, quod propiciatio facta per Christum, cuius
 in missa fit memoria, existenti in peccato morta-
 li potest prodesse, & ad ipsum attingere per mo-
 dum precis, quamobrem, in canone cum mentio
 fit de uiuis, & de defunctis orat sacerdos, ut per-
 spicue intueri potest quicumque legerit canonem.
 nec huiusmodi peccatoribus uiuis, inquam, alio
 modo potest applicari remissio facta per Christum.
 quæ preces maximam uim habere credendæ sunt,
 cum fiant in missa, in qua sacerdos gerit personam
 totius ecclesiæ, easq; offert in sacrificio, quo eccle-
 sia Christum, et se per Christum Deo offert, quas orat
 offerri per manus sancti angeli ad sublime altare
 Dei. si autem loquamur de remissione pœnæ in ui-

uis, et defunctis, seu de gratiæ augmento, in ui-
uis dico, quod ualet. primū modo superius dicto,
scilicet, ratione precum, quæ efficacissimæ esse
putandæ sunt in missa; ideo & apud Græcos, et
Latinos iā à primordio ecclesiæ institutæ fuerūt
preces in missa pro defunctis. locupletissimus te-
stis Augustinus in confessionum libro, cum lo-
quitur de obitu Monachæ matris suæ, in libro de
cura agenda pro mortuis, ubi de orationibus, de
elemosynis, & de sacrificio altaris loquitur, tan-
quā de his, quibus præcipua suffragia præsten-
tur defunctis. item, remittitur utriusque poena
pro deuotione, fide, & charitate uniuscuiusque,
sic enim dicitur in canone, quorum tibi cognita
est fides, & nota deuotio, et ita dicit beatus Tho-
mas in tertia parte, illis ualere. offerentis etiam
deuotio ualet: sed hoc pertinet ad precum uim.
Item, ualet speciatim his, qui sese offerunt sacrifi-
cium Deo per eum sacerdotem. Illi enim ueluti
propinquiore memorie passionis Christi, magis
participes sunt illius meriti, & satisfactionis fa-
ctæ per Christum. Hoc nobis insinuat antiquus
mos ecclesiæ. nam post symbolum fidei, quicun-
que circūstabant, offerebant. item, pro defun-
ctis fiebant oblationes, ut ex sacris canonibus fa-
cile conijcere possumus, cum nonnullis eorum
prohibeatur,

prohibeatur, ne pro quibusdam defunctis caperentur oblationes, quas omnes ueluti hostiā deo offerebat sacerdos. Ecce, quo nam pacto particulari, & privato in ea missa, prater oblationem totius ecclesiæ, cuius sunt membra, quidam tam uiui, quàm defuncti, sese offerunt deo, & fiunt ei sacrificium, quare uerissimillimum est eos etiam participes fieri satisfactionis factæ per Christū peculiari etiam, & privato quodam modo. Hæc est catholicæ ecclesiæ doctrina, hæc continetur in canone, non nefanda illa, quam nobis impingunt, nos, scilicet, profiteri missam, opus, scilicet, illud sacerdotis esse sacrificium, quod æmuletur passionem Christi, per quod nouum sacrificium sacerdos nobis mereatur remissionem peccatorū. Quis hoc dicit? Quis hoc sentit? nullus profecto sanæ mentis. at displicet eis, quòd in canone inuocentur sancti, dicunt quòd hoc est nouum commentum. uide quorsum progrediat ur superbia? illud etiam impingunt ecclesiæ catholicæ, quòd inuocet sanctos, ueluti alteros deos, & hoc pacto ferè decidat in idololatriā. Vide quàm nullum pudorem retineat inuidia, & maleuolentia. ab hoc postremo incipiam. Nonne docemur in sacris literis, deum laudari in sanctis eius ut in psalmo. cl. nonne multa ostendit sæpius mira-

cula in sanctorum suorum laudem. Certissimi, et
grauissimi testes sunt. Augustinus, & Ambro-
sius, cum uterque adesset Mediolani, inuēris cor-
poribus Gervasii, & Protasii martyrum, cæcum
illuminatū fuisse, ut innumera alia taceā. Eccle-
sia nō colit sanctos, ut alteros Deos, sed ut Deo
plenos, ut membra Christi, eorumque precibus
petit à Deo adiuari. De priori uero, quòd dicūt
nouum commentum, quòd memoria Martyrum
fiat in canone, illud primo notandum nobis est.
Sacrificium hoc, quod agitur in missa esse sacri-
ficium uniuersalis ecclesiæ, cuius pars adhuc pe-
regrinatur in terris, alia uero in cælis fruitur
Deo. Vna hæc ecclesia est una ciuitas Dei, ut in-
quit sæpius Augustinus: cur igitur non decet
in sacrificio uniuersalis ecclesiæ mentionem face-
re sanctorum, sicuti fit mentio & uiuorum, &
defunctorum omnium, quàm autem uetustum
sit hoc, uidere poterit, qui legerit Augusti-
num, qui in libro uigesimo de ciuitate Dei in-
quit hæc ad uerbum notata. Neque enim pio-
rum animæ mortuorum separantur ab ecclesia,
quæ nunc est etiam regnum Christi. idem dicit
in libro uigesimo secundo eius operis. Græca
etiam natio nomini Latinorum satis infensa,
nonne in missa composita à Basilio, & Chryso-

stomo de sanctis mentionem facit, imò pro
eis dicit se sacrificium offerre. Verum,
iam longius digressi sumus à negocio
instituto. Cum igitur de Eucha
ristiæ sacramento, & sacrificio
missæ, in qua fit eius conse
cratio, satis hætenus
tractatum sit, finem
faciamus huic se
cundo libro.

AG

GASPARIS CONTARENI
CARDINALIS DE SACRA
MENTIS CHRISTIANÆ LE
GIS, ET CATHOLICÆ
ECCLESIAE.

LIBER TERTIVS.

De Sacramento Pœnitentiæ.
Cap. I.



*I*N HOC libro aliud sacramentorum genus aggre-
diendum est, nam ea, de qui-
bus hæctenus actum est,
pertinent ad prosperum ui-
tæ spiritualis cursum, quo
progredimur à prima baptismatis gratia, ad gra-
tiam uberiolem, seu à spiritali generatione ad
incrementum, & fomentum spiritualis uitæ. ue-
rum, quoniam donec mortalem uitam agimus,
nec adhuc peruenimus ad perfectum, & firmū
statum uitæ spiritualis, retrocedere possumus fa-
cile, & à uita spiritali decedere, idcirco ab opti-
mo uitæ christianæ institutore præstita nobis fue-
re sacramenta quædam ueluti medicamenta, qui-
bus agritudo animi contracta expelli queat, &
f iii

perfecta sanitas instaurari. Duo sunt huiusmodi sacramenta, poenitentiae, inquam, & extrema unctionis. prius de poenitentia, postmodum dicemus, de extrema unctione. Poenitentiae sacramentum ueluti secunda tabula est post naufragium innocentiae illius, quam, baptismatis uirtute adepti fueramus. & ne institutum ab initio huius opusculi modum deferamus, sicuti in mortali uita, in qua à Domino peregrinamur, interdum incidimus in grauissimas aegritudines, quae certissimam nobis essent perniciem allaturae, nisi medicamenta à Deo optimo nobis praestita fuissent, quibus mederi possemus, & opem ferre labanti naturae, ita in hac spiritali uita, in quam per Christum, & baptismum generati sumus, antequàm (ut dixi) perueniat ad immobilem, & firmum statum, plurimae aegritudines mortiferae, nostra culpa nobis accidunt, quibus sanandis institutum fuit poenitentiae sacramentum. nam quemadmodum cōtra peccatum originale, quod est uitium naturae, datum nobis fuit sacramentum baptismatis (nec refert, si in adulto ui baptismatis remittantur etiam alia quaecunque peccata, ut diximus in superiore libro, quoniam nunc loquimur de eo, quod per se est, & primum respicit baptismum) ita institutum fuit sacramentum poe-

nitentie ad abolitionem peccati mortalis. de ueniali uero, quoniam gratia, & charitati, non repugnat, non oportuit rationem haberi in sacramentis instituendis. nam sacramenta contra peccatum instituta, gratiam conferunt, ideo, ea peccata respiciunt, cum quibus gratia consistere non potest. uerum ex actu uoluntatis, quo in Deum fertur charitate incitata, & ei displicet quidquid officere ei possit, ne tota feratur in Deum, abolentur peccata uenialia. qui motus uoluntatis semper in nobis fit, cum Dei charitas, & gratia diffunditur in cordibus nostris per spiritum Sanctum. sic igitur abolentur per sacramenta peccata uenialia, sed ueluti per accidens, & non primo. ut ergo redeamus unde digressi sumus, sacramentum poenitentiae institutum ad abolitionem peccati, suam habet & materiam, & formam, sicuti alia sacramenta omnia. uerum; alia est ratio materiae in hoc sacramento, ab ea, quae inuenitur in alijs, praesertim hisce, de quibus haec tenus tractauimus. nam in alijs omnibus & materia, & forma distinctae quaedam res sunt ab eo, qui sacramentum suscipit, in sacramento uero poenitentiae nulla est alia materia praeterquam operationes, & actus poenitentis, qui materialis pars sunt huius sacramenti. quod si quis

dixerit peccata etiam esse huius sacramenti materiam, fatebimur utique peccata esse sacramenti huius materiam, non eam tamen, quæ sit pars sacramenti, neque eam quam sanat, & sanctificet, sed eam, quam destruat, & aboleat, non dissimili ratione, qua morbus est materia medicinae, & pharmaci. actus ergo poenitentis ad abolitionem peccati sunt materia, id est, materialis pars huius sacramenti. forma uero est absolutio, quæ fit à sacerdote. uerum, quoniam sacramentum est uisibile signum illud, sub quo arcanum latet inuisibile, non erit ab re si prius quo ad materiã utrunque exponamus, deinde quo ad formam. quantum ad materiam pertinet, illud in primis nobis præfandum est: quanuis peccato mortali perdamus animæ uitam Deum, inquam, qui habitat in cordibus nostris per charitatem, quam tollit peccatum mortale, sicuti auersio à corpore lucido lucem tollit; longe etenim est diuersa ratio charitatis, & uirtutum moralium: nam hæ habitus quidam animi sunt comparati actui, ideo per peccatum nõ tollitur uirtutis habitus, at charitas ueluti lumen est dependens omnino à Dei bonitate, à qua, cum primũ oculos auerterimus, amittimus diuinum lumen, diuinam uitam, ac recidimus in nostras, & nobis inferiores tene-

bras. sed de his satis. igitur ut dicebam, quanuis peccato mortali aboleatur animi uita, tamen quia sumus ad huc in sacramentis ecclesie, & Deo consecrati per baptisma, in nobis remanet & si non uita, semen tamen quoddam uitæ spiritualis, quo excitetur animus oportet, ad uitæ germinationem. huius incitationis primus motor, primusque author est Deus, qui nisi conuerterit nos, uiribus nostris tantum ad eum nequimus conuertere. motus autem hic animi poenitentis, cum fuerit completus, pertinet ad poenitentiam animi uirtutem, siue prodeat ab habitu, uel sine habitu fiat. non enim hoc in questione uersari uolumus. incipit igitur hic motus à peccati detestatione, siue ob timorem poenæ, qui seruilis est timor, siue ob peccati turpitudinem, quam lumine naturali intelligere possumus. postea sequitur motus fidei, qua credimus diuinis promissis ut scilicet, paratus sit misereri ei, qui per Christum, & eius sacramenta, ad eum conuersus fuerit. hinc rursus incipit peccator non tantum detestari peccatum, & poenitentiam agere, quod peccauerit, uerum etiam, & abstinere in futurum à peccato statuit pro uirili, & insuper proponit Deo pro modulo suo satisfacere, adeundo sacerdotem, humiliter confitendo peccata, quæ fecit,

¶ parendo iudicio sacerdotis in satisfactione facienda, rationabili, scilicet, & possibili, nam si se-
cus esset, iam non esset uoluntas ea, conformis
diuine uoluntati. Quam satisfactionem scit per
se nihili futuram, sed quoniam innititur satisfac-
tioni factæ per Christum, cui assimilatur satis-
factione hac quantulacunque, ideo etiam fru-
ctiferam, & utilem sibi putat. motus est hic pœ-
nitentie uirtutis, quæ pars est iustitiæ commuta-
tiue, illius, inquam, quæ delet culpam mulcta, et
pœna. uerum; differt pœna à satisfactione, quia
pœna nolenti infligitur, satisfactio uero fit à uo-
lente, iuxta iudiciū tamen, et arbitrium illius,
in quem peccatum est. igitur imposita mulcta à
sacerdote, qui gerit Dei personam, quam uolun-
tarie peccator subire paratus est, dicitur satisfac-
tio. hic ergo pœnitentis actus est ueluti mate-
ria in hoc, de quo agimus pœnitentie sacramēto,
quæ uim habet ad remissionem peccati ueluti se-
cundariam. nam prima consistit in absolutione sa-
cerdotis, quæ est huius sacramenti forma. huius
rei sacramentum est signum sensibile, exterius
actus, scilicet, pœnitentis, accessus ad sacerdote;
genuflexio, peccatorum confessio, satisfactio im-
posita. hæc omnia pertinent ad materiam huius
sacramenti. absolutio sacerdotis est forma, quæ

habet uim, quam significant uerba prolata ad
absolutionem, & remissionem peccatorum, sicut
Christus pollicitus est, cum Apostolis, & di-
scipulis dixit prout habetur in euangelio Ioan-
nis. c. xx. accipite Spiritum Sanctum, quorum
remiseritis peccata remittuntur eis, & quorum
retinueritis, retenta sunt eis. ex hac ergo Christi
promissione, & potestate sacerdotibus tradita,
absoluit sacerdos, postquam peccata ex ore confi-
tentis cognouerit, seu retinet, si ita uisum fuerit.
fungitur etenim officio iudicis, uerba uero abso-
lutionis enunciando profert. suntque hæc necessa-
ria, ut multis uidetur; ego te absoluo in nomine
patris, & filij, & spiritus sancti. quidam uero pu-
tant etiam si addita non fuisset inuocatio trinita-
tis absolutionem in illis uerbis consistere, te absol-
uo, ego te absoluo. magis tamen mihi placet prio-
rum sententia, quæ etiam tutior est. peccata ue-
ro ea tenemur confiteri, quæ mortalia sunt, quam-
uis nonnulli Theologi addant etiam uenialia, cū
quispiam mortalibus caret. uerum; Scoti senten-
tia mihi ualde probatur. non diffitemur confes-
sionem uenialium etiam bonam esse, & eorum
culpam dimitti ex absolutione, uerum nos ex
præcepto non teneri ad confessionem uenialium
sentimus. absolutioni annexus est tractatus de

potestate clauium, & de clauibus, de iurisdictione, de indulgentijs, de excommunicatione, suspensione, ac de interdicto, quibus annexus est etiam tractatus de purgatorio. uerum, antequam aggrediamur tractationem de rebus propositis, soluenda nobis sunt nonnullae dubitationes. prima pertinet ad institutionem huius sacramenti an, scilicet, sit de iure diuino, & à Christo institutum, alia de partibus huius sacramenti, an, scilicet, constet ex tribus illis partibus, quæ passim uulgatæ sunt esse partes sacramenti poenitentiae contritione, scilicet, confessione, & satisfactione. quantum ad priorem questionem, nulli dubium, quod illi, qui putant sacramentum poenitentiae quoad materiam, & formam, non esse de iure diuino, contradicunt euangelio. nam Ioannis c. uigesimo est locus, quæ paulo supra citauimus, Christus insuflans in suos discipulos dixit. accipite Spiritum Sanctum, quorumcunque remiseritis peccata, remissa sunt eis, & quorumcunque retinueritis retenta sunt eis. idcirco, alij dixerunt absolutionem, quæ est forma sacramenti poenitentiae, esse de iure diuino, sed neque confessionem, neque satisfactionem esse de iure diuino. uerum nunc eis respondetur de confessione, nam de satisfactione posterius dicemus. quo nam pacto po.

est sacerdos fungi officio, & potestate data sibi à Christo, nisi peccata intellexerit, neque ab alio liceat ea inquirere, aut suspicari, hoc enim pertineret potius cum licet, ad forum iudicij, quàm ad forum conscientia, oportet ergo, ut à poenitente ea intelligat, quòd est eius confessio. nonnulli dicunt, & Lutherani huius erant sectæ, quòd illis uerbis Christus non dedit sacerdotibus potestatem ullam, sed tantum officium, quare satis esse sacerdoti fateri se peccatorem esse, is uero officium habet absoluendi. horum sententia clarius luce meridiana contradicit euangelio Ioannis, paulo supra citato, in quo pariter fit mentio de remissione, & retentione peccatorum. item, in collatione clauium Petro, fit mentio apud Mattheum. c. 16. & de solutione, & de ligamento. perspicuum est, igitur, illis uerbis sacerdotes, iudices constitui, qui iudicium certum nullum afferre possunt, nisi sciuerint, & cognouerint quorū sint dimittenda, & quorum sint retinenda peccata. Nonnulli putant necesse esse ut is, qui uoluerit subire iudicium sacerdotis, & obtinere ab eo absolutionem, ut peccata sua confiteatur. uerum, inquiunt ex sacris literis non constat, quòd hac tantum uia, pateat nobis aditus ad reconciliationem cum Deo, & ad obtinendam remissio-

nem peccatorum, sicuti de baptismo constat, nisi quis renatus fuerit ex aqua, & spiritu sancto &c. Scotus in quarto sententiarum conatur ostendere ex nullo sacre scripturæ loco hoc nobis constare. tenet tamē ob authoritatem Ecclesiæ, sentiendum esse confessionem auricularem, inquam, esse de iure diuino. nūhi certe subtilitas, et diligentia Scoti hoc loco non satis probatur. nollem iniecisset hunc scrupulū. beatus Thomas in quarto sententiarū adducit locum unum, cum Christus, scilicet, loqueretur de his, super quos ceciderat turris silo. inquit, nisi poenitentiam egeritis, omnes similiter peribitis. & interpretatur aliud esse poenitere, & aliud poenitentia agere. nam agere poenitentiam pertinet ad exteriores actus, in quibus consistit sacramentum poenitentiae. pia certe est diui huius sententia, & à pijs mētibus amplectenda. uerum; calumniari pertinax homo facile posset, & ad alium sensum trahere illum locum. idcirco his, quæ sanctissimus hic, et doctissimus uir scripsit, pauca quædam addam, illud præfatus, quod & cuius perspicuum est, et patres nostri obseruauerunt. non tantum existimare nos debere ea tradi in sacris literis, quæ expressa sunt in literis illis, uerum etiam ea, quæ deducuntur, et sequuntur ex his, quæ prodita sunt in

literis illis, præsertim si usus uniuersalis ecclesiæ
 consenserit. ad peccati abolitionem, necessariam
 esse in pœnitente contritionem, & dolorem de ad-
 missis in Deum, et innumeri scripturæ sunt loci,
 & ratio naturalis dictat, cui contradici non po-
 test ut in psalmo. 4. quæ dicitis in cordibus uestris
 & in cubilibus uestris compungimini. & Iohe-
 lis. c. 2. scindite corda uestra, & non uestimenta
 uestra. et apud Matthæum. c. 3. pœnitentiā agite,
 appropinquat enim regnum cœlorum. innumeri
 alij sunt loci de contritione. confessio uero quod
 illi sit faciēda, qui remissurus est peccata, præter-
 quam quod ratio naturalis hoc ostendit, & con-
 suetudo ciuilis docet, indignus. n. uenia est, qui
 nō uult fateri se in quēpiā deliquisse, sacræ etiā
 literæ hoc testatur ut in psalmo. 31. dixi cōfitebor
 aduersum me iniustitiā meam domino. & tu re-
 misisti iniquitatē peccati mei. item, ex contrario
 sensu dictū est. ut in psalmo. 140. nō declines cor
 meum in uerba malitiæ ad excusandas excusa-
 tiones in peccatis. illi etiam, qui à Ioāne baptiza-
 bantur in pœnitentiam, & non in remissionem
 peccatorum, cōfitebantur peccata sua. hoc obser-
 uant iudæi, et mahometani ab ipsa natura docti.
 cōfitebuntur etenim Deo peccata sua, à quo sperāt
 remissionē peccatorū. ex his absq; dubio sequitur

confessionem, & remissionem peccatorum, ueluti reciproca esse, & sibi uicissim respondentia. cū igitur Christus dederit sacerdotibus insuflans in eos, potestatem remittendi peccata, simul cum Spiritu sancto, nulli dubium, quin præceperit poenitentibus, qui egent remissione peccatorum, ut delicta sua confiteantur sacerdotibus. reciproca hæc etenim sunt (ut diximus). at dixeris. nonne potest Deus peccata dimittere absque munere sacerdotis. potest utique. potest etiam sine baptismo gratiam conferre, & regenerationem. at dices. cur in baptismatis sacramento dixit nisi quis renatus fuerit ex aqua, et spiritu sancto etc. in hoc uero sacramento non dixit, nisi quis sacerdoti confessus fuerit. respondeo. baptismatis sacramentum magis necessarium esse, utpote, quo etiam infantes egant, ideo, ut diligentes omnes faceret tum pro se, tum pro infantibus, illud fuisse expressius dictum in baptismo, quàm in poenitentia, tum quia, cum in baptismo utrumque expressisset, scilicet, & quod pertinet ad sacerdotes, euntes baptizate omnes gentes in nomine patris, & filij, & Spiritus Sancti, & id, quod pertinet ad suscipientes baptismum, nisi quis renatus fuerit &c. non putauit in poenitentia hoc repetendum, uerum, expressit id, quod est potissimum,

mum, & pertinet ad formam. illud uero quod re-
 ciprocum est, non ita expressit, quia reciprocum
 est, & quia expresserat in baptismo utrumque
 reciprocum, ac par esset in hoc ratio, non puta-
 uit necessario exprimendum. hanc deductionem
 nostram comprobant usus ecclesiarum Græcarum,
 Latinarum, Aethiopicarum, Maronitarum, aliarumque na-
 tionum, quæ omnes confitentur sacerdoti pecca-
 ta, ut impetrent ueniam, & remissionem pecca-
 torum. id uero, quod adducunt ex capitulo omnis
 utriusque sexus de poenit. & remis. quasi ex eo
 loco habeatur institutio confessionis, uere nisi fue-
 rint omnino pertinaces, nec caruerint sensu com-
 muni, facile intelligent eo in canone, Innocen-
 tium non instituisse confessionem, sed instituisse
 quod saltem semel uno quoque anno omnes utri-
 usque sexus confiterentur proprio sacerdoti. Hac
 explicata questione ut posuimus, accedamus ad
 alteram explicandam, de partibus, scilicet, poeni-
 tentiæ sacramenti. Dux sunt huius sacramenti
 partes, sicuti & cuiuslibet alterius forma, scili-
 cet, & materia. forma in absolutione est, et hæc
 est simplex unitas, namque maxime sequitur for-
 mam. altera est materia, quæ, ut supra diximus,
 est actus confitentis. peccata uero sunt materia,
 ut morbus, quam expellit, & destruit poeniten-

tia, non illius generis materia de qua loquimur, quæ est pars sacramenti poenitentiae. ex hac parte ferè omnes Theologi ponunt tres esse poenitentiae partes, contritionem, scilicet, confessionem, & satisfactionem. Scotus in quarto sententiarum uidetur ferè reiicere satisfactionem. inquit enim. poenitentem posse, postquam confessus fuerit peccata, & absolutus à sacerdote, recusare satisfactionem, etiam impositam ab eo, secundum rectam rationem. uerum; meo iudicio, hoc in loco Scoti sententia periculosa est. nam si in ciuili republica tenemur parere iudici procedenti secundum formam iuris, etiam in foro conscientiae, ei-que interroganti nos etiam de delictis capitali poena puniendis uerum respondere; & iure impositam poenam patienter ferre: longe plus debemus teneri sacerdoti satisfactionem rationabilem imponenti parere. & si quis teneat posse nos recusare satisfactionem impositam nobis à sacerdote, uidetur fateri sacerdotem non esse iudicem constitutum à Deo in foro eo, scilicet, in causa, quæ agitur inter nos, & Deum. quòd si quis fateretur, difficile posset uitare eorum sententiam, quæ supra reiiecimus ut erroneam, ex textu euangelij, Ioannis. c. xx. scilicet, quòd sacerdos in absolutione fungitur munere quodam, & officio, si

cuti in baptismo conferendo, non autem agit officium iudicis, quo efficeretur, ut confessio singulorum peccatorum, non esset necessaria. præterea id, quod supra diximus, actus, scilicet, poenitentis completos pertinere ad iustitiam punitivam, esset reiiciendum. nam si non est paratus poenam subire pro delicto, quomodo uult satisfacere, neque in satisfactione hac standum est iudicio suo, sed eius, qui tenet locum Dei, in quem admissa est culpa omnis. his rationibus adducor, ut sentiam longe saniozem esse aliorum Theologorum sententiam, qui ponunt satisfactionem esse partem poenitentiae, quæ in proposito antecedit absolutionem, præstatum autem actu, post absolutionem. nec audiendi sunt illi, qui putant deleta culpa, deleri omnem poenam, & quod efficimur participes satisfactionis factæ à Christo, qui satisfecit satis, superque pro peccatis totius mundi, & etiam ob diuinam liberalitatem mouentur hi, quam non decenter putant remittere culpam, reos tamen poenæ eos adhuc detinere. uerum sentiendum est cum uniuersa Ecclesia; etiam post dimissam culpam, Deum à nobis postulare poenam, tum quia poenæ sunt medicina, ac nobis profunt, tum etiam quia oportet conformari nos Christo in patiando, si satisfactionis eius sumus futuri.

participes, inquit Paulus ad Romanos. c. 8. si qui
dem compatimur, ut et conglorificemur. in mul-
tis scripturæ sanctæ locis idem reperimus. sed
apertissimus est locus in secundo Regum libro. c.
12. de David, qui; postquam reprehensus fuit à
Nathan, quòd adulterium, & homicidium per-
petrasset, & grauiter indoluisse, audiuit à Na-
than. transtulit Dominus peccatum tuum, uerū
is, qui tibi natus est filius, morietur. his explica-
tis, quoniam sacramento huius, de quo agimus ab-
solutio, quæ est forma, recte intelligi non potest,
nisi agamus de clauibus, & de potestate clauū,
ac de cæteris, de quibus supra fecimus mentio-
nem, aggrediendus est tractatus ille. Duæ sunt
clauēs ordinis sacerdotalis, clauis, scilicet, scien-
tiæ, seu iudicij, & clauis exercendi iudicij ligan-
di, scilicet, & soluendi, hæ clauēs conferuntur
sacerdoti in consecratione cum ord. ne sacerdota-
li, & pertinent ad forum hominis cum Deo. clauis
scientiæ, & iudicij prior est, quæ non sic acci-
pienda est ut referatur ad scientiam, & discipli-
nam, quam habent eruditi homines, qui propte-
rea etiam recte iudicant, sed referenda est ad po-
testatem iudicandi ex officio, & , ut ita dicam,
ex magistratu, quem gerunt. multi sunt peritissi-
mi Iurisperiti, qui ex scientia recte iudicare

possunt, attamen cum non sint iudices, non habent iudicandi potestatem, e contra multi iudices imperiti habent iudicandi potestatem, carent tamen scientia. clavis ergo hæc referenda est ad potestatem, non ad scientiam. attamen censendi sunt indigni hac clauē, qui ignari sunt sicuti de iudicibus in ciuili scientia diceremus. Altera uero, quæ est clavis ligandi, & soluendi pertinet ad executionem iudicij facti, quæ uel soluit, uel ligat si non soluit, si ita ei uidebitur debere fieri, uel simul soluit, & ligat, soluit utique à culpa, & à reatu pœnæ æternæ, ligat uero pœnæ satisfactionis, quam pœnitenti imponit. uerum; quoniam sacerdos hæc facit, ut minister Dei, et Christi, minister uero est organum animatum, ac organum, uim non habet, nisi quatenus mouetur ab authore, & causa superiori, utique si sacerdos non nitens diuinis legibus, & ratione soluerit quempiam, non tamen propterea solutus erit, in foro conscientiæ; inquam, eo quod subtraxit se à regula superiori, cuius est organum. ex his etiā apparet sigillum confessionis, quod in nullo casu potest frangi, nam Deus peccata tegit, quæ peccator confitetur, ideo debent tegi, & non pendi à Sacerdote; qui etiam iurare posset se nihileorū scire, cum ea audierit, non ut homo; sed ut uel

Deus, uel ut minister Dei, ut tegantur peccata, non ut pandantur. Duæ hæ clauēs pertinent ad ordinem, uerum actus, et usus harum clauium, indiget præter ordinem etiam iurisdictione. non enim sacerdos potest absolvere, præterquam subiectum sibi, non alienum. is nero subiectus ei est in quem iurisdictionem habet. in casu tamen necessitatis quilibet sacerdos potest confitentem absolvere, etiam non subditum, quia eo in casu efficitur sibi subditus, neque opus est, ut iterum confiteatur proprio sacerdoti, quia etiam sacramentaliter, ut ita dicam, est absolutus. hoc uero non contingeret si laico confiteretur. nam cum laicus non posset sacramentaliter eum absolvere, quamuis Deo satisfiat illa confessione, si periclitatus is fuerit, attamen si euaserit periculum debet sacerdoti confiteri. hæc de clauibus ordinis. Sequitur ut de iurisdictione dicamus, & de clauibus iurisdictionis, quæ utique secundæ quædam sunt clauēs. nam potestas ordinis est in foro hominis, ad Deum, ideo, primæ, & præcipuæ clauēs sunt illæ, quibus reſeratur, & clauditur aditus hominis ad Deum. iurisdictionis uero potestas pertinet ad spirituale forum, quod est hominis ad Ecclesiam. idcirco clauēs hæ sunt secundariæ. potestas ordinis à Deo est, & quilibet sacerdos cuius

alteri par est, non unus superior, alter inferior in sacerdotio, nec Papa maiorem vim habet in consecrando corpus Christi quàm minimus sacerdos, similiter absolviendo in foro conscientia, nisi in casibus reservatis, quòd pertinet ad iurisdictionem, ut infra dicemus. at in iurisdictione magna est imparitas, ut ex euangelio colligi potest, nam meo iudicio potestas ordinis remittendi, & retinendi peccata data potissimum fuit post resurrectionem omnibus discipulis simul, non uni præ alteri. dixit enim Iesus postquàm insuflauerat in eos, ut narratur apud Ioannem. c. xx. accipite Spiritum Sanctum, quorumcunque remiseritis peccata, remittentur eis, & quorum retinueritis, retenta sunt eis. similiter omnibus dixit in consecratione corporis, & sanguinis sui. hæc facite in mei commemorationem, omnibus simul, non uni, præ alijs. potestas uero iurisdictionis, meo iudicio potissimum data fuit in collatione clauium apud Matthæum. c. 16. quæ primum data fuit Petro, deinde alijs discipulis omnibus, postquàm data fuerat Petro, dixit etenim Petro post grauiora uerba, dabo tibi clauis regni cœlorum etc. dixit postea discipulis omnibus, quæcunque ligaueritis super terram etc. apud Matthæum. c. 18. infra, ubi ex antecedentibus perspicuo potest col

ligi locutum fuisse præcipue Dominum de potestate iurisdictionis, inquit enim clare supra, si Ecclesiam non audierit, sit tibi sicut ethnicus, & publicanus, quod uim habet excommunicationis, postea statim subdit, amen dico uobis, quæcūque alligaueritis super terram, erūt alligata etiā in coelis. ecce quā perspicuo ex contextu locutionis apparet, præcipue locutum hic fuisse Christum de potestate, quæ pertinet ad iurisdictionē, quæ potissimum, & primum data est Petro, magno illo molimine uerborum, postmodum data fuit apostolis omnibus. nec te moueat quorundā acumen, qui inquirunt, tunc non fuisse datam hanc potestatem, sed promissum à Christo, quod daturus eis esset. nam non inquit, do tibi clauēs, sed dabo, hoc etenim potius subtiliter dicitur, quā uere. etenim futurum illud refertur ad usum clauium, & potestatis, qua Christo uiuente uti non poterat, neque est usus. est etiam alius locus perspicuus in euangelio secundum Ioannem. c. ultimo, ubi post resurrectionem cum Dominus Petrum interrogasset an amaret ipsum præ alijs, ac ter Petrus respondisset, ter quoque ei subdidit, pasce oues meas, pasce agnos meos, quæ pastoris cura omnem iurisdictionem continet, id, quod sigillatim intuenti facile patere potest. de doctri

na etiam fidei, quòd à Petro ad alios deduci, ac
ueluti derivari deberet, est locus expressus apud
Lucam. c. xxij. Sathanas expetiuit, ut cribraret
uos, sed ego rogaui pro te Petre, ut non deficiat
fides tua, & tu aliquando conuersus confirma
fratres tuos. diuersa est ergo hæc iurisdictionis
potestas, à potestate ordinis sacerdotalis. hæc po-
sterior est à Christo, & omnes sacerdotes in ea
sunt pares, sic episcopi omnes sunt pares, quoad
actiones hierarchicas. sed de his infra dicemus,
cum tractabimus de sacramento ordinis. at pote-
stas iurisdictionis tota quantacunque est, in Põ-
tifice Romano collocata est, reliqui omnes sunt
sub ipso, eiusque potestatis participes. unde Cy-
prianus antiquissimus, et præstatiissimus author,
& martyr dicit, unum tantum esse episcopatũ,
cuius participes sunt singuli episcopi. hæc uero
potestas committi potest etiam nõ sacerdotibus.
ad hanc pertinet excommunicatio, Interdictũ,
Suspensio, Depositio, Irregularitas, et Infamia,
de quibus pauca quedã perstringemus potiora,
quæ satis sint ad peritiam episcopi. excommunica-
tio definitur à Theologis, esse separatio à com-
munione fidelium, quo ad suffragia, et fructus.
nam pro excommunicatis non orat Ecclesia, nõ
dico, quòd si in gratia Dei fuerint non sint parti

cipes bonorum omnium operum, quæ in Ecclesia fiunt, sicuti quoduis membrum uiuum corporis influentiam recipit ab alijs membris, ac uicissim reddit; iuxta id, quod dicitur in psalmo. 118 particeps ego sum omnium timentium te, non hoc dico: sed cum Ecclesia publica orat pro fidelibus omnibus, excommunicati excommunicatione maiori non includuntur in his, pro quibus orat Ecclesia. ideo in hac excommunicationis definitione dicitur, quoad suffragia, additur, quoad fructus, idest, sacramenta. quia excommunicatis sacramenta non sunt administranda. neque fideles debent conuersari cum excommunicatis, præterquam in quibusdam casibus, quos si uellē sigillatim recensere, longius quam institutum opusculum exigit, oratio nostra uagaretur. est præterea excommunicatio minor, quæ est imperfecta excommunicatio, qua quispiam, tantum arcetur à communione, & participatione sacramentorum, non autem à communione fidelium, neque à suffragijs. ab excommunicatione maiori, quæ pœna est ualde grauis, absolvere potest iudex, qui eam intulit, siue eo superior, non tamen is superior, qui est superior, quoad appellationem tantum, ut Archiepiscopus Episcopo superior est. quod si non ab homine fuerit lata excō-

municationis sententia, sed à iure, in eo, scilicet,
 casu in quo lex præcipit eum, qui quippiam pec-
 cauerit confestim ipso facto excommunicatione
 incurrere, potest absolui à proprio Episcopo, nisi
 Pontifex sibi absolutionem reseruauerit. huius
 generis excommunicatio cum sit poena, non cul-
 pa, & grauissima poena, nõ debet infligi nisi pro
 culpa, & ea, quidem graui. unde non debet in-
 ferri nisi pro peccato mortali, & eo quidem gra-
 ui. hic notandum, quòd licet ab Ecclesia poena
 non possit inferri nisi uiuentibus, qui sunt in Ec-
 clesia militanti, nihilominus in causa hæresis ex-
 communicari solent etiam mortui, et eorum ossa
 effodi à sacro cameterio, non quòd illi tunc exco-
 municari incipiant, sed quòd tunc manifestum
 sit eos fuisse excommunicatos. & hæc poena me-
 dicina est non eorum hæreticorum, sed aliorum,
 qui dedecus eorum uidentes abstinent magis à
 crimine hæreseos. uiui etiam, quandoque inuiti
 possunt, & debent absolui ab excommunicatione:
 nã poena est, non culpa, & medicinalis poena,
 ut inquit Apostolus ad Corinthios. 1. c. 11. idcir-
 co sicuti probus, & peritus medicus abstinet à
 medicina cum incipit nocere, ita etiam probus
 prælatus abstinet ab excommunicatione, cum
 obest. ab excommunicatione uero minori, quæ cõ

trahitur, cum quispiam uersatus est cum excommunicato maiori excommunicatione, non tamē participando in crimine, pro quo fuerat excommunicatus, aut in diuinis, neque in contemptū, uel contra præceptum superioris contumaciter, ab ea ergo, quæ sic contrahitur potest quilibet sacerdos absoluerē. uerum; complures sunt casus sigillatim à Theologis, præsertim à Canonistis nominati, in quibus licet cum excommunicato conuersari. personæ etiam certæ. excipiuntur. quæ omnia et beatus Thomas in quarto sententiarū: & Archiepiscopus Antoninus in tertia parte suæ summæ collegit nobis sufficiat. lectorem ad monuisse. Hoc tantum superioribus addemus, quòd communicans cum excommunicato seu à iure, seu ab homine, nisi is fuerit publice denunciatus excommunicatus, non propterea excommunicationem incurrit. excipit Antoninus unū tantum, scilicet, si excommunicatus esset ob percussum clericum & crimen esset publicum, & notorium, sic etenim uidetur dicere Apostolus, primæ Cor. c. v. si quis nominatur auarus inter uos, cum eo nec cibum sumere, interpretantur namque nominatum eum dici, qui sit publicatus. hætenus de excommunicatione. Suspendio uero nihil aliud est, quàm pœna canonica, qua cleri

cus arcetur ab executione officij, quod ei competit, non tamen propterea est excommunicatus, immo eius consuetudo nulli prohibetur. est etiam particeps suffragiorum Ecclesie. exequi tamen non potest officium, quod habet. hæc poena clericorum est, si proprie sumatur. quandoque tamen illata est etiam laicis, ut inquit Archiepiscopus Antoninus. Interdictum uero poena est, qua plebs solet communitas. interdumque respicit locum tantum, interdum uero etiam homines. interdicitur autem quibusdam sacramentis, & diuinis officijs, ac sepultura ecclesiastica. cum interdicitur loco, utique publice diuina celebrari non possunt eo in loco: uerum homines si alibi fuerint, possunt diuinis interesse, quod si fuerit interdictum hominibus, nullibi possunt interesse diuinis. possunt tamen ubi est interdictum pueri baptizari, nec negatur confitentibus poenitentia. chrismate etiam inungi queunt. aliorum sacramentorum participatione interdictum est eis. uiaticum tamen decedentibus non negatur. ac negatur extrema unctio etiam decedentibus. extra de sent. excom. c. responso & de poenit. ac remis. c. quod in te. quidam tamen dies solennes excipiuntur ut Pascha, Natale Domini, Dies Pentecostes, & Assumptio Virginis, de sent.

excom. libro sexto. c. alma. Hæc de interdicto. Depositio quid sit, ex ipsa nominis significatione facile potest intelligi. deponitur enim is, qui à suo gradu deijcitur in perpetuum. Irregularitas uero est, inhabilitas quædam, quæ impedit ne quis officium, quod habet exercere possit, uel etiam ad illud admitti non potest. sæpenumero irregularitas contrahitur absque delicto, ut illegitime natus irregularis est ad ordines ecclesiasticos. bigamus etiam irregularis est. infamiam autem incurrit Simoniacus conuictus. uerum; discutere latius de his poenis canonicis, non pertinet ad institutum opus. Omnis hic poenarum tractatus annexus est tractationi de clauibus, et clauium potestate, ea uero pertinet ad absolutionem, quæ est forma in sacramento poenitentiae. Materiam uero diximus constare ex tribus partibus contritione, scilicet, confessione, & satisfactione. de satisfactione tractatui annexus est tractatus de purgatorio, & indulgentia. superius diximus, quod dimissa culpa, & facta cum Deo reconciliatione, adhuc superat reatus alicuius poenæ temporaneæ. nam poenæ æternæ reatus repugnat gratiæ, & reconciliationi factæ. & hoc probauimus luce clarius ex sacris literis de Dauid etc. nolo repetere ea, quæ supra dixerā. oportet enim

socios nos esse tribulationis cuiuspiam, si futuri
 sumus participes gloria. poena uero omnis dupli-
 cem uim habet. nam medicina quaedam est, do-
 lor etenim poenae facit, ut non recedamus ab ho-
 nesto propter uoluptatem, aut ob quempiam do-
 lorem alium minorem, ut colligitur ab Aristote-
 le in secundo ethicorum. fit etiam per poenam
 quaedam recompensatio iustitiae. nam sicuti qui-
 spiam genio obsequens contra legem, sibi aliquid
 attribuit, ita oportet, ut prater uoluntatem ali-
 quid patiatur. haec uero temporanea poena inni-
 titur satisfactioni factae per Christum, sicuti pri-
 ma causa, & respondet peccato, quatenus inor-
 dinate conuertitur ad bonum commutabile. sic
 etenim est contra legem naturalem. unde etiam
 peccatis uenialibus ob inordinatam conuersio-
 nem, quanuis in ea non sit auersio à Deo, debe-
 tur tamen aliqua poena: quod si fuerit contra ci-
 uilem legem illud idem peccatum, debetur ei,
 praeterea, etiam poena statuta per legem ciuilem.
 hoc ergo posito, post culpae dimissionem, imponi-
 tur satisfactio, quae si fuerit imposita peccati rea-
 tui equalis, nil amplius soluendum restat. Con-
 tritio etiam quia dolor est, uim habet satisfacien-
 di, quod si non fuerit equalis, sed inferior, & mi-
 nor, id, quod reliquum est soluendum est post obi-

tum, eluendæque sordes omnes, antequàm perueniamus ad gloriã. Ignis, hoc, purgatorius appellatur ab omnibus. Luterani, & quipiam alij contra consuetudinem, & sensum totius Ecclesiæ purgatorium ignem negarunt, eò quòd non sit expressa mentio de eo facta in sacris literis, nec uerentur contradicere sententiæ uniuersalis Ecclesiæ, & antiquorum doctorum patrum nostrorum. Augustinus præter locos alios, & in confessionibus, de obitu matris, & in libro de ciuitate Dei, proprium opusculum fecit de cura agenda pro mortuis, ubi adducit locum illum Machabæorum libro. 2. c. 12. de Iuda Machabæo, qui misit duodecim millia drachmas Hierosolymam, cogitans, quòd pium esset orare pro mortuis. et subdit statim, quòd etiam, si non esset locus scripturæ, ei sufficeret authoritas totius Ecclesiæ. Græci nonne orant pro mortuis. in missis eorum compositis à Basilio, & Chrysostomo nonne fit oratio pro mortuis idem dicit Chrysostomus in quodam suorum sermonum. Damascenus tractatum peculiarem composuit. idem colligitur à Dionisio in libro de ecclesiastica hierarchia. Vide quanta sit audacia quorundam homuncionum, qui audent christas erigere contra sensum Ecclesiæ uniuersalis, iam per tot secula diuulgatum. uerum
in sacra

in sacra scriptura sunt loci, ex quibus hoc colligi potest, si non uolumus esse pertinaces. locus ille de Iuda Machabeo, quem supra tetigimus. in epistola Pauli ad Corinthios prima. c. 3. de eo, qui superadificat foenum, ligna, & stipulam super fundamentum, & aurum, & argentum, siue gemmas, & quod ignis probabit, quale sit unius cuiusque opus, est etiā locus meo iudicio expressus. scio esse aliquos doctores, Chrysostomum scilicet, qui interpretatur eum locum de doctrina, deinde extorquent id, scilicet, quod ignis probabit. attamen locus ille clarus est, & expressus, si quis noluerit uim interpretationis alterius ei adhibere. præter purgatorium, & damnatorum in perpetuum locum, est puerorum Limbus, qui de cedunt tantum cum originali peccato. hunc locū Augustinus in multis suorum operum non uidetur agnoscere, licet dicat, quod leuissima omnium poena mulcentur. nonnulli etiam moderni doctores uidentur assentiri huic sententiæ. in concilio Florentino tempore Eugenij quarti celebrato, nihil certi statutum est. u. rum omnes ferè posteriores, Limbum puerorum posuere. fit in scriptura præterea mentio de sinu Abrahamæ, in quo, in euangelio Luca. c. xvi. dicitur fuisse Lazarus pauper ille. fuit pater credentium Abra

ham, ideo qui salui erant per fidem, nec tamen
admitti poterant ad gloriam, nondum soluto pec-
cato naturæ passionē Christi, dicti sunt fuisse in
sinu Abrahamæ. nunc uero sinus Abrahamæ, est uita
æterna. ad quam gratia Dei perducatur nos. tra-
ctatui de purgatorio annexa est tractatio de in-
dulgentiis. *V*sus Ecclesiæ antiquus fuit, quæ spi-
ritu Christi regitur, & ideo errare non potest, in
indulgentias concedere ad abluendum reatum pœ-
narum purgatorii. ratio uero, qua nititur hæc cō-
cessio indulgentiarum est, quoniam, si qui duo
fuerint, unus, uinculo charitatis efficiuntur,
amor etenim, ut inquit Dionysius in libro de diui-
nis nominibus, habet uirtutem unionis, ut ex
pluribus unum faciat: potest ergo amicus solue-
re amici debitum, & iustitiæ satisfacere. pœnæ
igitur, non quatenus medicina est, sed quatenus
per eam satisfit culpa, & culpa pœnæ æquatur,
potest amicus pro alio subiēs pœnam satisfacere,
sibi que ex charitate illa, qua pro amico satisfacit
mereri. hoc supposito, cum in Ecclesia sit satisfactio
Christi, qua pro omnibus satisfecit, & pro
totius mundi peccatis, sunt etiam opera satisfac-
toria sanctorum, qui austeram uitam egerunt,
multumque laboris subierunt, quæ superant rea-
tum pœnæ eorum, & in utilitatem Ecclesiæ pas-

si sunt, iuxta illud Pauli, ad Col. c. i. suppleo in corpore meo, quæ desunt passionū Christi, pro corpore eius, quod est Ecclesia. si quis ergo reus poenæ fuerit charitate his cōiunctus, utiq; ex iusta, & pia causa, ut Sanctorū, & Christi seruetur intētio, poterit is, qui præpositus est, satisfactionem eam applicare. idcirco tria requiruntur ad concessionem indulgentiæ, in suscipiente charitas, nam sine charitate unus non esset cum Christo, & Sanctis in concedente, & dante autoritas. in causa pietas. unde non possunt concedi pro arbitrio, & uoluntate dantis, sed ex iusta, & pia causa. huiusce rei potestas omnis in Pontifice est; in Episcopis uero limitata. alij uero cum propriæ Ecclesiæ non omnino præsint, hac auctoritate carent. diximus supra, cum sacramentum sit inuisibilis gratiæ uisibilis forma, peccatum uero ueniale non repugnat gratiæ, & charitati, nullum fuisse institutum sacramentum ad abolitionem peccati uenialis, ut putat Thomas, quanuis Scottus teneat extremam unctionem institutam fuisse ad ueniale peccatum delendum. uerū; cum peccatum ueniale repugnet actui charitatis, etenim, quanuis in peccato ueniali non sit auersio à bono incommutabili, est tamen inordinata conuersio ad bonum commutabile; ideo quædam nō

sacramenta, sed sacramentalia sunt in Ecclesia instituta, quibus; cum excitetur animus ad peccatorum detestationem, uel ad charitatem, & amorem Dei, in quo necesse est, ut nobis displiceant omnia, quæ impediunt nos, ne semper actus feramur in Deum, huiusce omnibus soluitur reatus peccatorum uenialium quoad culpam, & sæpe quoad poenam, licet hoc non sit necessarium; huiusmodi uero sunt, confessio illa, quæ fit in hora diei prima, & in completorio, quæ; ex deuotione confitentis, & ex humilitate confessionis, & ex oratione misereatur uim habet ad remissionem uenialium. oratio etiam dominica, si fuerit deuote pronunciata, cum dicimus dimitte nobis debita nostra, ad deletionem culpæ uenialium ualet. item, aspersio aquæ Sanctæ. excitatur enim his omnibus affectus animi in Deum, & in peccatorum detestationem. præter hanc poenitentiam, quam diximus esse sacramentum, est etiam poenitentia solennis, quæ sub parte sacramenti est, idest sub satisfactione. hac Antiqua Ecclesia uti solebat, nunc uenit in desuetudinem. utebatur longa, & uaria caeremonia. nam poenitentes in exordio quadragesimæ cum suis præbyteris accedebant ad Ecclesiam ad episcopum, ac ingrediebantur nudis pedibus sacco induti, legebatur

Septem psalmi poenitentiales, aspergebantur aqua benedicta, imponebatur cinis super eorum capita, deinde sicuti Adam eiectus est de paradiso, ita denunciabatur, quod eijcerentur ab Ecclesia, & ita expellebantur usque ad coenam Domini, tunc recipiebantur, non tamen communicabant, neque eis dabatur pax à suis presbyteris. hoc quoque seruabāt singulo quoque anno, quousque erant poenitentes, donec ab Episcopo iterū recipiebantur. hæcque poenitentia semel tantum poterat iniungi. ac tales multis carebant postmodum privilegijs. hæc nisi ab Episcopo imponi nō poterat. est præterea poenitentia, satisfactio scilicet, non solennis, sed publica, qua nunc etiam solemus uti interdum, ut is, scilicet, qui magnum quodpiam scelus commisit, præsertim si ex eo scandalum publicum sit ortum, etiam publice satisfaciat. hætenus in summa de sacramento poenitentia dixisse sufficiat.

De sacramento extremæ unctionis.

CAPVT II.

Post poenitentia sacramentum institutum à Christo fuit, sed promulgatum ab Apostolis, sacramentum extremæ unctionis; qui etiā

ante obitū Christi dicuntur in euangelio Mar. c. 6
unxisse infirmos oleo. hoc sacramentū ueluti qui
dam est apex sacramenti poenitentiae, quod insti
tutum fuit ad abolendum reliquias peccati, quae
superfunt, & ad infirmitatis reliquias tollendas.
hac prima uis est huius, de quo agimus, sacramen
ti. posterior uero prioris affecla est, curatio agri
tudinis corporis, si ita expedit animi bono; sic
etenim habemus, in epistola Iacobi. c. 5. infirma
tur quis in uobis, aduocet presbyteros Ecclesiae,
qui ungant eum oleo, & oratio fidei saluabit in
firmum, & si fuerit in peccatis dimittentur ei.
Idcirco datur infirmis, et per modum medicinae.
aliter uero perituris, ut à iudicibus cōdemnatis,
non datur hoc sacramentum, in extremo etiam
uitae constitutis, solet hoc sacramentum conferri,
quando non uidetur amplius spes relicta medi
cinæ humanae, his, scilicet, qui uel adhuc sanæ sunt
mentis, & sacramentum hoc petunt, uel his, qui
cum sanæ fuerint mentis, habuerunt huius desy
derium sacramenti, ut superius dictum est, cum
ageremus de baptismo adultorum. pueris non
datur, sicuti nec Eucharistia, quia eget deuotio
ne. huius sacramenti materia est oleum oliuæ,
ab Episcopo in hunc usum consecratum. forma
uero sunt uerba prolata à presbytero, qui huius

Sacramenti minister est. proferuntur autem per modum orationis, uidelicet, per istam sacratissimam unctionem, & per Dei misericordiam, indulgeat tibi Dominus, quidquid per oculos deliquisti, sicque in cæteris locis, qui inunguntur. hi uero sunt oculi, propter uisum, aures, ob auditum, nares, ob olfactum, os propter gustum, manus propter tactum, & in his locis necessaria est unctio de necessitate sacramenti. quidam ungunt pedes ob uim motiuam. nonnulli etiam renes ob uim appetitiuam. hoc peculiare est in forma huius sacramenti, quod in ea utimur oratione deprecatiua, non enunciativa, ut in alijs sacramentis, nec imperatiua, ut dicemus infra in sacramento ordinis. ratio huius duplex adducitur à diuo Thoma, primo, quoniam datur infirmis in extremo uitæ constitutis, qui uidentur maxime indigere Dei misericordia, qua oratio nititur. item; quoniam actus recipientis non est de integritate huius sacramenti, nullaque fit impressio in materia male disposita, idcirco propter indispotionem recipientis nulla fieri potest impressio, sicque irrita esset uis sacramenti. quamobrem utitur sacerdos oratione deprecatiua. in sacramento autem poenitentiæ, quoniam actus poenitentis sunt de integritate sacramenti, ideo enunciativa

oratione utitur in absolutione sacerdos. in baptis-
mate uero, etiam in fictæ accedentibus, si non
gratia, character tamen, & consecratio certa re-
cipitur, cuius ui etiam recedente fictione, adest
gratia. hæc de forma, & materia, item; de mini-
stro, & recipientibus, ac institutione huius sa-
cramenti. nolo in calce huius tractatus præteri-
re, quibusdam uideri Dionisium in libro de ec-
clesiastica hierarchia, ubi loquitur de defunctis,
& eorum exequijs, mentionem facere de hoc ex-
tremæ unctionis sacramento, cum dicit corpus
oleo inungi. uerum falluntur. nam illa unctio ca-
daueris erat, quòd nullius capax est sacramenti,
neque ulla adhibentur uerba, sine quibus, uelut
si sine forma nulla confici, aut constare possunt
sacramenta. ideo cæremonia tantum quædam il-
la erat, quæ significabatur defunctum illum fu-
isse plurimis certaminibus aduersus Diabolum,
ad quæ obcunda in baptismo unctus fuerat.
quòd si quæras quæ ratione de hoc sacramento
mentionem non fecerit Dionysius. respondeo. ea
propemodum, quæ, neque de poenitentiae sacra-
mento, neque de matrimonio mentionem fece-
rat. eius etenim institutum fuit tractare de
actionibus hierarchicis, in quibus hæc sacramen-
ta numerari non poterant. nam purgatio potius

pertinet ad doctrinam, & satisfactionem, &
 diabolicam vexationem, quàm ad absolutionem
 à culpa, quam diaconus præstare
 non potest, cum sacerdotis sit munus,
 purgatio tamen hierarchica perti-
 net ad diaconum. hætenus de
 hoc sacramento extreme
 unctionis. &c.



THE HISTORY OF THE
LIFE OF JOHN DE Witt
BY JOHN DE Witt
IN TWO VOLUMES
LONDON: Printed by J. DODD, in Pall-mall, 1753.
MDCCLIII.

THE HISTORY OF THE
LIFE OF JOHN DE Witt
BY JOHN DE Witt
IN TWO VOLUMES
LONDON: Printed by J. DODD, in Pall-mall, 1753.
MDCCLIII.

GASPARIS CONTARENI
CARDINALIS DE SACRA
MENTIS CHRISTIANAE LE
GIS, ET CATHOLICAE
ECCLESIAE.

LIBER QVARTVS.

De Sacramento Ordinis.

Cap. I.



ACTENVS ea sacra
menta sunt à nobis exposi-
ta, quæ ad satisfactionem,
& expiationem singuli cu-
iusque christiani pertine-
ant: uerum; quoniam horum
sacramentorum omnium mi-
nistri sunt Sacerdotes, et Episcopi, quorum mini-
sterio & regeneratur unusquisque in Ecclesia
Christi secundum inferiorem hominem, & ex-
piatur à contracta peccatorum labe, ideo, nunc
est à nobis agendum de ordinibus ecclesiasticis.
illudque in primis discutiendum sacerdotium, ac
reliquos ordines non conuenire unicuique Chri-
stiano, ut Lutherani dicere solebāt, nixi quibusdā

sacra scriptura locis ab eis perperā intellectis. locus est apud Petrū. 1. c. 2. uos autē genus electū, regale sacerdotium, gens sancta. item; in Apocalypsi. c. 1. fecit nos regnū, et sacerdotes Deo. Ex his locis, nonnulli parum eruditi uolebant deduci omnibus christianis sacerdotium conuenire, adeo; quod etiam fœminis. uerum; quā fallantur præter usum Ecclesiæ, & rationem, innumerasque authoritates scripturæ sacræ, res ipsa, & loci illi eos docere poterant, aliud esse sacerdotium, quod omnibus christianis conuenit, qui in baptismo uncti sunt, & aliud hoc, quod nos sacrum ordinem appellamus. sicuti apud Hebræos, à quibus locum illum sumpsit Petrus, quāuis omni populo dictum fuerit, uos regale sacerdotium, attamen erat priuatus ordo sacerdotalis, qui pertinebat ad trahētes originem ab Aaron, neque etiam omnes erant Reges, sicuti Dauid, quemadmodum neque christiani omnes sunt Reges, quanuis dictum sit omnibus regale sacerdotium. uerba beati Petri, quæ sequuntur, indicant quo pacto simus omnes sacerdotes. nam subdit, offerentes spirituales hostias Deo. ecce, quomodo sumus sacerdotes, quia offerimus Deo hostias spirituales, cordis affectū, orationes, elemosynas, cæteraque bona opera. nam talibus hostijs prome

retur Deus. ecce, quo pacto omnes sumus sacerdotes. sic omnes sumus Reges, si prauis affectibus fuerimus dominati. sed plusquam par erat morati sumus in hac stulta sententia explodēda. Veniamus ad exponendum hoc ordinis sacramentum. ordo est signaculum quoddam, seu sacrum signum, quo, ordinatis traditur spiritalis potestas, & officium. Ordo hic sumitur, non pro respectu, & habitudine quapiam, sed pro gradu. nam in superiori gradu supra populum constituti sunt clerici, sic dicimus senatorium ordinem. hoc sacramentum non est institutum ad expiationem, imò, expiati per poenitentiam, tantum di-gne accedunt ad sacros ordines, augetur tamen gratia: & infirmitati, quæ solet contingere in exercendis sacris muneribus remedium adhibetur. confertur præterea consecratio siue character sicuti in baptismo, & confirmatione, quæ quidam interpretantur esse signaculum illud, seu sacrum signum. uerum, & character, et etiā uisibilis illa cæremonia, qua clerici ad hunc ordinem assumuntur, recte potuit fuisse dicta signaculum, seu sacrum signum. nam sacramentum, est inuisibilis gratia, uisibilis forma. consecratio hæc potissimum est in hoc sacramento ordinis ecclesiastici. nam institutum fuit non ob maiorem

Sanctificationem suscipientium ordines sacros, sed ob id potissimum, ut cōsecrati ministri essent, ac medij inter Deum, & populum. sunt in hoc quoque sacramento materia, & forma quemadmodum in alijs sacramentis, non tamen omnino similis est in hoc, & in alijs ratio materiae, et formae. ideo ut à forma incipiamus, Episcopus in conferendis ordinibus, non utitur enunciatione, sed modo imperatiuo. inquit enim, accipe potestatem &c. nam in alijs sacramentis, cum traduntur, sacerdos, seu Episcopus tantum minister est, & instrumentum: in hoc uero, cum Episcopus tradat potestatem, quam habet, imò minorem, utitur etiā modo imperandi, inquit q; accipe &c. materiae quoque in hoc sacramento, aliquo pacto ratio est diuersa à materia aliorum sacramentorum. nam in alijs materia efficientis uim habet, ut aqua in baptismo, sic oleum in chrismate. in hoc uero sacramento materia, sunt instrumenta, quibus utuntur in eo ordine existentes, ut Clauēs, Vrci, ceteraque id genus. quamobrem in hoc sacramento longe potior uis est in forma, quam in materia. quo fit, ut nonnullis sacramentis uasa tradantur consecrata non ab Episcopo, sed à diacono. minister est Episcopus, qui habeat iurisdictionem, quanuis minores ordines conse-

rantur ab Abbatibus, & per commissionem Pa-
pæ possint conferri à sacerdotibus quibuscunque.
Maiores uero ordines ab Episcopo tantum trans-
ferri possunt, adeo, quòd per commissionem Pa-
pæ, simplex sacerdos non posset conferre diaco-
natum, & sacerdotium. item, subdiaconatum,
ut inquit beatus Thomas in quarto sententiarum
libro. uerum, de his infra, cum agemus de Episco-
patu. suscipientes uero, primum necesse est, ut
sint baptizati. nam omnium sacramentorum ia-
nua est Baptisma, ut supra diximus: adeo, quòd
si non baptizatus susciperet quempiam ordinem,
necesse esset, ut baptizaretur, ac rursus conse-
craretur, quoniam baptismate confertur esse, &
uiuere uita christiana, ut supra diximus, ut ex-
tra de presbytero non baptizato. oportet etiam
ut sint confirmati, & ordine quodam ordines su-
scipiant, scilicet, ut non prius suscipiant superio-
rem ordinem, quàm susceperint inferiorem,
quòd si secus factum fuerit, oportet, si non fue-
rint confirmati, ut confirmentur, quòd si ordine
inferiori non fuerint initiali, ut initientur, non
tamen propterea debent repetere consecrationem
ordinis suscepti, quòd in praterito baptismate fie-
ri oportebat, ut diximus. Debent etiam acceden-
tes ad suscipiendos ordines purgati esse per poeni-

rentie sacramentum, non tamen necessarium est, adeo; quòd non purgati etiam non accipiant characterem, & ordinem sacrum. Hoc sacramentum confertur suscipienti sua sacramentalis gratia, qua magis idoneus fit ad functionem illius muneris. augetur etiam prior gratia, ac propterea adhibetur peccato remedium, & robur ad resistendum. uerum; ut supra tetigimus, magis respicit hoc sacramentum peccata populi expianda ministerio sacerdotis, quàm ipsius peccata clerici, & ideo consecratio potiore partem habet. Ordines ecclesiastici septem sunt. quatuor, scilicet, minores, & tres sacri, qui hoc, soli, nomine appellantur, nò quòd minores etiam non sint sacri, sed quòd his initiati solummodo admittuntur ad tangenda uasa sacra, in quibus corpus, & sanguis Christi continetur, patenam, scilicet, & calicem. minores ordines sunt Ostiarius, Lector, Exorcista, Acolytus. hi ordines non impediunt matrimonium contrahendum, imò si cōtrahant, erunt clerici coniugati. aduertendum tamen, quòd de consuetudine Ecclesiæ est, quòd donec uxorem habent, suspendantur ab executione officij, illi ordini debito. horum officia ferè manifesta sunt ex eorum nominibus. nam Ostiarius præpositus ostio templi, excludit excommunicatos, & interdictos

& interdictos à sacris, admittit autem ceteros.
 item; arcebat pœnitentes energumēnos, & cate-
 chumēnos ab aspectu sacrificij corporis, & san-
 guinis Christi. Lectoris officium est legere popu-
 lo libros ueteris Testamenti, in quo Figuræ sunt,
 & Prophetiæ Christi. exorcistæ adiurabant im-
 mundos spiritus ab energumēnis, qui uexaban-
 tur. Acolytus postremo, qui & ceroferarius, af-
 ferebat lumina ad Euangelij lectionem in sacris
 missarum. affert etiam uinum, & aquam in ua-
 sculis, eaque offert sacerdoti missam dicenti, unde
 quodāmodo attingit officium subdiaconi. nā quā-
 uis Acolyti non attingant uasa sacra sacrificij
 offerunt tamen sacerdoti materiam, & si non
 sanctam, quæ tamen sit sanctificanda ad sacrifi-
 cium. unde; puto eos fuisse appellatos Acolytos,
 uel quia arceri non poterant, quin accederent ad
 sacerdotē, uel quia assequebantur statim subdia-
 conum. Acolytum, scilicet, quasi Acoluthum.
 priores horum actiones respiciunt uerum Chri-
 sti corpus, secundaria populum. ostiarius admit-
 tit dignos, & excludit indignos à corpore Chri-
 sti. Lector uero in Figuris, et Prophetis Christi,
 & Christi sacrificium nuntiat. Exorcista Ener-
 gumenum dignum facit, expellendo Dæmones,
 ad communionem corporis Christi. Acolytus af-

fert materiam sanctificandam in corpus, & sanguinem Christi. ordine solebant hæc singula fieri à suis quæque ordinibus, nunc omiſſa eſt priſca illa conſuetudo. hos minores quatuor ordines, ſequuntur tres maiores, qui etiam ſacri appellântur Subdiaconus, ſcilicet, Diaconus, & Sacerdos. dicuntur hi ordines ſacri, quia accedunt ad ſacra propinquius alijs. tãgereeque eis licet uafa ſacra, quod non licet inferioribus ordinibus. hi omnes uotum faciunt caſtitatis ſolenne, quãobrem cõtrahere matrimonium non poſſunt, & ſi contraxerint, irritum eſt propter uotum ſolenne factũ. Quo in loco notãdum eſt, Votum caſtitatis quoddam ſimplex eſſe, quoddam ſolenne, & publicũ. ſimplex Votum eſt, quando quis Deo uouet ſe ſeruaturum caſtitem, & acturum uitam continentem. hoc Votum impedit matrimonium cõtrahendum, et reus fit, qui cõtrahit fidei fracta, non tamen fit irritum matrimonium poſtquam contractum eſt. at, Voto publico, & ſolenni, quale fit in Religionis profeſſione, & in ordinibus ſacris ſuſcipiendis, non tantum impeditur matrimonium cõtrahendum, uerum etiam contractum dirimitur. ſed de hac re plura inferius, cũ dicemus de ſacramento matrimonij. Redeamus ad ſacros ordines. Primus eſt ſubdiaconus. huic

priscis temporibus non erat annexum Votum
 continentiae. uisum posterioribus fuit, cum tan-
 gat uasa sacra subdiaconus, pertinere etiam ad
 hunc ordinem munditiam castitatis. mundi esto
 te, & mundamini, inquit scriptura, ut Esa. c. i.
 qui fertis uasa Domini. ordo hic quātum ad cor-
 pus Domini uerum, quod primo respiciunt ordi-
 nes ecclesiastici, officium habet subministrare
 diacono uasa sacra, unde etiam nomen accepit,
 uocatusque fuit subdiaconus. ad corpus uero
 Christi mysticum, ad Ecclesiam, scilicet, & po-
 pulum Christianum munus habet legere doctri-
 nam apostolicam in epistolis Apostolorum con-
 tentam, & fert sicuti Acolytus cereos ad lectio-
 nem Euangelij, quæ populo fit: & in missæ cele-
 bratione affert urceolos, quibus continetur mate-
 ria sacramenti nondum consecrata. post Subdia-
 conum, est Diaconus, qui primus minister est.
 huic licet tangere uasa sacra cum in eis est mate-
 ria consecrata. unde antiquitus diaconi dispensa-
 bant populo sanguinem Christi, quando eo more
 utebatur Ecclesia, ut sub utraque specie commu-
 nicatio fieret populo corporis, & sanguinis Chri-
 sti. legit etiam populo Diaconus Euangelium, in
 quo continetur doctrina tradita à Christo imme-
 diate, non per spiritum existentem in Apostolis.

Dionysius in libro de Ecclesiastica hierarchia cū faciat mentionem de Episcopo, de Presbytero, et de Diacono, non tamen expresse mentionem facit de Subdiacono, & de ordinibus inferioribus. uerum ex eius dictis colligitur fuisse diaconorū, idest, ministrorum diuersos ordines, inquit enim selectos ministros assistere sacerdoti in missarū solennibus, alios uero ad fores templi, sicque ad alia munera obeunda. post diaconum est sacerdos, qui ad uerum Christi corpus summam habet potestatem. nam conficit consecratione corpus Christi, quod est sacramentum omnium sacramentorum. hæ præcipuæ sunt actiones horū trium, seu etiam quatuor superiorum ordinum, quæ directe spectant ad uerum Corpus Christi, & ad illud ordinantur. habent præterea hi ordines, ut tetigimus etiam supra, aliquas actiones, quæ respiciunt corpus Christi mysticum, idest, Ecclesiam, & populum christianum, quatenus idoneus sit ad Eucharistiæ sumptionem. Et quia, ut à philosophis accepit beatus Thomas, eiusdem agentis est disponere materiam ad susceptionem formæ ultima dispositione, & formam inducere, ideo ad sacerdotem pertinet absolvere, & remittere peccata, ut scilicet, absolutus sit maxime idoneus ad sumptionem

Corporis Christi, & etiam corpus Christi con-
 ficere, ideo, cum utriusque officij potestatem
 accipiat in huiusmodi consecratione, characterē
 accipit in susceptione calicis, qui ei traditur cum
 uino, & patena, quæ datur ei, cum hostia non sa-
 cra. Diaconus uero, quia ei non traditur in uasis
 sacris aliqua materia ut sacerdoti, & uasa sacra
 tangere etiam subdiacono licet, credendus est
 ideo accipere characterem in manus impositio-
 ne, quæ in re, præeminet eius cōsecratio consecra-
 tioni subdiaconi. actio secunda Diaconi spectās
 ad populum, est lectio Euangelij, ut diximus.
 Subdiaconi prima actio, est oblatio uasorum sa-
 crorum diacono, & per illum sacerdoti. secun-
 da legere populo doctrinam Apostolorum, &
 utriusque officij in consecratione potestatem ac-
 cipit. attamen in susceptione uasorum sacrorum
 uacuorum characterem, & consecrationem ca-
 pit. Acolytus primam actionem habet afferendi
 urceolum ad sacrificium, qui ei datur in conse-
 cratione uacuum, subdiacono uero plenus. actio
 secunda est ferre cerceos, & lumina, ad expellen-
 das animi, & mentis tenebras, ideo datur ei in
 consecratione Cereoferarius. consecrationem ta-
 men accipit in susceptione urceoli. tres alij Ordi-
 nes ferè distinctam non habent actionem, quæ

est ad uerum Christi corpus pertinens, ab ea, quam habent ad corpus mysticum, id est, ad populum, præter quam cum in templo, quo populus cõuenit ad missarum sacra, Ostiarius omnino expellat indignos, exorcista certo tempore Energumenos, quibus præest, Lector uero Catechumenos, qui etiam sæpe in concilijs appellantur audientes, & pœnitentes. quos quædam Cõciliorum Decreta in nonnullis delictis coniungunt audientibus. Hæ actiones respiciunt corpus Christi, quatenus exercentur in missarum sacris, tamen præcipue respiciunt populum, neque satis perspicue possunt distingui. hi, septem sunt ordines Clericorum in Ecclesia. uerum infra minores ordines est Corona, seu Tonsura, & supra maiores est Episcopatus, Archiepiscopatus, Primas, seu Patriarcha, & Pontifex Romanus. quantũ ad clericalem coronam, tenet beatus Thomas in quarto, quòd non sit ordo. & recte. nam, cum ordo sit signaculum, quo ordinatis traditur & spiritalis potestas, & officium, ac per coronam, nulla tradatur potestas, & officium clericis, ut patet ex his, quæ ab Episcopo recitantur, cum clericum tondet. nam asciscitur tantum in clerum, & ad diuina obsequia, spiritualemente uitam, nullum tamen officium, nec potestas ei propte-

rea traditur: corona ergo non est ordo, sed est
aditus, & uestibulum ad ordines, sicuti & spō
salia ad matrimonium. At de episcopatu magna
est questio, an sit ordo necne: Magister senten-
tiarum in quarto ponit tantum septem ordines,
sacerdotemque summum facit, deinde, numerat
quasdam in Ecclesia dignitates ut Episcopatū,
Archiepiscopatum, Primatem &c. beatus Tho-
mas, item, in quarto, tenet quòd proprie capien-
do ordinem, Episcopatus non sit ordo, quia pote-
stas ordinis, primò respicit corpus Christi uerū,
supra quod Episcopus non habet quapiam in par-
te maiorem potestatem simplici sacerdote; si ue-
ro ordo capiatur pro officio supra mysticum cor-
pus, sic Episcopatus dici poterit ordo, sed impro-
prie. attamen contra magnam dubitationem fa-
cit, quia potestas spiritalis, si non est ordinis, est
iurisdictionis; Episcopalis ergo potestas esset iu-
risdictionis. ex quo sequitur, quòd munera Epi-
scopi possent committi exequenda non Episcopo.
superius diximus de unctione chrismatis, quòd
presbyter ex commissione Papæ potest conferre
chrisma; de minoribus ordinibus diximus, quòd
conferri possunt ab Abbatibus, quamobrem po-
testas Episcopi in ea re non est ordinis, sed potius
iurisdictionis. uerum, quia committi non potest

nisi sacerdotibus, non autem diaconis, sicuti ea, quæ sunt tantum iurisdictionis, ut excommunicatio, indulgentia &c. idcirco superius diximus, esse huiusmodi facultatem mediam inter iurisdictionis facultates, & ordinis. uerum, potestas illa Episcopi conferendis sacros ordines, nulli potest committi, neque ab alio, quam ab Episcopo possunt conferri, quia propinquissime respiciunt corpus Christi, sicuti ergo, ut inquit, item, beatus Thomas in quarto, solus sacerdos, qui potest conficere uerum corpus Christi, potest etiam absolueret in foro conscientie, & facere poenitentem idoneum ad suscipiendum corpus Christi, ita, hi sacri ordines præsertim presbyteratus, cum habeant immediatum respectum quendam ad uerum corpus Christi, non potest committi hoc munus alteri, quam episcopo. ex quo uidetur sequi, quod potestas hæc sit ordinis, & non iurisdictionis. uerum, si huic rationi concesserimus, & dicemus Episcopatum ordinem esse, & superiorem sacerdotio, ab eoque distinctum, confestim maior quædam questio oritur. nam si diaconus nondum presbyter consecratur in Episcopum per saltum, ut habetur extra de presbytero ordinato per saltum, accipiet hic characterem, & consecrationem Episcopi, cum non sit presbyter, pote-

rit igitur facere ea, quæ sunt illius ordinis, igitur poterit consecrare quempiam in presbyterum, cum tamen ipse non sit presbyter, quod uidetur ualde absurdum. nimirum questio hæc est ualde implicata. uerum, ut reor, Durandus in quarto, optime eam soluit. putat ipse Episcopatum esse ordinem, non tamen distinctum à sacerdotio, sicuti sacerdotium distinguitur à diaconatu, sed sicuti perfectum in eodem genere, differt ab imperfecto, sicuti in humano genere puer, à uiro, nam sacerdos est imperfectus Episcopus, & Episcopus perfectus sacerdos. nam perfecti est posse facere tale, quale ipsum est, imperfectum uero hoc non potest, uir potest uirum alium generare, quod puer non potest, ita, Episcopus potest sacerdotem consecrare, quod sacerdos non potest. ex quo sequitur, quod is, qui non est presbyter, non possit in Episcopum consecrari, sicuti fieri non potest uir, qui prius non fuit puer, quod si consecraretur nullam reciperet is consecrationem, seu characterem, & ideo fungi munere Episcopi non posset, sed oporteret, ut, is consecraretur prius in sacerdotem, ac postmodum iterum consecraretur in Episcopum. hæc Durandi sententia mihi summopere probatur. Canonistæ uero tenent Episcopatum ordinem esse supra sacerdotium.

¶ quia non satis acutè hæc intelligunt, eorum complures, ut refert Abbas Panormitanus extra de presby. ordin. per saltum dixerunt, quod Diaconus ordinatus in Episcopum per saltum, oportet ut consecratur in presbyterum, non tamen iterum consecrandus est in Episcopum, sicuti de subdiacono diceremus ordinato per saltum in presbyterum, sed in his rebus autoritas Canonistarum non est magnificienda. Episcopus supra ea, quæ potest sacerdos facere, potest novè. nam potest Clericos ordinare, Virgines benedicere, Ecclesias dedicare, Clericos deponere, Synodos celebrare, Chrisma conficere, Vestes, & vasa consecrare, Chrismate ungere, excommunicare. Quæ omnia pertinent ad actiones hierarchicas in hac ecclesiastica Hierarchia. nec est ulla actio hierarchica, quam Episcopus non possit ex suo officio facere. Archiepiscopus, Primas, & Papa habent in his iisdem actionibus ampliorē potestatem, Episcopus magis angustam. attamen cum Episcopus celebrat, decem etiam ornamenta habet supra sacerdotem caligas, scilicet, sandalia, crucem, succinctorium, tunicam, dalmaticam, chirotecas, mitrā, annulum, baculum hæc de ordine Episcopali. nam quòd Archiepiscopus, Primas, et Papa non habeant ordinem

Supra Episcopum nullus ambigit. etenim, ut diximus, nullam habent actionem hierarchicam supra Episcopum, quanuis eas obtineat ampliores. Hierarchica uero actiones genere tres sunt, ut ait Dionisius, purgare, scilicet, illuminare, & perficere. tres, item, ordines eas agentes, tres, ite, suscipientes, Diaconi est purgare, Presbyteri illuminare, Episcopi perficere. infra hos clericorum ordines, sunt item in populo tres ordines, purgantur quidam, illuminantur alij, tertij perficiuntur, seu ad perfectionem tendunt. purgantur Catechumeni, Energumeni, & Pœnitentes. illuminatur reliquus populus. ad perfectionem tendunt Monachi, quorum, cum initiantur, cœremoniam exponit Dionisius. Hierarchiæ, item tres sunt. Cœlestis, inquam, post quam est ecclesiastica hæc nostra. postrema fuit Hebraici populi Hierarchia. prima tota spiritalis nil corporeum, uel sensibile habens, sed actionibus spiritalibus superiores angeli, inferiores ducunt ad diuinas intelligentias, Deique imitationem. Iudaici populi hierarchia tota sensibilis, & corporea, utpote cuius fuerit scopus ex obseruantijs illis, & cœremonijs diuertere populum à cultu idolorum, & adducere ad Dei cultum spiritualem. nostra Hierarchia harum media utriusque partem habet.

De sacramento matrimonii.

CAPVT II.

Postremum omnium sacramentum est matrimonium, quo, in christiano populo sanctificantur Vir, & Vxor, eorumque coniunctio ad generationem carnalem, naturalemque populi christiani, sicuti per sacros ordines instituuntur ministri ad spiritualem generationem. in matrimonio primum illud est inspicendum, quod ueluti basis est sacramenti, scilicet, quod institutum fuit in officium naturæ ad sobolis propagationem, eaque institutio facta fuit matrimonij maxime secundum naturam hominis propriam. Nam cum naturale sit omnibus animantibus, in quibus distinctus est uterque sexus maris, inquam, & fœminæ, sexuum coniunctio ad sobolis propagationem, non tamen idem modus est in omnibus, uerum pro cuiusque natura diuersus. Nam in animalibus illis, in quibus ad sobolis nutritionem, & tuitionem mas nihil operatur, promiscua est coniunctio hæc, neque fœmina certum marem habet, nec mas certam fœminā, sic equorum, bouum armenta, caprarum, & ouium greges uenerem exercent, ut sola fœmina prolem agnoscat, & eousque, quoad egeat

proles opera matris, postmodum capit eam obli-
uio omnis materni, filialisque iuris, nisi si quan-
do quispiam monstri contingat, ut refert Aristo-
teles de equo illo, qui se se precipitem dedit, post
quàm rescivit habuisse rem cum matre. in ani-
malibus uero, in quibus proles indiget utriusque
opera maris, scilicet, & fœminæ, non est ita pro-
miscua coniunctio, uerum mas, & fœmina post
coitum, & conceptum, se inuicem noscunt. in
compluribus auium generibus licet hoc intueri,
simul laborat uterque in constructione nidi, in-
cubant ouis uicissim, simul postquàm pulli sunt
exclusi, dant operam ut pascant pullos, qui post
quàm adulti fuerint, ac uolare per se, cibosque
comparare poterunt, destituuntur à parētibus,
utpote, qui functi sint officio eis à natura iniun-
cto. In homine uero, qui rationale est animal,
multarumque disciplinarum capax, & actionū
effector, non tantum proles indiget nutritione
matris donec adolescat, sed maxime eget insti-
tutione, itemque rei familiaris copia, pro tuenda
corporis firmitate, & alijs compluribus functio-
nibus ciuilis uirtutis, quæ à patre liberis compa-
rantur. itemque cum homo natura ciuile sit ani-
mal, ac prius domesticum, quàm ciuile, sicuti
prior est domus, quàm ciuitas, finis matrimonij,

prout est naturæ officium, primus est generatio,
 educatio, & institutio prolis: secundus uero est
 uita domestica, tranquilla sine tumultu. ideo ma-
 trimonium secundum naturam uere perfectum
 debet ad utrumque finem consentaneum institu-
 tum esse, in quo non tantum utriusque finis asse-
 quendi habita fuisse ratio uideatur, uerum etiā
 ut modo maxime commodo id fieret. idcirco opor-
 tuit matrimonium maxime perfectum secundū
 naturam esse non promiscuum, nam sic pater nō
 agnosceret prolem, neque eius curam habere
 posset. item, domesticæ paci, & gubernationi nō
 conuenit, neque etiam educationi prolis, ut unus
 uir plures uxores habeat, inter quas rixas oriri
 sit necesse, & pacem domesticam turbari, impe-
 dirique maxime prolis educationem, & institu-
 tionem. quo fit, ut uideamus animalium, in qui-
 bus uterque sexus curam habet prolis quandiu
 durant eorum matrimonia ad adultam, scilicet,
 prolem, coniunctionem esse unius ad unam tan-
 tum. item gentiles Romani, & Græci, docente
 natura, simul unam tantum uxorem habere so-
 litos esse Historia testantur. Quod etiam vincu-
 lum matrimonij sit perpetuum quoad uixerint,
 summopere pertinere uidetur ad matrimonium
 perfectum: nam ubi non est certitudo perpetua

societatis, nunquam est perfectus, & securus amor, dum uterque cogitat posse dissidium fieri. pertinet item ad hominis naturam, quæ rationalis est, ut sicuti parentes robusti filios paruulos, & imbecilles educarunt, ita filij uicissim robusti effecti, educent parentes, eisque uicem reddat, quod fieri nequit nisi perpetuum sit matrimonij uinculum. hæc est humani matrimonij perfectio naturalis, sicque institutum fuit in Paradiso, antequam homines primi peccarent. nihil etenim nisi perfectum prima illa institutione fuit à Deo institutum. Hoc loco non erit ab re, quoniam de natura matrimonij, & de perfectione eius naturali mentionem fecimus, multisque modis dicitur quippiam secundum naturam esse, paucis hoc totum explicare, ne equiuocatione fallamur. Dicitur ergo aliquod naturale alicui, uel secundum naturam generis, uel secundum naturam differentie propriæ, seu speciei: uerbi gratia, uti cibo, ac rebus ueneris ad propagationem sobolis est naturale homini, quatenus animal est, & ratione sui generis, sed ratione speciei, & differentie, quatenus homo rationis est compos, est homini naturale uti cibis coctis, & apparatu quoquam conditis, sic uti re ueneris non promiscue: nam male proles educari posset, etiam institui in

certo

certo parente nata. dummodo ergo certus sit pater, & mater proles poterit nasci, & educari, qui est primus matrimonij finis, & in hoc essentia matrimonij, quod est naturæ officium, continetur, ita, quod si hæc conditio defuerit, nullo pacto censeretur potest esse matrimonium. & hæc est prima naturæ lex in matrimonio. attamen non tantum primus finis est secundum naturam, ac ea, quæ ad eum finem sunt necessaria, uerum etiā ea sunt naturalia, quæ quanuis non sint omnino necessaria, eiusmodi tamen sunt, quod commode sine ijs consequi finem non possumus. item secundus finis est etiam naturalis, & ea, sine quibus aut finis ille haberi non potest, aut non commode haberi potest. cum ergo uxores plures impediant exactam proles educationem, & institutionem, impediant etiam domesticam uitam, id etiam dissolutio matrimonij faciat, ideo horum utrumque est naturale non tamen primi ordinis, sed secundi. quo fit; ut matrimonium absque his esse possit, imperfectum tamen, & mancum. His constitutis redeat oratio unde digressa est.

Matrimonium prima sui institutione institutum fuit, maxime perfectum, secundum naturam, ideo fuit unius, ad unam, & indissolubili copula coniunctum, quod Dominus noster in Euange-

lio scilicet Mat. c. xviij. excellenter interpre-
tatur, nam in Genesi c. 2. dicitur, erūt duo in car-
ne una, si duo, unus ergo tantum vir, & mu-
lier una, si in carnem unam, indissolubili uincu-
lo coniuncti: quod ergo Deus coniunxit, homo
non separet. ecce matrimonium maxime perfe-
ctum. uerum; post peccatum corrupta homi-
nis natura, & praesertim corrupta ui generatiua
prae alijs, imò etiam infecta, nam ex ea trahitur
peccatum originale in prolem matrimonij, ratio
multum decidit à naturali perfectione: unde
multi etiam probi, & sancti uiri plures uxo-
res habuerunt: non tamen propterea improban-
da sunt huiusmodi matrimonia in Patriarchis,
& Sanctis uiris, qui intrinseco instinctu, & di-
spensatione Spiritus Sancti, credendi sunt plu-
res uxores habuisse ad propagationem populi
Dei, & diuini cultus. erant illa priorum matri-
monia, quia non promiscui coitus, sed in quibus,
certae matris, & certi patris certa proles, attamen
imperfecta, & quae multum deciderant à
naturali perfectione. Post legem Moysis ille ser-
uatus est mos, ut lege permittente daretur libel-
lus repudiij: paucique leguntur habuisse plures
uxores. apud Romanos ueteres, & Graecos
mos ille uidetur fuisse, ut unius uiri, una esset

uxor, poterat tamen ea dimitti, sicque nusquam
 ac nullibi gentium matrimonium fuit perfe-
 ctum, sicuti ab initio fuerat à Deo institutum,
 ad quam perfectionem naturalem solum per
 Iesum Christum fuit redactum, postquam eius,
 & Ecclesiae coepit esse sacramentum. Sed ante-
 quam ad matrimonium quatenus est sacra-
 mentum procedamus, pauca perstringemus de libel-
 lo repudii, qui à Mose, teste Domino in Euange-
 lio Matth. c. v. & Mar. c. 10. fuit permissus ob
 cordis eorum duritiam. complures Theologi pu-
 tant in populo Hebræo peccasse illos, qui uxori-
 bus repudiatis, alias superinduxerunt, nec pu-
 tant ob repudium solutum fuisse uinculum ma-
 trimoniij, nisi causa fornicationis. omnes etenim
 eam excipiunt. Canonistæ uidentur sequi hanc
 sententiam. Nam opinantur, si infideles sint uir,
 & uxor, ac repudiata muliere conuertantur, et
 fiant Christiani, quòd uir debeat uxorem dimit-
 tere, quam habet, ac repudiatam ducere, prae-
 terquam si fuisset repudiata causa fornicationis;
 presupponunt etenim uinculum remanere: nam
 illam permissionem interpretantur, sicuti mali
 minoris ad euitandum maius, sic leges ciuiles
 permittunt meretrices, & fornicationes ad eui-
 tandum adulteria. attamen sanctus Thomas in

quarto existimat, quòd cum perpetuum uinculum non sit legis naturalis primi sed secundi ordinis, quòd in eo potuit dispensari. & licet illud, quod diximus, inquit idem author, sit communius, uerius tamen est, quòd quauis ob eorum malitiam præstita eis fuerit ea potestas, fuit nihilominus à lege concessa, neque illi, qui ea lege utebantur peccabant, aut quippiam contra legem faciebant. hæc Thomæ sententia mihi magis probatur, quam mihi persuadent uerba legis Moysis, ex quibus nihil possumus colligere de permissione mali, ut meretricum permissio, quia si uinculum remansisset post repudium, non uideretur satis æque à Mose statutum, quòd uir repudiatam mulierem, in coniugem, iterum sumere non posset. scio posse dici fuisse illud statutum ad pœnam uiri, qui post repudium uxoris, nullius mulieris uir esse iure posset, sicuti de uxoricida, qui, ut infra dicam, legibus mulctatur, ne possit aliam uxorem ducere. hæc acute dicuntur, attamen si quis attente legat textum Moysis, Thomæ sententiam potiore putabit. Decretum uero Innocenti j tertij extra de diuorij. c. gaudemus, quo nituntur Canonistæ, factum fuit, quia cessauit status illius populi, & leges illæ non sunt tenendæ ut cogentes, quin possit sta-

tui contra eas. omisso repudio redeamus ad matrimonij sacramentum, ad pristinam illam perfectionem, quam habuerat in Eva, & Adam. uerum; antequam eius definitionem, ac proprietates inuestigemus, operæpretium erit, si clarius explicabimus id, quod tetigimus in proœmio. Lutherani nostra tempestate, qui magnos hos tumultus excitarunt in Ecclesia Dei propter alia nouæ sapientiæ inuenta, illud etiam perspicaci ingenio indagare uidentur ex uerbis Apostoli in Epistola ad Ephesios. c. v. non posse colligi matrimonium esse sacramentum, imò potius non esse. Nam cum Apostolus dixisset multa de coniunctione uiri, & uxoris, significareque docuisset coniunctionem illam, coniunctionem Christi cum Ecclesia, ideoque uiros diligere debere uxores, ut Christus dilexit Ecclesiam, subdit, hoc autem magnum sacramentum est, dicto autem in Christo, & Ecclesia. ecce inquit, quòd sacramentum non est in coniunctione uiri, & uxoris, sed in coniunctione Christi cum Ecclesia. superius diximus in primo libro totius huius operis proœmio. sacramentum, quod Græci dicunt mysterium, significare arcanum, quod sub re sensibili lateret, iuniores postmodum appellasse sacramentum rem illam sensibilem, & ar-

canum, quod latet sub ea, uocasse rem sacramenti. exponamus ergo Paulum, exponamus inquam, idest, iuniorum lingua audiamus eum loquentem. coniunctio uiri, & uxoris similitudinem habet, seu significat, seu signum quoddam sensibile est coniunctionis Christi, & Ecclesie, quod magnum arcanum est, arcanum inquam, in Christo, & Ecclesia. Si ergo hoc arcanum sacrum latet sub ea re sensibili, quis ambigat iuxta iuniorum sententiam coniunctionem uiri, & uxoris esse sacramentum. Explicato hoc loco. Apostoli, accedamus ad definitionem matrimony. Magister sententiarum in quarto, definit matrimonium esse maritalem coniunctionem uiri, & uxoris inter personas legitimas, indiuiduam uitae consuetudinem continentem. Hæc definitio est matrimony perfecti secundum naturam, ad quam reductum est matrimonium in officium naturæ institutum per sacramentum Christi. Idcirco matrimony infidelium, quantum sint legitima, & uera matrimonia, non tamen conuenit ultima particula, quia possunt dissolui, remanent enim à naturali summa perfectione deficientia, eò, quod illis deest sacramentum Christi. non enim significare queunt coniunctionem Christi et Ecclesie in

illis, qui sunt contra ecclesiam, & extra sacramenta omnia ecclesie. explicemus nunc singulas particulas positas in hac definitione. Matrimonium est coniunctio uiri, et mulieris, non quæcūque coniunctio, sed coniunctio maritalis. Hæc particula & animorum coniunctio explicatur, & potestas, quam uterque habet in alterius corpora, ac mutua fides. nam maritus, quatenus maritus habet potestatem corporis uxoris, non sui, item uxor, quatenus uxor non habet potestatem sui corporis, sed uir, fides igitur mutua, & potestas corporum includitur in hac particula maritali. Potestas autem corporum pertinet ad prolem, quatenus definitio posita conuenit matrimonio instituto ad naturæ officium, quale est in infidelibus, quod tamen deciderit à summa perfectione naturali, in qua primum à Deo fuerat institutum. ultima uero particula indiuiduam, scilicet, uitæ consuetudinem continens, pertinet ad matrimonium, quatenus est sacramentum ecclesie Christi. Nam sicuti coniunctio Christi, & Ecclesie est indissolubilis, ita coniunctio maritalis, & uinculum coniugale est indissolubile. conueniret etiam matrimonio perfectissimo secundum naturam, quemadmodum à Deo fuit institutum: sed quoniam summa hæc naturalis per-

fectio, potest amoueri, essentia matrimonij manente, nec est ad eam redactum, ac formatum matrimonium, nisi propter Christi sacramentum, idcirco ea particula non conuenit matrimonio, nisi quatenus est sacramentum. ex hac definitione colligitur, ut Augustinus dicit in libro de nuptijs, tria esse bona coniugij, Proles, scilicet, & Fides, & Sacramentum, quæ coniugium honestant, quod non est ita intelligendum, quod coniugium esset per se inhonestum, et honestum fiat ab his tribus bonis, ueluti à quibusdam extrinsecis rebus, sed quod hæc bona intrinseca sunt matrimonio. continentur etenim, ut diximus, in definitione matrimonij, sine quibus, coitus uerus, inquam, matrimonij esset inhonestus, quoniam sine his bonis matrimonium non existeret. coitus uero extra matrimonium est fornicatio, & peccatum. Quod si conferas inter se tria hæc matrimonij bona, prout actu sunt, sacramentum utique maxime omnium perfectum est, tum quia pertineat ad Christi gratiam, tum quia est ultima differentia, quæ omnium uidetur perfectissima esse. amplius sine prole, & fide Matrimonium constat propter sacramentum. uerum si capiatur proles & fides, non prout actu sunt, sed prout sunt in suis causis, proles, scilicet, in in

tentione, & debitum seruandæ fidei, sic utique
 sumpta sunt magis ad essentiam matrimonij per
 tinentia, quia ad coniugium pertinent, ut est na
 turæ officium, hæc uero, quæ pertinent ad natu
 ram sunt magis intrinseca, quàm ea, quæ sunt
 gratiæ, quæ utique superuenit naturæ. Hacten
 nus de tribus bonis matrimonij. Sequitur post
 hæc quæstio ualde difficilis an; scilicet, ex Ma
 trimonio, quod diximus esse sacramentum, Gra
 tia conferatur. Magister sententiarum in quar
 to libro, & Hostiensis de sacramentis nõ iteran
 dis dicunt, quòd ex matrimonio gratia non con
 fertur, sed ideo esse sacramentum, quia est signũ
 rei sacræ, coniunctionis, inquam, Christi, & Ec
 clesiæ, non tamen eo sanctificantur coniuges.
 Horum sententia potest satis euidentibus rationi
 bus comprobari, nam cum Matrimonium cõtra
 hitur per uerba de præsentì, ut infra dicemus, ex
 quibus fit pactum inter uirum, & uxorem, si
 hoc sacramentum esset, quo conferretur gratia,
 utique dotis pactio esset simoniaca, cum in colla
 tione sacramenti seu initiatione nulla fieri debeat
 pactio de pecunia. item; sine uerbis inter absen
 tes potest Matrimonium cõtrahi, ubi uir absens
 per internuncium contrahit cum muliere absen
 te, nullum autem sacramentum confertur absen

ti . amplius ; inter infideles est uerum Matrimonium , licet , non perfectum , qui nequeunt esse participes sacramentorum ecclesiæ Christi , qui si conuersi fuerint ad fidem , non cōtrahunt de nouo , sed remanēt in priori , quod incipit in eis esse sacramentum post baptisma , cum tamen prius non esset nullum , tamen sit signum sensibile nouum . His rationibus uidetur satis perspicue probari Matrimonium sacramentū non esse , quo gratia conferatur . at e contra . hoc peculiare , & proprium est sacramentis nouæ legis , quod gratiam conferunt . quo fit , ut omnes posteriores Theologi teneant gratiam cōferri hoc sacramento , qua coniuges secundum Deum operantur ea , quæ pertinent ad matrimonium , & diuina ope in eo adiuuantur . uerum meo iudicio , ut inquit , Durandus , non eadem ratione uniuoca sacramentum dicitur de sacramentis alijs , & de matrimonio , sed secundum quandam Analogiam , quam tamen non explicat . Conabor ego meum sensum exponere : Peritiores iudicabunt , quorū iudicio semper meum subiiciam . Alia sacramenta , in quibus uis est instrumentaria gratiam conferendi , seu certum signum secundum se , sunt quedam res sensibiles sub quibus latet mysteriū , & gratia inuisibilis , at in matrimonio id , quod

est sacramentum, & ex quo sequitur gratia, est secundum se insensibile, sed sensibile est in sua causa, quæ non est sacramentum, sed est efficiens sacramenti. quod ut melius intelligatur, uersabimur ex utraque parte Matrimonium, & prout accipit ab officio naturæ, & desinit in sacramentum, & rursus ab arcano sacramenti uersus officium naturæ. Matrimonium, quod est officium naturæ, coniunctio, scilicet, maritalis, fit pactione quadam inter coniuges, quæ pactio explicatur per uerba de præsentibus, uerba igitur illa sensibilia sunt causa, quæ efficit coniunctionem maritalem, quæ si fuerit inter infideles est utique uerum, et legitimum matrimonium in officium naturæ, non tamen est sacramentum, quia coniunctio Christi cum Ecclesia bene significari non potest ab his, qui sunt omnino extra Ecclesiam. Ecce quod, primo efficiant uerba, causa sunt, ac efficiunt coniunctionem maritalem in officium naturæ. ac si talis coniunctio fuerit inter fideles, est etiam sacramentum, quia recte, & rite significant coniunctionem Christi, cum Ecclesia. idcirco in prima illa pactione, quæ sacramentum non est, sed efficit sacramentum, potest fieri pactum pecuniarium. potest etiam fieri inter absentes, nec oportet ut repetantur, cum coniuges

infideles fidem suscipiunt, quia in his non est sacramentum, sed in coniunctione maritali, quæ est inter fideles, deest tamen ei significatio, ut diximus. sed cum primum fidem suscipiunt, incipit significare Christi, & ecclesiæ unionem, ideoque incipit esse sacramentum, gratiamque inuisibilem nanciscuntur ex maritali coniunctione illa. non ergo uniuoca ratione sacramentum dicitur de matrimonio, quod in se non est sensibile, sed est sensibile in sua causa, et de alijs sacramentis, quæ sunt in seipsis sensibilia. si rursus incipiamus ab arcano, Christi, scilicet, & ecclesiæ unionem, non significatur illud à uerbis, sed à coniunctione, quam faciunt uerba. repetamus paucis omnem matrimonij institutionem, & uim. fuit primo institutum in paradiso ante peccatum in officium naturæ, perfectum tamen: post Diluuium fuit institutum in officium naturæ, & remedium concupiscentiæ, cui ex matrimonio impositi sunt certi fines, ne uagentur matrimonij iura. per Christum in Euangelio Matthæi. cap. xvi i i i. fuit Matrimonium restitutum ad primam illam perfectionem, addita ui sacramenti, quam Apostolus explicauit in epistola ad Ephesios c. v. in remedium etiam concupiscentiæ, quæ adhuc in nobis multum potest, ut inquit. Aposto

lus, prima. cor. c. 7. melius est nubere, quam uri.
Quæ hætenus à nobis dicta sunt de matrimo-
nio, pro huius opusculi compendio, satis esse uide
ri debent. Nunc paucis perstringemus matrimo-
nij impedimenta, quæ commode colligi possunt,
ex matrimonij definitione. Diximus Matrimo-
nium esse societatem maritalem. societas uero
hæc inter uirum, & mulierem innititur contra
Etū, & pactione quadam, contractus uero effi-
ciens causa est consensus eorum, qui inter se pa-
ciscuntur: consensus uero, si consensus iure dici
debet, uoluntarius ut sit, necesse est; ea igitur
quæ uoluntario aduersantur, destruunt consen-
sum, & per eum pactionem. uoluntario autem
ut dicit Philosophus in tertio ethicorum aduer-
satur coactio, item ignorantia. coactio igitur,
& metus, qui iure dici potest humanus metus,
impediunt Matrimonium, quia tollunt consen-
sum uoluntarium. item error personæ, ut puta, si
uir putet Martham, esse Mariam, aut si mulier
reatur Paulum, Petrum esse, quanuis contrahāt
per uerba de præsentī, Matrimonium nullum est.
item error status personæ, uerbi gratia, si putat
mulier esse liberum eum, qui seruus sit, si mulier
non fuerit etiam ipsa serua, Matrimonium nullū
est. Hic non est dicendus error quispiam, si

eum putet diuitem, qui est pauper, aut bonum, qui est malus, aut sanū eum, qui est aeger, utique hi errores nullo pacto Matrimonium impediūt, cuius rei ea ratio est, quoniam is error, qui aufert uoluntarium circa ea, quæ per se pertinent ad societatem maritalem, quæ ea pactione innititur, destruit uoluntarium quo ad societatem, ut puta si uolo inire societatem cum Maria, & mihi offeras Martham, utique per accidens cōtraho cum Martha, per se autem, quo ad meam uolūtatem cōtraho cum Maria, ecce quòd error est in his, quæ per se pertinent ad societatem, quam in eo. si ego item liber cōtraho cum serua, quam puto liberam, utique fallor in eo, quod per se pertinet ad societatem hanc, non enim cum serua potest esse commoda societas maritalis, præsertim ad tuendam rem, & conuersationem domesticam, neque tradi perfectæ potestas corporis, in quod ius habet dominus. quòd uero sit sana, aut agra, sapiens, uel insipiens, non per se pertinent ad maritalem societatem, ideo hic error non impedit matrimonium, nec etiam si libera sit, quam puto seruam, quia ea mutatio status potiore, & commodiore facit illam maritalem cōiunctionem, & societatem. si item seruus putet mulierem liberam, quæ est serua, error hic nō facit matrimo

nium irritum, ratio est in promptu quia non te-
 netur. afferre meliorem, & potiorem statum,
 quam is sit, in quo compar est coniugium. quòd
 si quæras circa coactionem, cur est, quòd in susce-
 ptione baptismatis, cum coactus metu, inquam,
 etiam mortis, qui cadit in constantissimum uirum,
 dummodo ui extrinseca non sit tractus ad fon-
 tem, si baptizatur, baptismi characterẽ suscipit,
 et cogendus est uiuere Christiane, in matrimonio
 uero omnes hæ coactiones mixtæ ex uoluntario et
 inuoluntario impediunt matrimonium. Respondeo.
 quòd consensus alio modo se habet in baptismo,
 et alio modo in matrimonio. nam in matrimonio,
 causa est efficiens matrimonij, in baptismo ue-
 ro consensus non est causa consecrationis illius,
 & regenerationis, sed causa Deus est per sacra-
 mentum exterius, consensus uero est dispositio
 recipientis, ideo qualiscunque consensus, dummo-
 do sit consensus, facit recipientem dispositum: at
 in matrimonio, cum consensus sit causa efficiens
 matrimonij, nisi fuerit perfectus, & omnino
 uoluntarius, uim non habet efficiendi matrimo-
 nium. Quòd si iterum roges an is, qui non coa-
 ctus aliqua ratione, dolo tamen, fictis uerbis de
 presenti consentit, an is matrimonium contra-
 hat, & consensus ille efficiat matrimonium.

Nimirum nulli dubium est, quin in foro ecclesiæ quæ non iudicat de occultis, sed de his, quæ apparent, matrimonium contractum censebitur. Quod si quæras in foro conscientie, quid sentiendum, beatus Thomas, & alij, quos uidi tenent, quod is non contraxit matrimonium, quia non adhibuit consensum animi, sed fictis uerbis tantum expresserit. Mihi certe res hæc uidetur paulo durior. Nam cum pactioes sint ad alterum, qui animi inspector esse non potest, sed uerba, quæ indicant animi mentem intelligit, cum is uoluntarie ea uerba expresserit indicantia conceptum animi, quod in foro conscientie non inierit pactum, nec propterea, quod inierit teneatur ipsum seruare satis durum est: quia mihi uideretur hoc uoluntarium sufficere ad ineundum pactum, quod pertinet ad expressionem uerborum, quibus contrahi consuevit matrimonium. idem censerem de alijs pactis. Attamen nihil statuo. dubitauit tantum, ac iudicio peritiorum meam semper sententiam subdam. Impotentia etiam in mare, seu natura talis sit, siue accidente quopiam, adeo, quod statuto à legibus tempore, biennio, ni fallor, nunquam à prima accubatione habuerit rem cum uxore, matrimonium soluit. ratio in promptu est. nam obligatio non ualet si fuerit de eo facta

eo facta, quod à pacifcente non potest præstari. eadem ratio est de muliere si fuerit arcta. longe tamen rarior hic casus est in muliere, quàm in uiro. item Matrimonium non fit, si appositæ fuerint conditiones citra bona matrimonij superius dicta, utpote, si quis cõtraxerit cum muliere hac conditione, ut abortum procreet, aut ut fornicetur cum alio quopiam, aut, ut non petat debitum à uiro, utique matrimonium nullum est, quia cõditiones hæc destruunt naturam matrimonij. Quod si fuerint appositæ aliæ conditiones, siquidem sint inhonestæ, & iniustæ, non sunt seruandæ, sed matrimonium contrahitur: sin uero fuerint iustæ, sub illis conditionibus ratum est, sine illis non est ratum, dummodo non fuerit antea consummatum. hæc omnia tractantur à Canonistis extra de conditionibus apposis. Quoniam uero in definitione matrimonij dictum est Matrimonium esse societatem maritalem inter legitimas personas, omnia ea, quæ faciunt personas illegitimas impediunt matrimonium. is igitur, qui, uel quæ iunctus est alteri, uinculo matrimonij uiuente coniuge, est illegitimus ad aliud matrimonium contrahendum, quia iam obligatus est alteri. hoc manifestum est. Votum etiam solenne continentia, quod fit in susceptione sacri ordinis,

Et in professione uitæ Monasticæ, seu Religiosæ
 impedit matrimonium. hoc in loco de uoto conti-
 nentiæ clarius explicabimus id, quod incepera-
 mus in superiori tractatu de ordinibus ecclesia-
 sticis. *Votum continentie duplex est, simplex,*
scilicet, & solenne, seu publicum. simplex uotū
est, quando quispiam Deo uouet uitam se ductu
rum continentem. solenne uero, seu publicum,
quando quis continentiam uouet per susceptionē
sacri ordinis, uel per professionem religionis. nec
huiusmodi uotum propterea dicitur publicum
uel solenne, quia palam fiat, sed quoniam anne-
xum est officio, ex quo necesse est, ut in publicū
prodeat, quanuis etiam non palam, neque coram
multis, sed in cubiculo fieret. suscipiens etenim
ordinem sacrum deputatus est in Ecclesia publi-
co muneri. item professus religionem, ex uita mo-
nastica, quam publice est ducturus, in publicum
effert legem continentie, quam uouit. is uero, qui
simpliciter uouit, nulli huiusmodi muneri est ad-
dictus, unde in publicum prodeat uotum. sim-
plex uotum continentie impedit matrimonium
contrahendum, unde is, qui contrahit post uotū
simplex, mortaliter peccat, quia fidem datā Deo
frangit; attamen matrimonium illud ratum est.
ut tamen multi tenent, peccat mortaliter peten-

do debitum à coniuge, reddendo uero non peccat. uerum; quoniam hoc ualde periculosum est, nec ita facile imponendus est laqueus mortis perpetuæ, mihi magis placet aliorum sententia, qui tenent fractionem fidei datæ Deo per contractum matrimonium esse peccatum mortale, postmodum uero actum, & usum matrimoni, quod est ratum, non esse peccatum. hac etenim ratione, nec laqueus imponetur, nec etiam conuictus coniugum alteri parti erit onerosus, illi inquam, cui incumberet, ut semper exigere debitum, & fungeretur utriusque munere. uotum uero continentie solenne in susceptione, scilicet, sacri ordinis, & in professione religionis susceptum, non tantum impedit matrimonium contrahendum, sed etiam dirimit contractum, quoniam efficit personas illas merè illegitimas. rationem diuersæ huius rationis in uoto simplici, & solenni, Scotus in quarto inuestigat, ac multis recitatis, confutatisque tandem hæc rationem alijs præfert. quoniam in uoto solenni is, qui uouet, subiicit se iudicio Ecclesiæ, quæ ita statuit, & eas personas illegitimas fecit. hac Scotus. uerum; ut puto ego, ratio beati Thomæ, si recte fuerit exposita, est efficacior, nam cum uotum continentie monacha tui sit essentialiter annexum, ordini uero sacro

fit annexum ex decreto, & statuto Ecclesie, is, qui suscipit ordinem sacrum, uel monachum se facit, iam dat Deo continentiam suam, nec tantum promittit, ut in uoto simplici, quoniam actu munus suscipit, cui annexa est continentia ipso iure, quod ius ipse non facit, sed Ecclesia, cui sub est, quod munus cum ipse amplius deponere ne queat, neque possit defficere, quin illi annexa sit continentia, ideo non tantum promittit, sed actu dat Deo continentiam, & debitum ad eam seruandam, non ex promissione tantum, sed ex professione religionis, uel ordinis, quem actu suscipit. hæc beati Thomæ ratio sic exposita meo iudicio est efficacissima. hoc in loco nolo præterire locum apud Augustinum in libello de bono uirginitatis, quem citat Vgo de sancto Victore. inquit Augustinus exponens eum locum Pauli de uirginibus, quæ post uotum uolunt nubere, et damnationem capiunt, quoniam primam fidem irritam fecerunt, ubi inquit Augustinus, notandum esse non propterea eas damnationem capere, quoniam contraxerunt matrimonium, quod sit irritum, in quo non possint permanere. sed quoniam priorem fidem irritam fecerunt. ex quibus Augustini dictis sequi uidetur, quod uotum religionis impedit matrimonium contrahendum, non

tamen dirimit, nec facit irritum postquam contractum est. hæc Augustini dicta exponenda sunt in uoto religionis simplici, non in solenni. sic Vgo ea interpretatur. Votum solenne, ut diximus, continentia fit & in susceptione sacri ordinis, & in professione religionis. uerum sacro ordini uotum illud annexum est ex statuto Ecclesie, sed statui monachatus est essentialiter annexum, ideo Papa, qui potest dispensare in iure positiuo, posset dispensare cum diacono, & presbytero in uoto continentia facto, ita, quod possent contrahere matrimonium, quanuis non posset facere presbyterum non esse presbyterum, aut diaconum non esse diaconum post consecrationem, at statui monachorum uotum continentia est essentialiter annexum, unde, scilicet, Thomas tenet, quod Papa non posset dispensare, quod monachus professus uxorem duceret, quoniam non potest facere de monacho, non monachum. ratio beati Thomae solui non posset, si propositio qua nititur, esset omnino uera, scilicet, quod monachus fieret consecratione quapiam, uti solebat tempore Dionisii, nunc uero non ita fit, nulla accedit consecratio, nulla benedictio, qua efficiatur monachus, & religiosus, sed tantum promissio corrigendi mores, & uitam secundum regulam

beati Benedicti, aut quisspiam simile, quod promissionem continet, non consecrationem. uerum de hac questione alias. Hæc de impedimēto per uorum continentie, quod personas efficit illegitimas. præterea dispar cultus. fidelis etenim non potest contrahere matrimonium cum infideli, quod dicit Apostolus primæ Cor. c. 7. nubat cui uult tantum in Domino. nam si fornicatione fit diuortium in matrimonio contracto, eo modo, quo infra dicemus, multo magis spiritalis fornicatio impediet contrahendum. neque etiam ratio sacramenti potest seruari, ubi uterque, uel alter coniugum fuerit omnino extra Ecclesiam. fidelis nanque, & infidelis non magis inter se distat, quàm ut matrimonio coniungi queant. item consanguinei usq; ad quartū gradum personæ sunt illegitimæ. hoc partim sumptum est à lege naturali, partim à Iure Pontificio, & à Canonibus. nam cum amor, & charitas ualde propinquorū quandam habeat uenerationem, & honestatem annexam, quæ in coniugio seruari non potest, ideo lex naturalis homines docuit, ut abstineant à coniugio consanguineorū. quis non abhorreat cōiugium patris, cum filia, uel matris, cum filio, & hoc magis quàm prius, quia filius subiectus est matri, uiro autem subiacet uxor. sic inter fra

trem, & sororem coniugium abominatur humanum ingenium. sunt præterea hæ rationes facientes ad civilem societatem ampliandam, ac inter se deuinciendam. hæ rationes, quia obuiæ sunt omnibus prætermitto. ex lege ergo naturali est hominibus insitum, ut abstineant à coniugio consanguineorum primi ordinis, id est, ualde propinquorum. lege deinde Canonica terminus fuit præfixus usque ad quartum gradum. ratio à quibusdam excellentibus authoribus adduci solet. quoniam cum matrimonium fuerit institutum præter alia in remedium concupiscentiæ, & ad eam coercendam, rationi consentaneum uisum fuit, à spe coniugij prohibere eos, qui in eadem domo, & familia solent esse, ideo usque ad quartum gradum prohibitio extensa fuit. priscis christianorum temporibus, adhuc ad septimum gradum extendebatur prohibitio, quæ postea ab Innocentio tertio contracta fuit usque ad quartum gradum. nunc nulla etiam ratio habetur de gradu quarto, sed passim absque alia causa dispensatio fit in eo gradu. quòd si quæras, qui sint, & quales gradus consanguineorum, consanguinei uel sunt in eadem linea recta, quæ est ascendentiũ, & descendentiũ, patris, inquam, filij, nepotis, sicque deinceps, aut patris, aui, proau, atau, &

sic deinceps. in his nullus est gradus matrimonio
 aptus, sed omnes prohibiti lege Naturali, & Pō
 tificia, præterquam quòd ætatis ratio non permit
 tat eos, qui ita disjuncti sunt posse matrimonio
 coniungi. alij consanguinei sunt, qui originem
 trahunt ab eadem radice, sed diuersis inter se li
 neis prodeunt, semperque magis inter se distant.
 horum inter se gradus sumuntur per distantiam
 eius qui magis distat à radice illa prima. fratres
 sunt in primo gradu, unico enim uterque inter
 uallo distat à patre, uel à matre. patruels in se
 cundo, sic eorum filij in tertio, eademque ratione
 ulteriores efficiuntur gradus. quòd si alter quar
 to interuallo distans erit à prima radice, alter ue
 ro tertio, maior distantia capitur. distabunt igitur
 hi in quarto gradu. hic animaduertendū est,
 in uno, & eodem gradu latitudinem quandam
 esse, quanuis enim filius fratris, à fratre patris
 sui distet in secundo gradu, itemque in eodem
 gradu, scilicet, in secundo distet à patruelo suo,
 propinquior tamen est patruo, quàm patrueli, li
 cet idem sit utriusque gradus. hæc de consangu
 ineis. Affinitas etiam matrimonium impedit, est
 autem affinitas, & propinquitas, & cognatio,
 quæ non ex radice sanguinis, sed ex coniugio
 prouenit. nam cum per matrimonium uir, &

uxor sit una caro, necesse est, quòd consanguinei
 uiri, sint uxoris cognati, & ecòtra, ut consanguini
 nei uxoris, sint cognati, & propinqui uiro. uiri
 uero ad uxorem non est neque affinitas, neque
 consanguinitas, sed principium affinitatis, con-
 sanguinitatis consanguineorum, & consanguini-
 nitatis descendendum ex eo matrimonio, sicuti
 amor sui ipsius non est amicitia, sed principium
 amicitiae, & potior amicitia, sic coniunctio uiri,
 & uxoris est potior affinitate omni, sunt enim
 una caro. gradus uero affinitatis sumuntur ex
 gradibus consanguineorum, isque gradus consa-
 guineorù, qui est uiri, est gradus affinitatis uxo-
 ris, itemque is gradus, qui est consanguineorum
 uxoris, est gradus affinitatis uiri, eademque est
 prohibitio, ac in eodem gradu in consanguineis,
 & affinibus, quæ impedit matrimonium contra-
 hendum, & dirimit contractum. sicuti autem
 ex consanguineis per primum coniugium fiunt
 affines, ita coniugium affinium secundum quã-
 dam affinitatem facit, non proprie dictam, sed
 secundariam. item tertium coniugium faciebat
 tertiam affinitatem. uerum de ijs secundarijs, et
 tertijs affinitatibus, quibus olim impedimentum
 præstabatur, at nunc nullam habet Ecclesia ra-
 tionem, præterquàm consanguineorum, & pri-

morum affinium. ad honestatem nuptiarum aliud quoque propinquitatis genus Ecclesia exclusit à nuptiis, quod contrahitur non ex matrimonio consummato, sed ex sponsalibus matrimonio non consummato. sunt sponsalia promissio futurarum nuptiarum. hoc impedimentum appellant iustitiam publicæ honestatis, quam definiunt esse impedimentum matrimonij proueniens ex sponsalibus, robur habens ex Ecclesiæ institutione propter spem honestatis. uerum cum hoc non sit magnum uinculum, ex leuiori causa poterit ius hoc relaxari, & in eo dispensari. nolumus omittere id, quod supra præteriuimus, non tantum contra hi uinculum affinitatis ex iusto, & legitimo matrimonio si fuerit consummatum, sed etiam ex quo cunque alio coitu, in quo fiat coniunctio seminum maris, & mulieris, nam ex coitu fiunt una caro, & unum corpus, ut expresse dicit Apostolus Paulus. 1. cor. c. 6. qui adhæret meretrici, fit unum corpus. tollens ergo membrum Christi, efficit membrum meretricis, & cum contrahatur affinitas ex coniugio, quia sunt una caro, eadem erit ratio de coitu fornicario, in quo fiunt una caro fornicantes. est præterea cognatio spiritualis, quæ impedit matrimonium, et efficit personas illegitimas. contrahitur uero hæc spiritualis cognatio ex baptis-

mate, & confirmatione tam inter suscipientem, & susceptum, seu in confirmatione inter sustinentem, et eum, qui sustinetur, quàm inter patrem, et matrem naturalem illius, qui baptizatur, seu confirmatur, & hunc spiritualemente patrem, & matrem: item inter conferentem hæc sacramenta, & suscipientem: item inter filios naturales, & spiritualemente filium, seu filiam, unde est in hac cognatione spiritualis paternitas, seu maternitas, spiritualis compaternitas, spiritualis filiatio, & spiritualis fraternitas, quæ matrimonium impediunt. quidam præter confirmationem, & baptismum addunt etiam catechismum. alij uero tenent, quòd in catechismo cognatio impediat contrahendum matrimonium, non tamen dirimat contractum, quòd uerum esse patet ex libro sexto per catechismum de spirituali cognatione. ex hac spirituali cognatione oritur quadam spiritualis affinitas; nam cum uir, & uxor sint una caro, illi, qui sunt cognati uiri, cognatione hac spirituali sunt affines uxoris, & e contra cognati uxoris, sunt affines uiri, spirituali quadam affinitate, quæ etiam matrimonium impedit. Hic tamen notandum est, quòd affinitas hæc contrahitur inter illos, qui ex actu coniugis, aut uxoris post consummatum matrimonium sunt ipsi cogna-

ri, cognatione hac spirituali, quòd si cognatio hæc contrahatur ex actu alterius, non fit propterea hæc spiritualis affinitas. exemplum utriusq; si uir suscipit quempiã ex fonte baptismatis, aut sustinet in confirmatione, proculdubio is, fit affinis uxoris: sic si uxor suscipiat, uel sustineat aliquem, contrahit cum ea uir spiritualem hanc affinitatem. at si uir filium habeat ex priori uxore, & postea aliam coniugem ducat, aliusque quispiam sustineat, aut suscipiat filium uiri, uxoris priuignum, fit utique is uiri compater, non tamẽ fit propterea compater uxoris, quia non ex actu uiri, sed alterius facta est hæc compaternitas. hoc notat beatus Thomas in quarto libro. sequitur has cognationes, cognatio legalis, seu ciuilis usus legis, qua constitutum fuit hoc cognationis genus. nostris temporibus in desuetudinem ferè abijt. olim fuit frequens. nam cum unusquisque naturaliter appetat nominis, & familia hæredem filium relinquere, si cui ualde successionis cupido liberi non fuissent, poterit alterius naturalem filium adoptare, & loco filij naturalis habere. ex adoptione contrahitur cognatio hæc legalis, quæ primo est inter patrem, seu matrem adoptantẽ, & filium adoptatum, ac inter personas his matrimonio iunctas. quam possumus appellare affi-

nitatem legalem. eritque paternitas, & filiatio huiusmodi cognatio, quæ recta linea manat etiã in descendentes, & ascendentes. Est præterea cognatio legalis inter filium adoptatum, et filios naturales adoptantis, quæ poterit dici fraternitas differt hæc à priori, scilicet fraternitate spiritali, quia si filius adoptivus emancipatur à patre, nil prohibet, quin uxorem possit ducere, & habere naturalem filiam patris adoptivi. etenim ad frenandam concupiscentiam lex prohibuit connubia inter eos, quos necesse est simul habitare, adoptivus ergo filius, quandiu est sub potestate patris, & in eius domo, iure arcetur à nuptijs sororis, cum vero emancipatus est à patre, nec in eius contubernio est, soluitur prohibitio, quia causa ablata est. Vxoricide etiã hac pœna mulctantur, nisi cum eis dispensetur, ut uxorem ducere non queant. item incestuosi. sed si de facto contrahunt non dirimitur matrimonium, extra de eo, qui cogno. cõsang. uxo. c. trãsmisse. Adulteri etiã si cõtraxerint, aut fidem dederint contrahendi post obitum comparis, & se polluerint coitu: item si machinati fuerint in mortem coniugis, ac occiderint: item si alter tantum machinatus sit, ut adultero, uel adultera frueretur cõiuge, ac interim se polluerint, nequeunt contra-

here. *Haëtenus de matrimonij impedimentis.*
Nunc pauca quædam de sponsalibus, & de secundis nuptijs. Sponsalia, à quibus sponsi dicuntur, sunt promissio futurarum nuptiarum. possunt contrahi post septennium, solui etiam possunt postquam fuerint contracta, quãdoque sine iudicio Ecclesiæ, quãdoque iudicio Ecclesiæ. absque iudicio, ut si alteruter coniugum fuerit religionẽ ingressus, uel per uerba de presenti cum alio matrimonium contraxerit, uel mox sacrum ordinẽ suscepit. iudicio Ecclesiæ soluuntur, ut si affinitas quæpiam superuenerit in fornicatione alterius, si lepra, cæcitas, aut quippiam simile. alij etiam sunt casus, in quibus sponsalia soluuntur. quòd si post sponsalia contracta, se inuicem sponsi cognouerint, interpretatur Ecclesia contractum fuisse inter sponsum, & sponsam matrimonium, eamque uxorem esse, non sponsam, & illum uirum. secundæ autem nuptiæ, ac tertiæ, sicque deinceps non sunt prohibitæ, ut quidam Hæretici putauerunt. ad quorum hæresim ob indignationem conceptam Tertullianus declinauit, opusculum quoque composuit super ea re, quod inscripsit de Monogamia. suntque & ipse per se sumptæ sacramentum coniunctionis Christi, & Ecclesiæ, cum sint unius ad unum. uerum

si ratio habeatur contrahentium, deficiunt à perfecta ratione sacramenti, cum is non fuerit tantum uni iunctus, ut Christus Ecclesiæ, sed pluribus. inde est, quòd bigamus est irregularis ad ordines sacros suscipiendos. nam in ministro sacramentorum non debet esse quispiam sacramentorum defectus. post ea, quæ hætenus diximus de matrimonio, sponsalibus, & posterioribus nuptijs restat questio soluenda de beatæ Virginis, et Ioseph matrimonio, an fuit uerum, & perfectum matrimonium, cum nunquam fuerit consummatum: & quo nam pacto, cum perpetua uirginitate mentis potuit matrimonium conuenire, in quo coniuges sibi inuicem tradunt potestatem proprii corporis ad generationem prolis. Ad priorem questionem, ut præclare inquit beatus Thomas est sententia Aristotelis in secundo de anima, quòd duplex est rei perfectio prima, scilicet, & secunda. prima pertinet ad essentiam rei, & definitionem, secunda ad operationem. de prima perfectione matrimonij non est carnalis coniunctio, ante nanque quàm coniungantur is maritus est, & illa uxor est, nec legitime coniungerentur, nisi prius cõiuges essent, sed coniunctio pertinet ad perfectionem secundam matrimonij, scilicet, ad ipsius usum. nil ergo obstat, quin bea-

ta Virginis, & Ioseph fuerit uerum, & perfectum matrimonium, quanuis non fuerit consummatum. alia dubitatio difficilior est. Augustinus in libro de Nuptijs, & Concupiscentia, quē locum Magister sententiarum in quarto libro adducit, inquit, quōd beata Virgo uotum fecit uirginitatis perpetuo seruandæ, nisi aliter Deo uisum fuisset, similiter in matrimonio contrahēdo supposuit se Diuinæ uoluntati, de qua tamen certa erat, ut quidam dicunt. Scotus enim inquit quōd certa erat Ioseph nunquā petiturum debitum post contractum matrimonium. uterque coniugū uirginitatē uouit. postremus tractatus pertinet ad sacramentū matrimoniij est de diuor- tijs. Matrimoniu uel est perfectū, et ratū, ut matrimoniu fide-liū, uel imperfectū, quanuis uerū, & legitimū, ut matrimonium infidelium. hoc postremum non ratum, nec perfectum, si uterque coniugum conuertatur ad Religionem nostram, & Christiani fiant, efficitur sacramentū ut supra diximus, ac perfectum, & ratum. at si alter coniugum efficiatur Christianus, altero infideli permanente, distinguendum est. nam uel infidelis uult habitare, & degere simul cum fide-li, uel non uult: aut si uult, cum iniuria fidei uidetur hoc facturus. si uoluerit simul degere, utiq;

utique nullo præcepto Domini fidelis tenetur admittere societatem, & contubernium infidelis. attamen beatus Paulus primæ cor. c. 7. consilium dat, quòd habitet, ac simul degat. quòd si uoluerit simul degere, & Pauli consilium sequi, omnes Theologi tenent, quòd propterea uinculum matrimonij cum uxore, seu uiro infideli permaneat, ac propterea non posse nouum matrimonium cum alio, seu alia contrahere, nisi mulier fuisset adultera, uir uero fidem uxori seruauerit. etenim si hoc acciderit, iure posse uirum uxorem dimittere infidelem, ac aliam ducere. quòd si matrimonium non tantum fuerit uerum, & legitimum, sed etiam perfectum, & firmum, cuiusmodi est matrimonium fidelium, distinguendum est. nam uel consummatum est huiusmodi matrimonium per uiri, & uxoris copulam, uel nondum est consummatum: si non fuerit consummatum, potest dissolui, si alter coniugum religionem ingrediatur, & uouerit, quòd potest facere etiam altero coniuge inuito. huius potestatis rationem adducit beatus Thomas. nam coniunctio uiri, & uxoris duplex est. nam & est animorum coniunctio, & corporum carnali nexu. carnalis nexus soluitur morte corporea, & naturali, animorum uero nexus solui potest morte spiritali. cum igitur an-

te consumationem matrimonij, inter coniuges sit spiritualis coniunctio animorum tantum, & ingrediens religionem priori uitæ moriatur, ac incipiat noua uita uiuere, ideo soluitur nexus ille hac morte, & religionis uoto. Canonistæ pluri mi ex quadam glosa de conuers. conjugatorum c. ex publico, tenent quòd ex legitima causa Pontifex possit dissoluere matrimonium perfectum, non tamen consumatum, multa que dicunt, quæ meo iudicio sunt satis leuia. ideo nunquam aude- rem ego dicere, quòd quos Deus coniunxit ante cõsumatum matrimonium in paradiso terrestri, homo posset dissoluere. Scotus dicit rationem Thomæ non esse efficacem, sed quòd Christus in eo casu dispensauit, cum uocauit Ioannem à nu- ptijs, neque unquam Ecclesia ausa hoc fuisset, ni- si accepisset à Christo. post consumatum matri- monium, uinculum coniugij nunquam solui po- test, donec uterque uixerit: sed obligatio soluē- di debitum officium coniugi solui potest per forni- cationem, seu carnalem, seu spiritualement, si alter fidem seruauerit inuiolatam. fornicatio spiritua- lis est, si ex christiano quispiam efficiatur infi- delis. nam cum Christus in euangelio Mat. c. 19. exceperit fornicationem, ob quam soluitur ius, & potestas in corpus alterius, in eo, qui fidem

frangit non minus intelligenda est spiritualis fornicatio, ut sæpe in Prophetis Deus appellat idolatriam, quàm carnalis, & corporea. Nonnulli ex uerbis euangelij apud Matthæum. c. 19. ut ex authoritate Ambrosij in expositione epistolæ ad Corinthios uolunt solui uinculum coniugale ob adulterium, ita quòd uir dimissa adultera, possit aliam uxorem ducere. sed Augustinus in libro de adulterinis connubijs ad Polentium; optime, & iure probat hoc iure fieri non posse, & ea cõ nubia esse adulterina, idest, adulteria, non connubia. hæc questio si discutienda esset longiori tractatu indigeret, quàm ratio suscepti operis exposcat, ideo satis nobis fuerit locus notasse. ob alias etiam causas, quæ tamen per se non pertinent ad matrimonium, iure separari posset uir ab uxore, seu uxor à uiro. quæ quoniam non per se faciunt ad matrimonium. sed per accidens, ut iustus timor mortis &c. omittimus, & Iurisconsultis, ac iuris Pontificij doctõribus dimittimus. Quauis Nuptiæ, eorumque consumatio sit Christi, & Ecclesiæ sacramentum, nihilominus quoniam carnalis illa uoluptas obruit animum, & distrahit summopere à rerum spiritualium contemplatione, ideo coniugalis actus nisi ob causam necessariam uitandi lubricum, & incontinentiæ uim,

peti decenter non debet diebus ieiuniorum, & festis præsertim solennibus. si petatur uero reddi debet seruata debita honestate, cæterisque circumstantijs, quæ seruari debent secundum rectam rationem. Neque Nuptiæ celebrari iure queunt à Septuagesima usque ad octauam Paschæ: à Rogationibus usque ad octauam Pentecostes: ab Aduentu Domini usque ad Epiphaniam.

His nanque temporibus solennibus solebant omnes communicari corpori,

& sanguini Christi. Iam peruenimus ad instituti operis

calcem Deo bene in

uante, cui sit laus

sempiterna.

Amen.

GASPARIS CONTARENI
 CARDINALIS κατὰ ἑκαστὴν SIVE
 CHRISTIANA INSTRUCTIO.

Interrogatio Prima.

Quid est esse Christianum?

Responsio.

*Esse christianum, est esse Membrum Christi, ei
 incorporatum per fide, & fidei sacramenta.*

Interrogatio Secunda.

*Membra omnia Christi sunt ne unius tantum
 modi?*

Responsio.

*Minime. Nam quædam in Christo uiuunt, quæ-
 dam uero non uiuunt, licet quodammodo pos-
 sint dici esse in Christo, et esse mēbra Christi.*

Interrogatio Tertia.

Quæ sunt membra quæ uiuunt in Christo?

Responsio.

*Christiani illi, in quibus per fidem, & charitatē
 inhabitat spiritus sanctus, spiritus Christi per
 quem accepimus adoptionem filiorum, & in*

quo clamamus *Abba, Pater* : quæ dona preciosa & excelsa promeruit nobis *Christus*.

Interrogatio Quarta.

Quænam sunt mēbra in Christo mortua tamen?

Responsio.

Christiani illi, qui per baptisma, consecrationem, & characterem Christi acceperunt, sed Spiritu Sancto carent, uel ob fictionem, cum qua accesserunt ad baptisma, & in qua perseuerant, nam Spiritus Sanctus disciplina effugiet dolum, uel quia illum ob prauitatem amiserunt.

Interrogatio Quinta,

Quid sentiendum de sacramentis Ecclesie secundum fidem orthodoxam, & catholicam?

Responsio.

Sacramenta esse sensibilia signa inuisibilis gratiæ, quæ in eorum susceptione infunditur per fidem passionis Christi, per quam nobis remittuntur peccata, & datur Spiritus Sanctus, datusque fouetur, & augetur iuxta dictum Apostoli ad Romanos. c. 3. Quem Deus posuit Propitiatorē per fidem in sanguine eius.

item ad Roma.c.8.per quem accepistis Spiritum adoptionis filiorum Dei.item;ad Gal.c.3. ut pollicitationem Spiritus accipiamus per fidem.item;ut in ipso crescamus. Hæc omnia expresse dicuntur à beato Thoma in sua Summa.

Interrogatio Sexta.

Quot sunt sacramenta,uisibilia inquam signa?

Responsio.

Septem; quæ dicis in summa, quanuis non eadē penitus ratione dicantur omnia hæc sacramenta, sed hæc quæstio non est nunc discutienda.

Interrogatio Septima.

Quæ nam sunt hæc septem sacramenta?

Responsio.

Baptisma, Chrisma, Eucharistia, Pœnitentie sacramentum, Extrema unctio, Ordo, & Matrimonium.

Interrogatio Octaua.

Quid sentiendum de Baptismate, secundum fidem orthodoxam?

Responsio.

Baptisma esse ablutionem corporis exteriorē,

quæ perficitur aqua simplici, et uerbo, inuocatione Sanctæ Trinitatis, iuxta formam traditam in Euangelio, Mat. c. 28. baptizantes eos, in nomine patris, & filij, & Spiritus Sancti. et Apostolus ad Ephesios. c. 5. Mundas eam, id est Ecclesiam lauacro aquæ in uerbo. interior uero gratia, est cõsecratio, seu character quo baptizatus inseritur Christo, ac deinde Spiritus Sanctus, seu gratia, qua adoptamur in filios Dei, iuxta illud Apostoli. ad Gal. c. 4. Misit Deus Spiritum filij sui in corda uestra clamantem, Abba. in adultis per fidem Christi, & eius uirtutis. & consecratio, & Spiritus eius recipitur præcedente pœnitentia ueteris uitæ. quod si fide accedant; intendant tamen baptizari, recipiunt utique consecrationem, sed non recipiunt Spiritum Sanctum. à pueris uero per fidem Ecclesiæ, à qua offeruntur, utrunque recipitur.

Interrogatio Nonæ.

Quid sentiendum de Chrismate secundum fidem orthodoxam?

Responsio.

Esse unctionem exteriorem, quæ fit in fronte oleo, mixto balsamo sub præscripta forma uer

borum, cum inuocatione Sanctæ Trinitatis. hoc sacramentum colligitur ex nonnullis scripturæ locis aperte, licet nõ fiat mentio unctio-
nis, & olei. quoniam cœlitus in igne uisibili Spiritus Sanctus descendebat per impositionem manuum Apostolorum, quo deficiente ex diuina prouidentia, ne uilescerent miracula, & frustra fierent, iam fide diffusa, Ecclesia diuinitus instituta, & per traditionem Apostolorum, suffecit olei unctionem. Hoc sacramento omnes Ecclesiæ utuntur. sed Græci statim post baptismum ungunt Chrismate baptizatum. ideo Dionysius de hac unctione mentionem facit, cum tractat de baptismo. interior effectus huius sacramenti est consecratio primo, qua deputatur Chrismate unctus inter perfectos Christi professores, qui non egent lacte, sed solido cibo, & palam Christum profiteantur. datur item deuote, et cum fide accedentibus spiritus robur.

Interrogatio Decima.

Quid sentiendum de Eucharistia?

Responsio.

Duplici signo hoc sacramentum constare, pane

triticeo, scilicet, & uino ex uuis confecto, quæ utraque simul conficiunt unum corporis nutrimentum. consecratur autem utraque species certa forma uerborum, de qua nō est nunc dicendum. neque rite altera species sine altera posset consecrari. sumitur autem, ut spirituale animæ nutrimentum, si cum fide perfecta, per charitatem sumatur. quod si indigne sumatur, sumitur ad iudicium, ut inquit Paulus ad Corinthios. i. c. xi.

Interrogatio Vndecima.

Post consecrationem, est ne sub sensibilibus illis signis, substantia panis, an uerum corpus Christi;?

Responsio.

Post consecrationem non est sub sensibilibus illis signis substantia panis, seu uini, sed uerum corpus Christi, & eius sanguis: quod perspicuum est, & sensu totius Ecclesiæ, & Doctorum omnium. Item ex declaratione facta in Concilio Lateranensi sub Innocentio tertio. Sed ista omittantur. Verba Christi hoc aperte adstruunt, qui cum dixit, Hoc est corpus meum, quod pro uobis tradetur, & sanguis qui pro uobis fundetur, ostendit substan-

tiam eam, quæ digito demonstrari potest ratione accidentium sensibilibus esse corpus, & sanguinem Christi, non autem panem, seu unum. Ex Græcis & Latinis doctoribus aliquis idem clare percipitur.

Interrogatio Duodecima.

Signa sensibilia in Eucharistiæ sacramento, aliud ne significant præter corpus, & sanguinem Christi, quæ continet vere?

Responsio.

Vtique: præter verum corpus, & sanguinem Christi, quæ continentur, significant etiam corpus Christi mysticum: unitatem sanctæ Ecclesiæ. quod cum a, quibusdam doctoribus quandoque dicatur, sumpserunt nonnulli seditiosi occasionem, ut dicerent, corpus Christi mysticum tantum significari hoc sacramento, non autem verum contineri.

Interrogatio Tertiadecima.

Post consecrationem, in Eucharistiâ, est ne Christi diuinitas.

Responsio.

Vtique; Nam quis dubitare queat, cum ibi sit

corpus Christi uere, quin sit eo modo, quo existit, existit autem in uerbo Dei, unica persona existente Deo, & homine. quare nemo nisi insipiens diceret, ibi non esse diuinitatem et sanguinem, ceteraque omnia, quæ in Christo sunt. ex ui tamen consecrationis tantum corpus in pane est, & in uino sanguis.

Interrogatio Quartadecima.

Remanet ne corpus Christi, & sanguis in Eucharistia, donec species illæ remanent?

Responsio.

Quis sanus mente posset de hoc ambigere. nam uis consecrationis semper durat, donec res consecrata durauerit. & ideo nihil consecratum, denuo consecratur. unde Baptisma, sanctum Chrisma, & ordinis sacramentum, quibus consecratio confertur, nunquam iterantur, si sciantur rite tradita esse.

Interrogatio Quintadecima.

Adorandus ne est Christus in Eucharistia existens?

Responsio.

Quis ambiget Regem terrenum ubicunque fuerit honorandum esse ut Regem decet: ita quis ambiget, ubicunque Christus Deus, & homo fuerit, ibi esse adorandum.

Interrogatio Sēxtadecima.

Quid sentiendum de Missa, an sit sacrificium?

Responsio.

Missa; ut omnes doctores Antiqui & Iuniores dicunt, est sacrificium.

Interrogatio Septimadecima.

Quo nam modo Missa sacrificium est? cum multa sint sacrificiorum genera.

Responsio.

Missa est sacrificium laudis. est sacrificium gratiarum actionis. est sacrificium, quia est memoria unici illius sacrificij, quo Christus se pro nobis obtulit patri, per spiritum Sanctū. est etiam sacrificium, quia est oblatio, qua offerimus Christum, eiusque passionem, ut inquit Augustinus in decimo de ciuitate Dei, & totam Ecclesiam per Christum Deo om-

nipotentī, ut ei inhaereamus per Christum,
squam supremo omnium bono.

Interrogatio Octauadecima.

*Quem nam fructum percipiunt in Missa hi qui
adsunt, & illi pro quibus fit oblatio?*

Responsio.

*Hic animaduertendum oblationem illam sacer-
dotis, & opus illud, non esse nouum sacrifi-
cium propitiatorium, aliquid addens propi-
tiationis, præter propitiationem factam nobis
per Christum. sed pie credendum est, ut tota
Ecclesia sentit, quod ex oblatione sacerdotis,
illi omnes, qui sunt uiua membra Christi,
qui ei inhaerent per fidem, & charitatem, ali-
quid uirtutis spiritualis capiunt ex participa-
tione, seu influxu, meriti passionis Christi: et
illi præsertim, qui adsunt, et deuote intersunt
& illi pro quibus offertur, si fuerint uiua
membra Christi, qui omnes offerunt Christum,
& se per Christum Deo, ut illi inhaereant
per ministerium, & in persona sacerdotis.*

Interrogatio Decimanona.

Quid prodest Missa illis, qui non sunt uiua mem

bra Christi?

Responsio.

Ex ui oblationis expertes sunt fructus omnis, ut dicit beatus Thomas, sed credendum est iuari ex orationibus in Missa dictis à sacerdote, in persona Ecclesiæ, & ipsius etiam si fuerit gratus Deo.

Interrogatio Vigesima.

Quid prodest Missa defunctis?

Responsio:

Dfunctis, qui ad felicem in Deo uitam deueniunt, quoniam pertinent ad Ecclesiam, & Ciuitatem Christi, & hoc sacrificium est uniuersalis Ecclesiæ, ac ideo eorum fit commemoratio, ut dicit Augustinus in uigesimo libro de ciuitate Dei, nihil melius fit ex Missa: sed laus, & honor tribuitur, & nos qui adhuc iactamur mundanis fluctibus, oramus in eorū consortium admitti. ac interim communicantes cum eis uotis nostris, ut Summo Bono inhereamus, per fidem ambulamus ad speciem. alijs uero, qui nondum ad eam felicitatē peruenierunt, attamen dum uiuerēt, meruerūt,

specie, uel sub utraque specie?

Responsio.

Cum sacramentum sit propter rem, quam confert, non autem res propter sacramentum, idcirco cum sub utraque specie simul, et sub altera seorsum, utrauis fuerit specie, totus Christus contineatur, ut supra diximus, ac per huius sacramentisumptionem queramus coniungi Christo, ut spirituali nutrimento, nihil refert, siue sub una, siue sub utraque sumatur. sed mos Ecclesie sue seruandus est cuique. Græci sumant à suis sacerdotibus sub utraque specie: Latini sub una tantum, donec aliter sit statutum. ob multa nanque scādala uirāda, Ecclesia Latina, cum morem suscepit. sacerdos autē pro populo calicē sumit.

Interrogatio Vigesima tertia.

Quid sentiendum de sacramento poenitentiae secundum fidem orthodoxam?

Responsio.

Sacramentum poenitentiae cuius forma, & perfectio est absolutio sacerdotis, secunda tabu

la est, qua membra Christi mortua resurgunt ad spirituale uitam, nam per baptisma generantur, & inseruntur Christo, per poenitentiam resurgunt, & reuiuiscunt.

Interrogatio Vigesimaquarta.

Vnde uim habet sacramentum poenitentiae?

Responsio.

A fide passionis Christi, ut dicit beatus Thomas. Nam sicut dicit Apostolus in pluribus locis, ut in epistola ad Ephe. c. i. remissio peccatorum, & reconciliatio cum Deo, non fit nisi per Christum, & eius merita: cui coniungimur per fidem, ut accipiamus spiritum, per quem, uel noua creatura efficiamur, ut in baptismo, uel resurgamus, & reuiuiscamus; ut in sacramento poenitentiae.

Interrogatio Vigesimaquinta.

Quae sunt necessaria poenitenti, ad assequendam absolutionem sacerdotis, ac per eam ex meritis Christi spirituale uitam?

Responsio.

Vtique necessarium primum est, ut cum ueteris

-17 uita, uere poeniteat; ac deinde, ut mortalia
 -18 peccata, quorū sibi est conscius, confiteatur,
 -19 discussis diligēter suis actionibus. Nam Chri-
 -20 stus constituit, in absolutione sacerdotem iu-
 -21 dicem, non tantum ministrū, ut in baptisma-
 -22 te, cum & remittendi, & retinendi peccata
 -23 ei auctoritatem dederit, ut legitur in Euan-
 -24 gelio Ioannis. c. xx. quōd iudicio quodam fa-
 -25 ciat oportet. iudicare autem nemo potest quæ
 -26 ignorat: a confitente, igitur necesse est, ut ea
 -27 nouerit. requiritur etiam propositum imitan-
 -28 di Christum, ut scilicet, suo modo satisfaciat.
 -29 Quæ tamen satisfactio nitatur Christi satis-
 -30 factione. secus autem nihil esset. Christianus
 -31 enim Christum imitari debet. pro suo modo,
 -32 ut simul patiatur pro peccatis quisque suis,
 -33 pro quibus etiam Christus passus est, ut cū
 -34 Christo perueniat ad resurrectionem ex mor-
 -35 tuis, & ad uitam æternam.

Interrogatio Vigesima sexta.

Cur in baptismo suscipiendo non imponitur satis-
 -1 factio? in absolutione uero sacerdotis requi-
 -2 ritur.

Responsio.

Quoniam ei, qui peccauit, & post peccatum idē

remanet, aliqua satisfactio debetur, ut Christi
stum imitetur, & aliqua iustitiæ species ser-
uetur, quòd si is, qui peccauit; non remaneat
sed moriatur, ac nouus homo generetur, satis-
factio locum non habet: sed sicuti ad nouam
generationem, per quam fit membrum Chri-
sti, sufficit Christi meritum, ita sufficit satis-
factio Christi, nec ab eo ulla requiritur, ut
aliquo modo species iustitiæ seruetur: non
enim amplius est secundum imputationem
homo, qui peccauit; sed nouus homo. at in re-
uivificatione membri Christi mortui, is rema-
net uiuificatus, qui prius fuerat mortifica-
tus. ideo diuerso modo, meritum; & satisfac-
tio Christi, huic, & illi applicatur. quem di-
uersum modum ostendunt diuersa sacramen-
torum genera. nam si eodem præcise modo fie-
ret applicatio Christi passionis poenitenti, &
baptizato, eodem utique sacramento uti, in
utroque deberemus: sacramentum etenim
est uisibile signum inuisibilis applicationis,
seu infusionis gratiæ. ex diuersitate ergo si-
gni conuincitur diuersus infusionis, & appli-
cationis modus. Hanc diuersitatem ex diuer-
sitate sacramenti compertam, & perspicuam,
nonnulli nostris temporibus, non intelligen-

tes, putauerunt eodem modo, hominem renas-
 ci per pœnitentiam, sicuti per baptisma rena-
 scitur. ex quo ausi sunt improbare sensum
 uniuersalis Ecclesiæ in hoc articulo. Quos
 monitos uelim, ut bene attendant quæ dixi-
 mus. Nam sicuti impium esset iterum bapti-
 sma pœnitenti conferri, ita erroneum existi-
 mare debent, eundem esse in utroque, bap-
 tizato, scilicet, & pœnitenti applicationis mo-
 dum.

Interrogatio Vigesima septima.

*An confessio laico facta, & absolutio à laico
 præstita, ualeat, & uim habeat sacramenti.*

Responsio.

Quauis in casu necessitatis Deo sit grata ea cō-
 fessionis humilitas, nihilominus lucus non de-
 bet, neque potest absolvere. orare tamen Deū
 potest, ut confitentem absoluat. is que si eua-
 serit, ad sacerdotem, ut accedat necesse est, et
 ab eo absolutionem impetret, prius peccata
 mortalia, quorum sibi conscius est, confessus.

Interrogatio Vigesima octaua.

*An confessio facta sacerdoti non proprio ualeat
 & is sacerdos possit absolvere confitentem.*

dominus Responsio *dominus*

In casu necessitatis; quæ diuersis modis contineri potest, ualeat: & confitens est absolutus. Secus non ualeat, neque absolutus est; quoniã cum sacerdos iudex sit in sacramento pœnitentia, necesse est quod confitens sit eius cura subditus; ut in eum possit iurisdictionem exercere. Canones idem præcipiunt, & consuetudo uniuersalis Ecclesiæ semper hoc admittit.

Interrogatio Vigesima nona.

An absolutio facta à sacerdote proprio, peccatore, & indigno ualeat: similiter administratio aliorum sacramentorum?

Responsio.

Ea quæ sunt tantum ordinis facta à sacerdote, quantumuis indigno, & peccatore, semper ualent. nam uirtus, & meritum Christi non inquinatur, et imminuitur a malis ministris. ea uero quæ sunt iurisdictionis, uel iurisdictionem annexam requirunt, item ualent, nisi habeat sacerdos impedimentum canonicum, ut suspensionis, & huiusmodi.

Interrogatio Trigesima.

An aliqui defuncti in Christo, non statim admittantur ad felicem uitam, sed purgentur per ignem à maculis peccatorum, & à poenæ reatu, quam sunt meriti?

Responsio

Ex superius dictis, iam comperta potest esse solutio huius quæstionis. nam si in Missa fit oratio ab Ecclesia pro defunctis, si in poenitente aliqua requiritur satisfactio, manifestum est aliquos post obitum detineri, ut per ignem salui fiant.

Interrogatio Trigesimaprima.

An sancti statim euolent ad cælos, uel omnes expectent resurrectionem corporum, antequam admittantur ad æternam uitam?

Responsio

Qui ex hac uita decedunt, soluti à uinculis peccati, & abluti in sanguine Christi peccatorum maculas, nullique reatu poenæ obnoxij, confestim ad beatitudinem perueniunt animo, & spiritu, donec Sanctorum, & Electorum numero completo, cum corporibus immortalibus integra facta natura, perfecta omnino beatitudine perfuantur. Hic est Ecclesia

sensus in Evangelio Lucae. c. 23. Dixit Christus latroni, hodie mecum eris in paradiso. item Paulus. 2. Cor. c. 5. nunc donec sumus in corpore peregrinamur à Domino, melius multo est peregrinari à corpore, & esse cum Domino. item ad Phil. c. 1. cupio dissolui & esse cum Christo. itē. 2. Cor. c. 5. scimus enim quod si terrestris nostra domus huius tabernaculi destruat, adificationem ex Deo habemus, eternam domum non manufactam in cælis.

Interrogatio Trigesima secunda.

Quid sentiendum de extrema unctione?

Responsio

Extrema unctio signum uisibile est, cuius materia est oleum, in hunc usum consecratum, sub præscripta forma uerborum, in orationis modum, ad tollendas peccati reliquias, seu etiam, ad abolenda peccata uenialia, ut quidam Theologi dicunt. Iacobus in epistola sua c. 5. huius sacramenti mentionem facit. ualet etiam ad tollendas ægrotudines corporis, si ita ad salutem ægroti expediens fuerit. utriusque commodi Iacobus meminit.

Interrogatio Trigesima tertia.

*Quid sentiendum de sacramento ordinis, cum
ex dictis Petri apostoli in epistola prima. c. 2
& Ioannis in Apocalipsi. c. 1. omnes christia
ni uideantur esse sacerdotes.*

Responsio.

*Omnes Christiani per baptismum consecrationem,
et caracterem consequuntur, qui est character
sacerdotij Christi, unde efficiuntur partici
pes illius sacerdotij, ut scilicet, offerant spiri
tuales hostias Deo per Iesum Christum. hoc
sacerdotium non pertinet ad sacramentum
ordinis de quo agimus. Nam ordo, de quo tra
ctamus, est spiritualis potestas, & spirituale
officium, seu signaculum, et consecratio, qua
traditur priuata alia quædam potestas ordi
natis, & super corpus Christi uerum, & su
per corpus mysticum, sicuti sacerdoti conse
crandi corporis Christi, & absoluendi subdi
tum sibi gregem a peccatis in sacramento poe
nitentiæ. Sed de sacris ordinibus tam maiori
bus, quam minoribus tractare, non est præ
sentis negotij.*

Interrogatio Trigesimaquarta.

Quid sentit ecclesia de Matrimonio?

Responsio.

Sensus Ecclesiæ de matrimonio, non tantum legitimo, quod in infidelibus esse potest in naturæ officium: sed de perfecto, quod est in Christianis hominibus, Matrimonium esse sacramentum, quia est uisibile signum coniunctionis Christi et Ecclesiæ, ut dicit Apostolus in Epistola ad Ephesios c. 5. Nec obstat id quod quidā scioli dicunt. Apostolus, scilicet, dixisse esse magnum sacramentum, dico autē in Christo, et Ecclesiā. Nā Græce Apostolus scripsit mysterium, id est, arcanum, innuens sub hoc uisibili matrimonio, tanquā sub signo sensibili arcanum illud contineri. multa discutiuntur a Theologis circa hoc sacramentum, quæ non pertinent ad præsens negotium.

Post sacramenta, & fidem, quibus uiuimus in Christo, tanquā membra unius corporis, cuius caput est Christus, restat, ut quedam discutiamus instituto modo, quæ pertinent ad corpus hoc mysticum, quo ad ipsius uitæ cultum, & gubernationem. Partes unius ecclesiæ, sunt defuncti in Christo, et qui in hac uita peregrinantur siue grana, seu paleæ sint. nam ut inquit Augustinus in libro de uita

te Ecclesiæ, omnes Christiani baptizati, sunt
in eisdem sacramentis Ecclesiæ, Christo per
baptisma consecrati.

Interrogatio Trigesima quinta.

Quid sentiendum de ratione uiuendi, & cultus
Ecclesiæ, an scilicet, unusquisque Christianus
sit liber ceremonijs, & alijs humanis legibus,
et ritibus, sicuti Paulus uidetur dicere, ad
Gal. c. 4. in libertate igitur, qua Christus
nos docauit stare.

Responsio.

Christus Christianos omnes liberauit a cere-
monijs, & iudicialibus præceptis legis Mosai-
cæ; quia soluto statu eius populi, abrogatæ
etiam sunt leges, quibus is populus contine-
batur, & quæ illi populo tantum datæ erant.
item ceremoniæ, quibus Christus uenturus
significabatur, abolitæ sunt post Christi resur-
rectionem. Christianis etiam data est libertas
in huiusmodi ceremonijs, ritibus, et legibus,
quia nihil nobis præscriptum fuit a Christo,
præter sacramenta. non tamen accipere de-
bemus datam esse Christiano populo liberta-
tem, ut nullo ordine, nullo ritu, nulla ceremo-
nia communi utamur, sed ut uiuamus more

cyclopus, ut inquit *Homerus*, ut scilicet pro arbitrio, quisque sibi caeremonias constituat, rationem uiuendi pro arbitrio sequatur. Nam hæc uiteratio, potius pertinet ad *Babylonem*, quam ad *Ecclesiam Christi*, quæ est eius corpus distinctum, & compaginatum per membra in unitate spiritus. Hæc ergo a Christo nobis data libertas (præter libertatē a seruitute peccati) ita est accipienda, quod Christus nihil præscripsit, neque quo ad uitā ciuilem terrenam in iudicialibus præceptis, neque quo ad uitam politicam Christianam, sed reliquit hæc ut iuniora, & quæ pro ratione locorum, & temporum, sæpe mutari possint, & debeant, arbitrio Principum, & Episcoporum. nam cum humana uita, sine his duci non possit, neque seruari unitas queat, nisi in communi seruetur, utique seditiosi hominis, & parum sani esset. uelle Christianam Ecclesiam facere *Babylonem*, & cyclopus ecclesiam. Principibus uero in legibus quas statuunt parere debemus, dummodo nō discrepet a lege diuina, et naturali. scriptū est 1. Pe. c. 2. obedite Regibus, et Principibus. Episcopis in legibus, et ritibus pertinentibus ad Christianam politicam. nam itidem scriptum

est, ad Heb. c. 13. obedite Præpositis uestris, et
subiacete eis, ipsi. n. uigilant pro animabus ue-
stris, tãquàm rationẽ reddituri. Seruãdi sunt
ergo a uiro Christiano Ritus, cæremoniæ, &
obseruantia, a maioribus nostris instituta,
& ab uniuersali Ecclesia recepta. Quarum
quædam ut dicit Augustinus ad Ianuariũ,
sunt recepta ab uniuersali Ecclesia, neque
memoria superest earum institutionis, quæ
credenda sunt fuisse instituta ab Apostolis.
Quædam uero priuata episcopatus alicuius,
quæ in eo sunt seruanda, & qui eas non ser-
uat peccat contra iustitiam, ad quam perti-
net obedientia præstanda Præpositis nostris,
& contra charitatem, utpote qui quantum
in se est, scindit ecclesiæ unitatem: quemad-
modum in uita ciuili, ciuis peccaret, si uellet
immutare rationem uiuendi, iam a ciui-
tate receptam, & institutam. E. con-
tra si obedit, humiliter, & ex corde; Chri-
stiane, & ex charitate operatur, & ui-
uit, cuius uitæ merces, copiosa est in cælis.
Neque tamen propterea dicimus hos cul-
tus esse, quibus mereamur remissionem pec-
catorum, quæ solum est nobis per Christum,
in quo habemus redemptionem, & remissio

nem peccatorum, ut inquit Apostolus ad
Ephesios. c. 1. & est clare expositum a beato
Thoma.

Interrogatio Trigesima sexta.

*Ecclesie uniuersalis, est ne aliquod caput, a quo
dirigatur in uita Christiana?*

Responsio.

Vtique, nam & caput est Christus, a quo infun-
ditur sensus, & motus, et uita spiritalis uni-
cuique Christiano, qui uiuit in Christo, &
interius eam dirigit, & sanctificat. item,
inferiori ratione, et modo caput Ecclesie est
Vicarius Christi, Petri successor Pontifex
Romanus, qui non interius ei fundit uitam,
sed exterius eam regit, & gubernat. Nam im-
possibile est multitudinem in unum conueni-
re, & contineri, nisi ab uno. Ecclesiam uero
christianam maxime unam oportet esse, ut-
pote, quæ non ciuitas una sed unum corpus
dicta sit, in sacris literis. idcirco ab uno capi-
te contineri debet. sunt huius rei expressa te-
stimonia in Euangelio, & euidentissima sen-
tentia doctorum omnium Antiquorum, &
Modernorum. Post Pontificem Romanum
sunt ciuitatum Episcopi, post hos alij curati

sacerdotes, de quibus non est instituti negocij sigillatim agere.

Interrogatio Trigesima septima.

An in Ecclesia Christiana, quæ sui gubernatione gradibus quibusdam distincta est, laicorum scilicet, & clericorum, & in clericis, sacerdotali, episcopali, & pontificali ordine, sit admittendus religiosorum status, & qualis sit, & quæ sint nota supererogationis?

Responsio.

Ciuitas Dei Christiana, scilicet, Ecclesia nullo perfectionis statu inferior esse debet ciuitate terrena, in qua ut Philosophi producit, duplex est hominum uita, eorum scilicet qui uersantur in actionibus, & negocijs ciuilibus, & eorum qui se manciparunt speculationi, ita decet in Ecclesia Dei esse statum quorundam, qui contemptis omnibus actionibus, intendunt charitati Christianæ, & sint ueluti perfecti uiatores, qui abiectis omnibus impedimentis contendunt omnibus uiribus ut magis, ac magis accedant ad destinatum sibi locum: sic hi contendant ad perfectionem charitatis, abiectis impedimentis uitæ ciuilibis, quæ cursum huiusmodi tardiolem effice-

re: ideo re ipsa compertum omnibus esse potest; fuisse semper in Ecclesia Dei horum hominum statum, legat christianorum historias qui hoc non credit nobis. pleni sunt libri. in Aegypti solitudine, adhuc extant uestigia monasteriorum celeberrimorum, uita Antonij, Hilary, Pauli heremitæ et aliorum literis madae sanctissimorum, et doctissimorum hominum opera. Dionysius antiquissimus author meminit huius ordinis monastici. Basilius uiuendi normam suis monachis conscripsit, qui adhuc frequentissimi in Graecia florent. de uotis monasticis in suis asceticis meminit Benedictus apud latinos celeberrimus, & antiquissimus monasticæ uitæ author. Horum status, exercitium est, a quo etiam apud Græcos dicuntur ascitæ, id est exercitatores. et beatus Thomas in secunda secunda, dicit frequentissime, religiones monachorum esse exercitia tendentium ad perfectionem charitatis. neque opera supererogationis, ob id dicuntur, quia superent præcepta charitatis: sed quoniam in exercitijs quibus ad charitatis perfectionem tenditur, plus erogent quam communis hominum christianorum uita, qui tantum exercitantur, quantum est necessarium, &
sine

sine qua uita christiana consistere nõ posset.
Neque audiendi sunt seditiosi quidam, qui
impingunt ecclesie, quod sentiamus per huiusmodi exercitia, nos consequi uitam æternam, & non per Christum: et quod ponimus opera, quæ excedunt præcepta charitatis. minime omnia hæc dicuntur nisi ab imperitis.
minora sunt consilia de Religione tradita, quam præcepta charitatis, imò illis deseruiunt
minora, inquam, imò nec conferenda cum gratia, & spiritu, quem habemus per Christum: sed illi inserviunt, ut scilicet, amoueantur ea, quibus solemus amoueri a uia Christi, uel saltem retardari, & in eis uersari, quibus magis, ac magis proficiamus in gratia Christi. Hæc est sententia Ecclesie, et doctorum hominum, non superior illa, quam nobis uolunt impingere. omitto consilia data in Euangelio, & a Paulo de hac uita, & de hoc statu perfectiori, quia uulgata sunt.

Interrogatio Trigesima octaua.
Quid sentiendum de cultu, & inuocatione sanctorum; qua Ecclesia utitur, id est, cum dicimus sancte Petre ora pro nobis.

Responsio.

Sancti sunt uiuissīma, & nobilissīma membra
Christi, quos Christus a Deo uoluit exaltare,
ut in Euangelio Mat. c. 19. et Luca. c. 22. dicat
in fine seculi ipsos quoque mundum iudica-
turos esse sedentes super sedes. ideo nulli du-
bium esse debet, quin institutum ecclesiæ san-
ctissimum sit in ueneratione sanctorum, &
eorum inuocatione, ut pro nobis orent. ne-
que timendum ne non audiant nos, ut sapien-
tes quidam nostra hac tempestate dicunt, cō
quod non sint ubique sancti. etenim dicimus
sanctos in Deo uidere nos, & ea quæ hic ge-
runtur, ea inquam tantum, quæ Deus uult
illis reuelare. Angeli superiores natura, ho-
minibus ui naturæ hoc assequuntur. homi-
nes beati ex diuina tantum reuelatione. de
Angelis in Apocalypsi, in Thobia, in Actis
Apostolorum, & frequentissime in sacris li-
teris sunt testimonia. de animabus sanctis,
expresse in Apocalypsi est textus, de uiginti
quatuor senioribus præcipuis, scilicet, san-
ctis hominibus, ut ibidem patet, qui odora-
menta Deo offerebant, quæ sunt orationes
sanctorum idest, Christianorum, qui omnes
solent ab Apostolo appellari sancti, quasi san-
ctificati in Christo. indoctorum ergo est, &

seditiosorum uelle hoc in controuersiam ponere.

Interrogatio Trigesimanona.

*Quid sentiendum de imaginibus, & picturis
sanctorum?*

Responsio

*In septima Synodo sub Constantino, & Hire-
ne, decretum fuit imagines, tanquam libros
idiotarum esse, ut aspectu etiam doctos mo-
ueant, & excitent ad uenerationem, et imi-
tationem optimorum hominum, in Ecclesia
admittendas, & uenerandas: non quidem ut
eis ueneratio defferatur, sed sanctis per eas.
quamobrem non probandum censemus eo-
rum usum, qui in picturis, et imaginibus san-
ctorum, ut artificis peritia ostendatur, & de-
lectatio, uel uana, uel turpis, ex earum aspe-
ctu, uidentibus offeratur. nullam habent ra-
tionem institutionis Ecclesie, in imaginibus
admittendis, imò ea abutuntur in lasciuiam,
uel inanem oblectationem.*

Interrogatio Quadregesima.

Quæ nam ueneratio adhibenda est sanctis?

Responsio.

Non ea, qua Deum ueneramur, tanquam pri-

num, & mentem in Deum, ut ab eo impetrent, etiam speciatim ea, quæ ore petunt; & magis edificarentur ex sensu pio earum orationū, quas ore proferunt. carent ergo hoc fructu. Non tamen frustra orant. nam ut inquit Apostolus Paulus, ad Rom. c. 6. spiritus orat pro nobis gemitibus innenarrabilibus, quatenus dirigit orationes nostras ad Deum, et animum nostrū sursum erigit. item ad Corinthios. 1. c. 14. spiritus orat. subdit postea; mens autem fructu uacat, eo scilicet, quem caperet, ut supra diximus si intelligeret is, qui orat, ea quæ dicit. idcirco hortandi sunt idiotæ, ut orent, etiam si non intelligunt. Melius tamen orarent si discerent sensum orationum, quibus frequenter utuntur, ut orationis dominicæ, & salutationis Angelicæ; quæ in ore omnium solent esse. Nam et spiritu orarent, & eorum mens non careret eo fructu, de quo supra diximus.

o iii

Amen.

GASPARIS CONTARENI
 CARDINALIS DE POTESTATE
 PONTIFICIS, QVOD DIVINITVS
 sit tradita, ad Nicolaum Teupolum
 Commentariolus.



*V. M. hoc uesperit tecum in
 eum sermonem incidissem,
 an autoritas illa, & pote-
 stas, qua Pōtifex Maximus
 fungitur, sit ei consensu quo-
 dam hominis tributa, an po-
 tius diuinitus tradita, qua de re hisce tempori-
 bus maximos tumultus excitatos esse perspici-
 mus, nec etiam ueriti sint uiri in omni disciplina-
 rum genere celebres, ac in Christianæ Theolo-
 giæ studijs illustres in magno hominum conuen-
 tu asserere se, hoc ius Pontificis humanum esse,
 dixi confestim me ab horum hominum sententia
 maxime dissentire, ac prope compertum habere
 diuinitus concessum esse Pontifici ius illud, eam
 que potestatem, qua regit, ac moderatur Christia-
 num Gregem, in qua sententia cum te quoque
 esse constantissime asseuerares, neque commode
 tamen posses per tuas occupationes familiares,*

tam. Dico ex Euangelij dictis perspicue colligi à Christo Dei filio tributam fuisse Petro, eiusq; Successoribus hanc potestatem: ex epistolis Pauli colligi etiam potestatem hanc eandem diuinitus ei datum fuisse. item assero ratione euidentissima hoc idem probari, adeo ut si quis negare nō audeat diuinam providentiam & gubernationi Ecclesiae non defuisse, nec deesse, à ratione nostra dissentire nō ualeat. Docebo propterea, sed paucis, rerum euentu comprobari clarissime id, quod authoritates Sacrae paginae, & ratio astruunt.

Potestas omnis, quam non tantum Romanus Pōtifex Petri successor, uerum etiam Episcopi, Sacerdotesque omnes habent, non ea, inquam, qua sacramenta conficiant, sed qua utantur in Populo Christiano ad beatitudinem perducendo, & in Christiana uita erudiendo, cui ueluti Architectonicae, & Principi Ciuilis quaecunque Potestas inseruit, cum inferiores quosdam fines habeat, qui omnes ad supremum illum referri debent, colligitur quantum memoria repetere possum ex his Euangelij locis. Apud Ioānem. c. x. postquam Christus à mortuis surrexisset, discipulusque apparuisset, insuflauit eos, & dixit. Accipite spiritum Sanctum, quorumcunque remiseritis peccata, remissa sunt: & quorumcunque re

tinueritis peccata retenta sunt. item apud Matthæum. c. 18. inquit. Quæcūque ligaueritis super terram, ligata sunt &c. Item apud Matthæum c. 16. post Petri confessionem, quod Christus sit filius Dei. inquit Christus. quia tu es Petrus, super hanc Petram ædificabo Ecclesiam meam, et Porta inferi non præualebunt aduersus eam. tibi que dabo clauēs Regni Cælorum, & quodcūque ligaueris super terram, sit ligatum, & in cælis: & quodcūque solueris super terram, sit solutum & in cælis. item alibi dicitur in Euangelio apud Lucam. c. xxij. Petre; Sathanas expetit, ut cribraret uos, ego autem pro te orauī, ut non deficiat fides tua, & tu aliquando conuersus confirma fratres tuos. item alibi in Euangelio Ioannis. c. xxi. dicitur. Petre amas me. cui Petrus Domine, tu scis, quia amo te. & rursus Christus. pascce oues meas. iterumque interrogat. Petre amas me plus his. cui Petrus. Domine tu scis, quia amo te. pascce, inquit, agnos meos. sicque tertio Petro iniunxit, ut pasceret oues suas. Ex his Euangelij locis, ut reor quadruplex quadam Potestas perspicuo colligitur tributa à Christo discipulis omnibus. una planè. item altera non tamen omnino neque planè. Petro uero soli posterior hæc, quam diximus alijs etiam tributam, sed non

Plene. plenissime, ut ita dixerim, tributa est. item
que duæ aliæ. Omnibus tributa est Potestas re-
mittendi peccata per insufflationem, & largitio-
nem spiritus Sancti. hac Potestate quilibet sacer-
dos in confessionis sacramento utitur, soluitque
à peccatis confitentem curæ ipsius subiectum.
hæcque Potestas sequitur ordinem, & caracte-
rem sacerdotalis ordinis, & à spiritu sancto de-
pendet; sicuti etiam operatio baptismatis, confir-
mationis, aliorumque huiusmodi sacramentorū,
quorum ministri sunt sacerdotes. Diuina uero
uirtus agens est, sicuti enim solus Christus bap-
tizat, ita solus Christus, qui & Deus est, solus
peccata dimittit, & gratiam confert. hoc certissi-
mis argumentis, & Sacra pagina locis compro-
batur à Theologis Christianis. quæ te non latere
probè intelligo. sed præter alia hoc, quod adduxi-
mus ex Euangelio Ioannis. c. xx. euidenter id ad-
struit. inquit enim Christus. Accipite Spiritū
Sanctum, quorumcūque remiseritis peccata, re-
mittuntur eis. quasi expresse dixerit. Potestas
hæc remittendi peccata ex Spiritu Sancto est,
quem uobis trado. licet ergo collatio ordinis fiat
à Pontifice, seu ab Episcopo, Potestas ea tamen
sequitur caracterem, & participationem Spi-
ritus Sancti, non autem est participatio quedam

Soli Petro, deinde discipulis omnibus hac ergo ratione præcipue adducor, ut credam potestatem hanc ligandi, & soluendi non præcipue pertinere ad peccatorum absolutionem, sed ad multas, quas infligit Pontifex contumacibus, & peccatibus. ut alias omittam. quoniam sicuti prior illa Potestas primum respicit peccatorum remissionem, per accidens uero, & oblique retentionem, ita e contra Potestas hæc coercendi primum respicit poenarum inflictionem, deinde solutionem. item prior illa sequitur characterem ordinis, & à Spiritu Sancto est per sacerdotem ministrum, ita hæc posterior iurisdictionis cuiusdam est, non ordinis, aut characteris. ideo in danda priori illa inquit Christus. Accipite Spiritum Sanctum, deinde, quorumcunque remiseritis peccata, remissa sunt eis. addit postremo, quorum retinueritis retenta sunt. in hac uero posteriori non facta mentione de datione Spiritus Sancti confestim, & primum tradit potestatem ligandi, cui subdit potestatem soluendi. idem & illustrius ostenditur ex eo Matthæi loco, in Euangelio. c. xviij. ubi omnibus discipulis inquit, quæcunque ligaueritis in terris, erunt ligata in cælis; & quæcunque solueritis, erunt soluta. num posteaquam præcepit fratrem corrigendum esse si peccauerit pri-

mun solum, deinde adhibitis testibus: postremo dicit, quòd si in peccato perseuerauerit, sit tibi sicuti Ethnicus, & Publicanus, hoc uerò nihil est aliud quàm eum ablegare à coetu fidelium, sicuti Ethnicus, idest, Gentiles separati sunt, quòd uim obtinet excommunicationis, confestim subdit. amen dico uobis, quæcūque ligaueritis super terram, erunt ligata & in cælis, & quæcūque solueritis, erunt soluta, ac si diceret. erūt uere hi sicuti Ethnici, nam uobis hanc potestatem trado ligandi, & soluendi, idque, quod ageris ratum habebo. ecce quàm luculenter apparet ex hoc loco potestatem hanc pertinere ad pœnas Ecclesiasticas infligendas. hæc ergo Potestas quauis discipulis omnibus tributa sit, nihilominus si quis non conuenientibus oculis legerit Euangelium, luce clarius perspiciet præcipue, ac præ omnibus alijs tributam fuisse Petro: per quem, scilicet, ad alios deueniura esset. nam si nihil magis auctoritatis in hac ligandi, & soluendi potestate uoluisse Christus Dei filius à quo nihil temere, nihil inconsiderate actum unquam fuit (quo nanque pacto à Diuina sapientia quippiam temere?) Petro concedere, quàm alijs omnibus, cur ergo magna ea uerborum mole usus ad Petrum inquit. Simon bariona, amen dico tibi quoniam caro, et

Sanguis non reuelauit tibi, scilicet, quòd sim Dei filius, sed pater meus, qui est in cœlis: & quoniã tu es Petrus super hanc petram ædificabo Ecclesiam meam, & Porta inferi non præualebunt aduersus eam, sed tibi dabo clauēs Regni cœlorũ, ut quodcunque ligaueris super terram, sit ligatum & in cœlis, & quodcunque solueris sit solutum. uideat unusquisque tam magnam præfationem; consideret datas clauēs Petro soli, alijs nequaquam. Potestas uero clauũ, ut omnes Theologi dicunt in quarto sententiarum, est Potestas iudicandi. & hæc est una clauis: altera Potestas ligandi, & soluendi. cum ergo hæ sint clauēs, nullaue mentio eas alijs datas fuisse sed soli Petro: quis sanæ mentis negare audeat in hac ligandi, et soluendi potestate principem esse Petrum, cui plenè, & perfectè sit data; alijs uero per participationem quandam huiusce potestatis, quæ tota est in Petro, ac ideo postèrius datam. Hoc uero magis corroboratur ex his, quæ infra dicturi sumus. Duæ aliæ sunt potestates; de quibus non fit mentio in Euangelijs, quòd datæ sint alijs ulli præterquam Petro. prior est pascendi Christianũ Gregem, altera discutiendi, et confirmandi Dogmata ea, quæ pertinent ad Christianam fidem. Quantum ad priorem soli Petro dictũ est à Chri

esse uideantur, seu ducenda, uel curanda, nec nō
acie ferri ulcus quarundam rescindendum sit,
seu potius à grege reliquo releganda non nulla
fuerint, pastoris muneris sunt: ita etiam quæcun-
que pertinent ad institutionem Christiani gregis
in uita Christiana, quæcunque ad gubernatio-
nem, ad curationem, cæteraque huiusmodi, spe-
ctant ad Petrum, & Successores Petri. ex quo
elicitur, quòd etiam Potestas ligandi, & soluen-
di præcipue, et præ alijs data sit Petro. quòd prius
sequatur uicarium. scilicet, Christi esse Petrum,
compertum omnibus esse potest, qui locum illum
annotauerint Euangelij Ioannis. c. x. ubi inquit
Christus ego sum pastor bonus, et cognosco oues
meas: aliasque oues habeo, quæ non sunt de hoc
ouili. si Christus pastor suarum ouium constituit
Petrum, item, pastorem ouium nō Petri sed sua-
rum, non enim inquit, pasce oues tuas, sed pasce
oues meas, item pasce agnos meos: cui non explo-
ratum fecerit Christum pastorem esse, & domi-
num ouium, Petrum pastorem, tamen non domi-
num, à domino tamen constitutum: uicem ergo
gerit Petrus Christi domini ouium. alterum quo-
que absque dubio euidenter sequitur. nam cuius
que aliquod munus iniunctum fuerit, utique
omnia etiam, quæ pertinent ad id munus iniun-

Et illi fuisse uideri debent. si ergo munus pasto-
 ris datum est Petro, quacunque pertinent ad pa-
 storem, omnisque potestas illa tradita sunt Pe-
 tro. quamobrē cum coercere, multasque impo-
 nere præcipue spectet ad eum, cui commissa est
 gubernatio, præ alijs ergo data est Petro ligandi
 & soluendi potestas; cui rationi adstipulatur lo-
 cus ille Euangelij, de quo à nobis superius est fa-
 cta mentio, & per Petrum alijs Episcopis parti-
 cipatione quadam, sicuti & ouium regimen, et
 potestas coercendi, puniendi ne eos; qui contu-
 maces fuerint. præter has Potestates, alia item
 Potestas data est Petro tantum declarandi, sci-
 licet, et discutiendi ea, quæ pertinet ad fidei chri-
 stianæ Dogmata, eiusque sententiæ parere cate-
 ri debent. Nolo nūc adducere in hac parte innu-
 meras sanctorū auctoritates. satis nobis sint Chri-
 sti uerba, inquit ipse apud Luc. c. 22. Sathanas ex-
 petiuit, ut cribraret uos, si aliqua uidelicet posset
 ratione uos dimouere à uera fide, ego uero orau
 pro te Petre, ut nō deficiat fides tua. nititur ergo
 fides Petri Christi orationi: quæ inefficax nulla
 ratione esse potest. subdit deinde. & tu cōuersus
 cōfirma fratres tuos. ecce quod cura cōfirmandi
 alios, non omnes, non pusillos, sed fratres suos
 tradita est Dei oraculo tantum Petro non alijs.

luce meridiana illustrius ostensum puto ex Diuina sapientie uocibus Ius hoc Romani Pontificis nullo hominum consensu, sed diuinitus ei tributum esse. de industria prateriui locum illum in Euangelio Matthæi capite decimo octauo, qui à plerisque notatur, ad astruendam nostram hanc sententiam, ubi, scilicet, Petrus Dominum rogauit, quoties dimittendum esset à se peccatum fratri, an usque ad septies? quoniam mihi uidetur potius eo spectare ille locus, ut semper sit danda uenia peccanti in se fratri, semperque acceptas iniurias obliuiscēdas, quàm ad ullam potestatem Petro concessam. Hanc itē potestatem concessam fuisse diuinitus Paulo, ex plerisque locis Epistolarum eius colligi certissime potest: & primo ex Epistola prima ad Cor. c. 5. Nam tradere hominem Sathanae ad interitū carnis, ut lucrifaceret spiritum, potestatis fuit. uenire etiam in uirga ut ex eadem epistola. c. 2. est potestatis. item in epistola secunda ad Cor. c. x. inquit, iuxta potestatem, quæ data est mihi in ædificationem. Episcopos instituere, ut instituit Paulus Timotheum, & Titum, & per eos item alios, potestatis fuit. hos locos notasse tantum, et inuisse sit satis tute per te aliosquoque in memoriam tibi rediges. uereor ego ne noster hic libel

lus modum excedat. iam satis auctoritatibus probatum est diuinitus non hominum consensu Pontifici Romano Petri successori hanc fuisse auctoritatem attributam. nunc paucis explicemus an idem etiam ratio nobis persuadeat. multitudinē omnem quæ una sit, nequaquam posse unam esse perseverare, nisi contineatur ab uno, & Philosophi omnes prodidere, & uoce ipsius rerum naturæ docemur. nam suapte natura multitudo omnis in plura dilabitur; aliunde uero una est, et una esse perseverat, id uero à quo est una, & in unione continetur necesse est ut sit unum, alio qui ipsum quoque aliena opera indigebit ut unū sit. unde illud Homericum ab Aristotele, ut notissimum prolatū in duodecimo libro primæ Philosophiæ. multitudo principatus mala, ut pote, quæ inepti sit ad continendam unitatem multitudinis subditorum hominum. cum ergo Ecclesia Christiana una sit (sicuti enim una fides est, unum baptisma, una uocatio, ita una Ecclesia, quin potius omnes unum corpus sumus, inuicēque membra, ut perhibet apostolus Paulus, sed cur amplius moror? symbolo ab omnibus christianis prædicatur se credere unam esse sanctam catholicam, & apostolicam Ecclesiam) indiget ergo uno principe à quo contineatur: si secus sit

confestim dissipari unitatem necesse fuerit, uni
ergo eius gubernationem demandandam fuisse
oportuit. nec ullo pacto satis esse potest id, quod
Luterani dicunt, ut hanc rationem vitent, Chri-
stum unum esse à quo contineatur Ecclesia. nã
& si Ecclesia primo contineatur à Christo Deo
optimo, quemadmodum etiam uniuersa rerum
natura, est tamen à summa illa bonitate institu-
tum, ut cuique rei pro eius natura provideatur.
cum ergo hominum genus à sensu maxime pen-
deat, à sensibilibusque hauriat, & disciplinam,
& institutionem omnem, indiget ergo homine,
quem sentiat, gubernatore, & principe. quin
quòd maius uideri potest, sacramenta, quibus
gratia nobis Diuina confertur, in rebus sensibili-
bus constituta sunt, sic enim natura humana est
à Deo facta. uni ergo homini hanc gubernatio-
nem demandari oportuit, quòd partim pertinet,
ut dixi, ad hominis imperfectionem, qui à sensu
pendet, partim etiam ad eius perfectionem, &
præstantiam. nam hoc pacto ipse sibi quodammo-
do felicitatis suæ est author, pro naturæ suæ imbe-
cillitate. unus ergo homo uni Ecclesiæ præerit, ut
ratio à natura nobis indita unicuique facile sua-
det. is uero hanc potestatem habere non potest à
quouis hominum consensu, seu cœtu, sed diuini

rus habeat necesse est. nam constituere vicarium
 Domini, non pertinet ad quempiam alium nisi
 ad dominum. Ecclesia uero Christum habet, cuius
 sunt omnia, tum quia empti sumus magno pretio,
 eius, scilicet sanguine, ut ait Apostolus. 1. cor. c. 3
 ad ipsum ergo pertinet instituire vicarium sibi,
 ad nos minime. nisi ergo uelimus fateri defuisse,
 deesse ue Diuinam providentiam gubernationi,
 ac unitati Ecclesie, cuius ratio persuasit diui-
 nitus Pontifici Petri successori hanc potestatem
 collatam fuisse. quo fit; ut si nullus esset sacrae pa-
 ginæ locus, ex quo id astruere possemus, primum ta-
 men esset credere diuinitus datam fuisse Petro
 hanc potestatem; sicque per manus, non per præ-
 scriptionem ad nos deuenisse. sed cum tam eui-
 dentia sint Christi oracula, quæ supra tetigimus,
 quæ amplius in dubium uerterit rem tam clarâ,
 & omnibus obuiam. at dixerit quispiam fortas-
 se rerum euentus; quæ res tertio loco à nobis pro-
 posita fuerat, huic sententiæ non adstipulatur:
 quin potius nihil magis. nam confestim post Chri-
 sti ascensionem cum adhuc Petrus Hierosolymis
 esset, cuius Urbis Episcopus erat Iacobus, inquit
 Paulus in epistola ad Gala. c. 2. qui enim opera-
 tus est Petro in apostolatum Circumcisionis, ope-
 ratus est mihi inter gentes. Iacobus erat Hiero-

Solymitanae urbis Episcopus, Petrus tamen erat à Deo apostolus circumcisionis, idest, Iudaeorum, quibus tunc praeerat, nondum enim Romam uenerat: ecce à Deo traditam Petro potestatem quandam, qua Episcopum superabat. nonne illis temporibus, tum Petrus, tum Paulus Episcopos instituebant, de Paulo diximus. Petrus nonne Prosdocimum creauit Episcopum Patavinum, cum Romam uenisset, dicerem etiam alios, si per inertiam meam possem libros euoluere, in quibus eorum temporum Historia continetur, uterque postea Romam uenit, ibique sub Nerone Imperatore in Vrbe uniuersi orbis principe martyrio coronati sunt, quibus successus Linus, deinde Clemens, caterique sanctissimi uiri, à quibus plurimos Episcopos creatos fuisse comperies, si eorum uitas perlegeris. itaque semper à probis omnibus Christianis Romanae sedi, sedi, inquam Petri summa ueneratio, summa auctoritas est delata, Iactata fuit magnis procellis cum Imperatorum Constantinopolis arrogantia, interdum eius urbis Antistitum, tum Gothis, ac Longobardis res Italiae, ac praesertim Romanae urbis turbantibus, qui etiam Arrianā Hæresim sectati sunt, tamen semper eminuit, ac pristinam dignitatem paulopost recuperauit, nec obstat his, quae dixi-

mus, quòd Constantinopolis Imperatores Pontifices Romanos confirmabant, quasi ab Imperatoribus potestatem haberent, non à Deo. nam nullus sana mètis putauerit potestatem Pontificis, qua gerit vicem Christi ab Imperatore pendere. sed quoniam Pōtifices ab Imperatoribus habuerant urbis Romæ Imperium, quo res Italiae maxime nitebātur, ideo præter clerum Romanum, & populū requirebatur etiam Imperatoris suffragium ad Pontificem eligendum. eius tamen authoritas, quatenus Pontifex est, non princeps Romanus à Deo est non ab homine aliquo. Cum ergo Historia, Ratio, & euidentissima Christi Oracula nobis ostendant à Christo Dei filio datam esse Romano Pontifici authoritatem, & potestatem hanc, qua vicem Christi gerit, nullus nisi pertinax, & qui partes, quas temere suscepit, tueri uelit, inficias iuerit. Christiani hominis est faceri, & credere Pontificis potestatem non ab hominum consensu pendere; sed diuinitus prodiisse. longius quàm putaram processit Commentariolus hic, quem unico spiritu conscripsi. tuum erit corrigere, ac summam manum ei imponere. Mihi satis fuit hucusque laborasse. Vale.

GASPARIS CONTARENI
 CARDINALIS CONCILIO-
 RVM MAGIS ILLVSTRIVM
 SVMMMA AD PAVLVM TER-
 TIVM PONTIFICEM
 MAXIMVM.



*V*LLI mirum uideri de-
 bet Beatissime Pater, si ec-
 clesiastica Hierarchia, quin
 potius omnis Ciuilis societas,
 rerum naturæ constantium
 modum, ac ingenium imite-
 tur. nam cum idem sit au-
 thor, & causa naturæ rerum, ac humanarum
 huiusmodi societarum, quæ à natura hominum
 originem trahunt, eiquæ summopere conueniunt
 (Homo etenim natura ciuile est, & sociale ani-
 mal) utique consentaneum est, ut utrumque ge-
 nus sui authoris imaginem præferat, ac propte-
 rea unitate se etiam consentiat, alterumque alte-
 rius simile sit. Enimvero in rebus natura constā-
 tibus omnibus, uidemus luce clarius, unitate qua-
 dam multitudinem quandam contineri; Deus
 etenim solus, sicuti uere est, ita etiam uere est.

unus : inferiora uero omnia , quoniam non sunt Deus , multitudinem quandam habent , neque uere sunt una : at quoniam sunt à Deo , & habent pro sui natura unitatem , & unitate eam multitudinem suam colligunt , & continent . ea uero unitas tanto est maior , & ut ita dicam , unitior : quanto melior , & perfectior fuerit : Linquam nunc cœlestes illas mentes , quæ ratione quadam inexplicabili & se in multitudinem suam pandunt , atque explicant : itemque circunquaque multitudinem illam suam ita continent unitate , ut omnia unū sint . Venio ad res , quæ sensu percipi possunt . in rebus inanimatis , quæ imperfectissimæ omnium sunt , minima quædam apparet unitas , in plantis maior , nam principium uitæ in quadam sui parte habent , à quo & radices infra , & rami in superna mittuntur . id tamen uitæ principium diuisibile est , ac propterea non ualde unū , quòd ex eo liquet : nam quanuis surculus ex plāta decerptus sit , si defossus fuerit in terram , & radices emittit , & truncum , in ramosque se fundit , ac tandem crescit in arborem . imperfectissima animalia , quæ ab incisuris , insecta appellari consuevere , principium hoc uitæ habent plantis simile , quare dissecta etiam aliquo temporis spacio uiuunt . & in animalibus perfectis , & abso-

luti principium hoc uitæ magis est unum, à quo si qua animantis eius pars diuisa fuerit, statim interit, eoque principio quavis ratione extincto, confestim animal totum perit. in homine uero omnium perfectissimo animalium, anima, quæ est uitæ humana principium, est maxime una, utpote, quæ omnino indiuisibilis existat, uerum à se in corpus multas uires diffundit, sui que unitate eas continet, corpusque totum humanum, totque eius humores, ac membra compefcit in unum, ne dissoluant, sed unum animal omnium pulcherrimum, ac excellentissimum conficiant. Hoc rerum natura constantium ingenium, ac uniuersam rationem humana societates imitantur, & referunt, ut pote, quæ ab eadem causa auctore existant. id quod, ut alias rationes omittam, Philosophorumque sententias, apertissime testatur apostolus Paulus. qui in epistola ad Ephesios c. 3. inquit, huius rei gratia flecto genua mea ante Patrem Domini nostri Iesu Christi, à quo est omnis paternitas: seu ut Grace significantius scribitur, omnis πατριά, id est, tribus, seu familia, & conuentus in cælo, & in terra, ut Chrysostomus interpretatur. & ex psalmo uigesimo primo euidenter colligitur. ecce quod omnis hominum societas à Deo est, nam loquimur nunc ange-

los, & cœlestes mentes. In his autem hominum Conuentibus, & multitudo hominū est, & unitas, qua Conuentus continetur, & constat. imperfectiores minore quadam unitate continentur, ut popularis Gubernatio. meliores maiori unitate, ut Principatus Optimatum. optima uero omnium cōstitutio est ea, quæ ab optimo Principe gubernatur: sicque maxime omnium est una. Huiusmodi, & rationis præ alijs omnibus Christus Deus, & seruator noster Ecclesiasticā hanc Hierarchiam constituit, tanquam bene cōpactum hominis corpus, in qua, nequa unquam fieret ex natura constitutionis scissura, unum Principem esse uoluit, seu potius Patrem, & Caput. non caput illud, à quo diffliceret uita in corpus, id etenim Christus est: ut inquit apostolus Paulus, ad Col. c. 1. sed à quo Gubernatio, et Iurisdictio in hanc Hierarchiam uniuersam influeret, ab eoque penderet. Verum, sicuti hominis anima multis indiget uiribus, multisque mēbris, ut in totum corpus operetur, plurimasque functiones agat, quibus homo eget ut uiuat, & bene uiuat, sic Pontifex Ecclesiasticæ Hierarchiæ caput, multis eget potestatis huius participibus: quibus Ecclesia dirigi commode, queat ad supernam illam beatitudinem, quam nobis ipse

comparavit. præcipui omnium Episcopi sunt Christiani populi Doctores, ac Præsides. & quemadmodum si qua humanæ menti difficultia occurrunt investiganda, utitur uiribus inferioribus, cogitativa, inquam, & rememorativa potentia, ac interdum exteriori sensu, ut in commentationibus Mathematicis, quæ omnes, pro sui quaque natura in id intentæ, mirifice opem ferunt intellectui, & menti; cuius solius quantum sit iudicare, & discernere, id tamen commode facere non posset, nisi in unum, ut ita dixerim, Concilium, & Conuentum inferiores vires secum conuocasset, non illas, quæ nullo pacto sunt rationis participes, sed superiores quæ sunt menti proximæ. simili, ac propemodum eadem ratione in Ecclesia Christi, quam omnium perfectissimam societatem, quis negare ausit? princeps est, & caput pontifex Maximus unus, sub quo inferiores Episcopi, eius tamen potestatis participes in gubernatione Ecclesiæ sunt, sicut vires, quædam sensitiuæ rationalis cognitionis participes. si quædo ergo quispiam nodus incidat, si qua in hoc Ecclesiæ corpore ægrotudo contingat, officium Pontificis est in unum uocare Episcopos Christiani populi, simulque Concilium inire, qua ratione et nodus dissolvendus sit, & curanda ægrotudo, id-

que decernere, quod ex consultatione illa, & inuestigatione maxime ad rem facere uideatur. Hoc natura duce semper seruatum fuit in omnibus hominum conuentibus, non tantum ciuitatibus, sed etiam uicis, & pagis. Hoc Ecclesia Christi semper seruauit, edocta à spiritu Dei: qui naturam hominis nullo pacto imminuit, sed prouehit ad altiora, & diuiniora. dicit hoc Christus in euangelio Mat. c. 18. si fuerint duo, aut tres congregati in nomine meo, in medio illorum sum. item si duo, aut tres in oratione consenserint &c. item dicit in euangelio Mat. c. ultimo nobiscum sum, id est, in Ecclesia usque ad consummationem seculi item in eodem euangelio Mat. c. 18. si non audierit, dic Ecclesie. quam si non audierit, sit tibi sicut Ethnicus, & publicanus. Paulus etiam Apostolus in epistola prima ad Timoth. c. iij. appellat Ecclesiam columnam, & firmamentum ueritatis. Nec mirum, nam si Ecclesia corpus est Christi, & nos sumus inuicem membra eiusdem corporis, cuius Christus est caput, à quo uita, & directio manare in corpus totum nulli dubium esse potest, proculdubio id, in quo Ecclesia consenserit à Christo est, à ueritate est, quæ falli non potest. Hoc quod ratio, & auctoritates Scripturæ canonice persuadent, ac Apo-

stolica doctrina nobis tradidit, Apostoli primū,
aliij deinde patres nostri sanctissimi, ac sapientis-
simi pleni diuino spiritu factis ipsis nos docue-
runt. nam & Apostoli Hierosolymæ præter-
quàm quòd in pluribus rebus simul Concilia ini-
issent simulque, orasse leguntur in actibus A-
postolorum. c. xv. in questione ea an Gentes,
quæ ad Christi gratiam ueniebant, cogendæ es-
sent ad seruandas legis Mosaicæ cæremonias, iu-
stum Concilium fecerunt: in quo Petrus primus
omnium sententiam dixit. quam subinde secu-
tus Iacobus, cæterisque communi nomine signi-
ficarunt Gentibus, & Discipulis Antiochiæ
morantibus. Quorum successores, quanuis non
potuerint indicere uniuersale Oecumenicum Cō-
cilium ante tempora Constantini Imperatoris,
ob potentiam Regum, & Principum, qui seue-
bant in Christianos omnes, fuere tamen ante Ni-
cenum Concilium prouincialia Cōcilia plurima:
quæ obscurata sunt uetustate. prodita tamen
memoria sunt Angritanum, & Neocæsarien-
se, ante Concilium Nicenum fuisse celebrata.
Hostu Pater Beatissime imitatus, & à spiritu
Dei edoctus, his tēporibus difficillimis Christia-
næ Reipublicæ, quibus præter alia incommoda
humana, & bellis intestinis consumimur, & Ec

clesia Christi tuæ curæ commissa uexatur tot Schismatibus, tot Hæresibus, conuocasti uniuersale, & Occumenicum concilium. quod certo spero, incolumis celebrabis, & instaurabis Ecclesiam Dei, adeo ut cum Apostolo. 2. Cor. c. s. canere poterimus. recedant uetera, omnes, inquam ueteris hominis mores, & corruptela, ac noua sint omnia. frueris que tu hac pace, hac sanctimonia, quam ducturus es in Christi Ecclesiam. Verum, quoniam in his negociis concilij, non inutile est memoria tenere, quæ, quotque & qualia fuerint concilia celebrata retro actis temporibus, eorumque sancita, & decreta, dedi ego lectioni eorum operam mensibus his hybernis, et à Græcis, Latinisque authoribus Summam quãdam collegi: quam si legendam traderem Sanctitati tuæ, non putauì rem ingratam me tibi facturum, mihi que non summopere debitam. Nam cū occupatissimus sis, integrosque dies omnes consumas in negocijs grauissimis, curisque distinearis ingentibus, nostri ordinis hominum officium esse duco qui uicem membrorum gerimus huius Ecclesiæ, cuius escaput, ut tibi laboremus, & ocium nostrum tibi dicemus: adeo ut si qua tibi detrahunt tuâ negocia, in ocio nostro resarciantur. Videbis igitur paucis à nobis cõprehensam

Summam

Summam Conciliorum magis illustrium, quæ Patrum nostrorum temporibus celebrata fuerunt, simulque Hæreses ab eis damnatas, ac si quod etiam decreuerint memoria dignum. Id quoque breuiter, & dilucide explicare conabimur. Rem ergo aggrediamur. Post ea, quæ Apostolica doctrina fuisse nobis tradita in scripturis canonicis, inueniuntur Decreta, & Canones Apostolorum. Ysidorus collegit quinquaginta: uerum in Græcis codicibus canonum inueniuntur octuaginta quinque. trigintaquinque hi canones, quos desideramus in Ysidoro, & in Græcis codicibus reperiuntur, quorum duos uidi Vaticanum, scilicet, & Venetum alterum; in latinam linguam uersi sunt à Germano quodam, & impressi in Germania post Authenticorum librum Iustini Imperatoris. in quibus id notandum, quòd in canone, quo maxime damnatur Simonia, ac fit mentio de Simone Mago, qui damnatus fuit, in Græcis codicibus addita inuenimus hæc uerba, scilicet, à me Petro. in latino apud Ysidorum desiderantur. Illud etiam nō prætereundum, quòd in postremo canone Apostolorum in Græcis codicibus uidelicet, in octuagesimo quinto, fit mentio de quibusdam alijs canonibus missis per Clementem. Hos sexta synodus reprobat, quoniam

fuerunt corrupti ab Hæreticis. Horum quadraginta septem collegit Ysidorus. Post hos canones Apostolorum, antiquissima omnium, quæ sunt memoriæ prodita, fuit Synodus Ancyritana provincialis, non uniuersalis: quanuis sit recepta, & approbata in sexta synodo. ignoratur quibus temporibus fuerit, id tamen cõstat fuisse parum ante synodum Nicenam, Ancyra celebratam: quæ est ciuitas Galatiæ. edidit canones uiginti-quinque quos collegit Ysidorus. sequitur hanc synodus Neocæsariensis, Cæsareæ coacta, quæ sita ciuitas est in Ponto Cappadociæ. Hæc paulo post Ancyritanam fuit celebrata. Nam utrique interfuit Basilius, qui sub Licinio Cæsare martyrium meruit, anno domini trecentesimo uigesimo tertio, ut refert Eusebius de temporibus. condidit quatuordecim canones, in quorum postremo cauetur, ne in ulla ciuitate quantumuis magna pluresquam septem Diaconi constituentur, quemadmodum fecere Apostoli, ut legimus in actibus Apostolorum. Hic canon reuocatus fuit in sexta synodo. Has synodos memoria proditum est fuisse ante Nicenam Synodum. sequitur has Nicena omnium celeberrima, quæ est prima Oecumenica. Hoc loco non duco prætereundum esse à Græcis illas synodos appellatas Oecumenicas,

in quibus Græci, Latinique pariter conuenere.
Hæc synodus sub Constantino Imperatore, anno
eius imperij uigesimo coacta fuit, tempore Bea-
tissimi Syluestri Pontificis, anno domini tricente-
simo uigesimo quinto. quidam uolunt sub Iulio
Pontifice hanc synodum fuisse. uerisimile puta-
uerim ego fuisse synodum inductam sub Sylue-
stro, decreta uero fecisse, & dimissam sub Iulio:
Ysidorus refert missos à Syluestro ad eandem fu-
isse Victorem, & Innocetium Romanos presby-
teros, qui Pontificis nomine interessent. interfuit
etiam Osius Episcopus Cordubensis, tunc habitus
sanctissimus uir, quem nonnulli scribunt simul
cum Victore à Syluestro missum. nam postea Sir-
mi declinauit ad Arrium, ut dicit Hilarius in
libro de synodis. Valde quoque celebris est memo-
ria Pannutij Egyptij Episcopi, quem Constanti-
num ferunt maximis fuisse honoribus prosequu-
tum. in summa trecentum & decem, ac octo
Episcopi sanctissimi, & doctissimi uiri conue-
runt in hoc Concilium. damnata fuit Hæresis
Arrij Alexandrini presbyteri, qui inani ambi-
tione elatus contra Alexandrum Episcopum su-
um, cœpit dicere filium Dei et uerbum, per quod
facta sunt omnia, esse minorem patre, creaturâ-
que non creatorem, neque genitum de substancia

patris, sed factum ex non existentibus: & quòd fuit quando non erat Dei filius. Huius blasphemias Episcopus Alexander cum dissimulare nò posset, à communione Arrium separauit, expulitque ab ecclesia. Hæc Arriana labes peruagata per christianum orbem plurimos infecit, inuenitque sectatores complures homines doctos, ac in Platonica Philosophia præsertim enutritos. Qui cum legissent apud Platonem in Tymeo, primum rerum omnium principium usum fuisse in constituendo hoc, quem uidemus, orbe, quodam exemplari, quod etiã animal perfectissimum appellat, cuius imaginem hoc uniuersum gerat, longe perfectius omnibus alijs, utpote per quod facta sint omnia, infra Deum tamen existens, quod posteriores Platonici mundum intelligibilem, ens etiã appellauerunt; itemque cum legis-
sent in euangelio Ioannis. c. 1. per uerbum facta esse omnia, nonnullosque alios scripturæ locos, qui fauere uidebantur ei sententiæ, cõfestim ex humana Philosophia Euangelicam, & Christianam doctrinam de filio Dei composuerunt, arbitrati que sunt causam illam exemplarem Platonis, quæ est infra Deum; esse Dei filium, & uerbum, de quo Euangelia, & doctrina Apostolica meminissent. ex hac Hæresi cum maximus

in Christiano populo tumultus concitatus fuisset, indicta fuit hac synodus in Nicea ciuitate Bithyniæ. cui interfuit Constantinus, ac, ut diximus, tercentum & decem octo Episcopi. interfuit etiam Arrius. affuit etiā Athanasius, qui tunc diaconus erat Alexandrinæ Ecclesiæ, cum Alexandro Episcopo suo. damnata fuit post diutinam inquisitionem, & consultationem Hæresis hæc Arriana, confectumque symbolum, in quo fuit dictum uerbum, & filium Dei esse patri homouision, id est, cōsubstantialē, compositi etiam fuere Canones. uiginti tantum reperiuntur collecti ab Ysidoro. quidam perhibent fuisse longe plures. attamen in Concilio sexto Carthaginensi legitur, quòd cum Patres illi scripsissent Attico Episcopo Constantinopolitano, ut ad eos mitteret integros canones concilij Niceni: respondit Atticus mittere se ad eos per Marcellum subdiaconum Canones integros synodi Nicenæ, qui subinerti essent, nec aliquis alius reperitur præter hos uiginti. in quibus ille scitu dignus, quo iubetur in diebus Pētecostes, id est, quinquaginta diebus post pascha, et diebus dominicis nō flectenda esse gēua ad orationem dominicam scilicet. de hac re mentionem etiam facit Augustinus in epistola ad Ianuarium, ut scilicet ere-

Et iōne corporis testemur. Christum uere surrexisse à mortuis. fuit etiam in hac magna Nicena synodo cōstitutio facta de Paschatis celebratione, de qua magna fuerat controuersia, præcipue cū Asiaticis Episcopis, qui quartadecima luna, qui cunque is fuisset dies, sacratissimum Pascha celebrabant; quique ob eam rem appellati fuere Quartadecimani. Statutumque est in hoc Concilio, primo mense, idest, ea luna cuius plenilunium fuisset post equinoctium uernum, quod tunc erat uigesima prima die Martij mensis, diem dominicam, post plenilunium illud, solennem esse, Paschaque à Christianis ea die celebrandum, qua Christus resurrexit, qui est pascha nostrum, nec seruandum morem Iudaicum, ut quartadecima luna à Christianis fiat Pascha, quæcunque ea fuerit. Hoc præter alios authores Augustinus refert in epistola ad inquisitiones Ianuarij. postea autem melius fuit res distincta, decretumque ne memoria passionis Domini celebretur ante lunam quartadecimam. ideoque si plenilunium contigerit esse die dominica, aut die sabbati, qui à meridie inchoaretur, transfertur Paschatis sollemnitas ad proximam diem dominicam, post octo, scilicet, dies. de hoc Ambrosius in epistola ad Episcopos Aemiliae. Hæc sollemnisationis paschalis for-

ma adhuc perseverat, ac si nostris temporibus vigesima prima dies Martij esset dies æquinoctij verni, cum tamen nunc retrocesseris ad diem decimam. Hæc dicta de Nicena Synodo sufficiant. Hisdem temporibus Sylvestri scilicet Pontificis, Ysidorus refert celebratas fuisse synodos provinciales. Arelate, quæ ciuitas insignis est in Prouincia: sita iuxta flumen Rhodanum. mirum tamen, quod in secunda sit mentio de statutis Nicenæ synodi, quam uerisimile est, sub Iulio dimissam fuisse, id etiam notandum, quod in prima Arelatensi synodo statutum fuit, ut persuaderi debeat adolescentibus, quorum uxores se adultério polluisent, ne eis uiuentibus alias duceret uxores. ex quo uidetur colligi posse, ea ætate quasdam fuisse, qui existimarent sibi licere dimissa uxore fornicationis causa aliam ducere: quod Ambrosius in expositione epistolæ ad Corinthios tangit. licet Magister sententiarum dicat illum locum Ambrosii fuisse à falsarijs corruptum. Duo præterea fuere Arelate celebrata Concilia, quorum postremum coactum fuit sub Martiano Principe, sub quo fuit synodus Chalcedonensis, quarta, scilicet, Oecumenica. Post Nicenam synodum reperiuntur, & in Græcis canonibus, & apud Ysidorum fuisse nonnullæ synodi

prouinciales; de quibus non constat quibusnam temporibus fuerint: sed uerisimile est, quoniam de eis fit mentio ab authoribus statim post Nicenum Concilium, fuisse etiam paulopost coactas. harum prima est Gangrensis, coacta in Gangre ciuitate Paphlagoniæ, de qua urbe meminit Stephanus Græcus author in libro, quem scripsit de Urbibus. in hac damnata fuit Hæresis Eustraliensium, qui nuptias damnabant. constitutique sunt uiginti Canones, qui extant tam apud Græcos, quam apud Latinos. nihil in his egregium annotaui. Huic proximus fuit cōuentus Antiochenus, coactus Antiochiæ, quæ sita est apud Orontem. interfuere huic synodo Formilianus, & Gregorius mirabilium effector nūcupatus. uiginti quinque canones fuere in hac constituti. sequitur synodus habita Laodiceæ: quæ urbs est Phrygiæ Capatianæ, in qua editi fuere Canones quinquaginta nouem, nihil in his memoratu dignum reperi. in sexta synodo omnium horum Cōciliorum canones approbantur. Post obitum Constantini Imperatoris anno duodecimo, ut refert Socrates in Historia tripartita, cum post Nicenam synodum Arriani maximos ubique tumultus concitassent, expulsusque ob eam causam Athanasius Episcopus Alexandrinus à sua Ec

clesia fuisset ab Arrianis, quibus Constantius Imperator Orientis magni Constanti, i filius sum mopere fauebat, ac uenisset in Italiam ad Pontificem Iulium, atque ad Constantem Imperatorem Occidentis perrexisset: qui frater erat Constantij, indicta fuit Synodus Sardicensis. Sardice Metropolis est Dacorum sita iuxta Danubium. quidam dicunt esse in Illyrico, cuius fortasse fines hi authores ad Danubium usque extendebat. fuit hac synodus indicta literis Constantij Imperatoris ob metum fratris Constantis piissimi principis, fratrisque Constantij longe dissimilis. conuenere in hanc synodum omnes ferè occidentales Episcopi, tercentum inquam; inter quos Osius Cordubensis magna pars fuit illius Concilij, orientalium circiter septuaginta: ceteri nanque quorum plurimi erant infensi Athanasio, & fauebant partibus Arrianis causas dixere, quare non possent accedere ad eum conuentum. hi etiam septuaginta, qui conuenerant, postquam uiderunt agi de restitutione Athanasii episcopi Alexandrini, & Pauli Constantinopolitani, aliorumque quorundam: qui pulsifuerant ab Arrianis quibus ipsi quoque fauebant, recessere à Sardica, & conuenerunt in Philippopoli, nonnullaque decreuere contra Athanasium: fuere hi omnes

damnati à synodo Sardicensi: simulque restitutus Athanasius Alexādrinæ Ecclesiæ, & Paulus Constantinopolitanæ. scripsit Constans fratri Constātio pius, ac Imperatore Christiano dignas literas in commendationem Athanasii. paruit Constantius fratris literis, & restituit Athanasium: ideoque repressa aliquantulum Arrianorum rabies: constitui fuerunt in hac Synodo Canones unus & viginti. in quibus illud puto non esse prætereundum, ex quo facile colligi potest Romani Pontificis auctoritas, quòd in quinto, sextoque canone statutum est: quòd si quis Episcopus accusatus, fuerit ab Episcopis suæ illius provincie depositus, isque uoluerit appellare Romanum sanctissimum Episcopum, ut ab eo eius causa audiat, utique conuocandi sunt proximæ provincie Episcopi, qui iudicent de illius causa. qui si priorum sententiam secuti fuerint, isque rursus appellet Romanum pontificem, Pontifex Romanus si uoluerit, mittat duos presbyteros à latere: qui simul cum Episcopis illis in provincia ea: ubi melius causa discuti potest, & intelligi, auctoritate fungētes eius à quo sunt missi, rem diiudicent. quòd si etiam uoluerit ratam habere Episcoporum priorum sententiam, nullumque à latere mutere: id utique faciat, quod

pro prudentia sua melius fore putaverit. Hoc nolui prætermittere. quo in loco neque est silentia prætereundum, ante hanc Sardicensi synodum fuisse ab Arrianis synodum in Antiochia coactam: quæ decrevit Athanasium Alexandrinum, & Paulum Constantinopolitanum episcopum pelli à suis Ecclesiis; qui ut supra diximus ad Iulium Romanum Pontificem se contulerunt. à quo impetratum fuit ab Orientalibus Episcopis, ut utrumque sedi suæ restituerent: ubi in libro quarto tripartitæ Historiæ authores illi Græci inquiunt Antiochenum illud Concilium nullius habitum existimationis, eo quòd fuerit coactum absque Romani Pontificis auctoritate, eiusque nomine nullus Antiocheno illi concilio interfuisset. Hæc, quæ pertinent ad Romani Pontificis auctoritatem sumpta ab antiquissimo Concilio Sardicensi, & ab authoribus Græcis illustribus omittere nolui. Redeamus iam unde digressi sumus. Decreto Sardicēsis Concilij restituto Paulo Constantinopolitano, & Athanasio Alexandrino episcopo suis sedibus, diem obiit Constans pius Imperator, & Niceni Concilij observantissimus, ac ideo infestus Arrianis. Rerum potius Constantius frater postremus ex filiis magni Constantini, fautor Hæreseos Arrianæ, cui orien-

tales Episcopi complures fauebant: cum cu-
 ret Constantius occidentales etiam episcopos tra-
 ducere à Niceni Concilij fide ad Hæresim Ar-
 rianam, simulque damnare Hæresim Photini:
 qui dicebat Christum tantum ex Maria natum,
 indixit Concilium Sirmij. ciuitas hæc sita est pro-
 pe fluuium Drauam, non longe à Danubio, à
 qua nostris hisce temporibus prouincia ea uni-
 uersa, appellatur Serimia: ibique constitutum
 Symbolum, quo damnatur Photini Hæresis. Nā
 fatentur se in Iesum Christum credere filium
 Dei unigenitum, natū ante omnia secula &c.
 Attamen nulla fit mentio; quod sit patri consub-
 stantialis. Verū cum duo symbola Sirmij cōfecta
 referat Historia Tripartita, in altero nulla fit me-
 tio de eadē, aut simili substantia patris, aut filij: in
 altero filius dicitur similis patri, nulla facta de
 substantia mentione. post Sirmiense hoc conciliū
 fuit aliud concilium coactum Mediolani: & tã-
 dem tertium Arimini. in quibus demum eo de-
 uentum ut Homousion aboleretur à Symbolo,
 deceptis Catholicis Arimini; ut author est Rufi-
 nus: uel contradicentibus, ut memoriæ proditū
 est in Historia Tripartita. Rufinus scripsit fuisse
 hac uersuria deceptos Patres Arimini. quod
 interrogati fuere, an mallent credere in Christū,

an in Homouſion. at illi nouitate nominis moti reſpondere ſe malle in Chriſtum credere, quam in Homouſion. poſtea cum nihilo ſecius tumultus ſedarentur, iterum decreuere Orientales Arriani Concilium facere in Nicea ciuitate Bithyniæ, ut Nicæni Concilij nomine prolato poſſent facilius decipere rudes homines: nam non multo antea coegerant Concilium in Nicea Thraciæ. non tamen potuerunt illudere catholicis. Hanc fraudem diuina prouidentia remouit: nam magno terræmotu concuſſa: ac penè diruta urbe Concilium cogi non potuit. translatum fuit poſtmodum in Seleuciam Iſauriæ. illud omnibus his concilijs Sirmienſi inquam Mediolanenſi, Ariminenſi, & hoc Seleuciænſi confecere, ut hi, qui dicerent filium patri diſſimilem anathematizarentur, id eſt, diis execrati eſſent. nec tamen propterea dicendum eſſe filium cuiusdem ſubſtantiæ cum patre, cum hoc non inueniretur in ſcripturis canonicis fuiſſe ſcriptum, ideoque non Omoiouſion, id eſt, ſimilis ſubſtantiæ, ſed filium tantum ſimilem patri, quòd ſi quem delectaret nomen ſubſtantiæ, diceret potius filium Homoiouſion, id eſt, ſimilis ſubſtantiæ. Hoc etenim medium eſſe inter Homouſion, et ὁμόουſιον. id eſt, conſubſtantialem, & diſſimilem. Hæc Concilia omnia damnata

sunt, ut Hæresi Arrianæ fauentia: quæ sicuti non fuisse coacta authoritate Romanæ sedis: ita etiam confestim ab ea damnata sunt. Adhuc flammam Arrianæ pestis Ecclesiâ deuastante, orta est alia seditio inter Homousianos, idest, eos qui asserébant filium esse eiusdem substantiæ cū patre, & alios nonnullos, qui sanctissimum spiritum blasphemabant, eumque dicebant seruum patris, & filij, puramque creaturam. hi quanuis diuersis fuerint nominibus, tandem omnes dicti sunt Macedoniani, à Macedonio Episcopo Constantinopolis. consentiebāt synodo Ariminensi, & Seleuciæ de filio Dei, quòd scilicet esset Homœousios, idest, similis substantiæ. de Spiritu Sācto autem profitebantur eum esse ἀνόμοιον, idest, dissimilem, patrisque, & filij ministrum, & seruum: quæ Hæresis cum inualesceret, ac principatu potius fuisset Theodosius senior, uir pietate & religione illustris anno domini trecentesimo trigésimo octauo, sub Damaso Pontifice Romano congregata fuit synodus Constantinopoli centum & quinquaginta patrum. in qua damnata fuit Hæresis Macedonij: editumque symbolum in quo magis exprimitur diuinitas Sancti Spiritus, quàm in symbolo edito à synodo Nicena: in qua non contigerat dubitatio, præterquàm de fi-

lio Dei, de Spiritu Sancto nulla. hocque symbolo Constantinopolitanae synodi, utitur Ecclesia ad hanc diem usque. addita tamen est particula illa de Spiritu Sancto, filioque. Nam in Constantino- politano symbolo scriptum fuerat, qui à patre procedit. Hinc maxima exorta cōtrouersia fue- re inter Ecclesiam Romanam, & Constantino- politanam, ut inferius latius dicturi sumus. Con- stituti fuere in hoc Concilio pauci quidam cano- nes. sex apud Ysidorum, in Græco codice duo præterea reperiuntur. nihil in his notatu dignū, præterquàm in postremo Græco Canone modus statuitur, quo recipi debent hi, qui ab Hæresi ad catholicam Ecclesiam ueniunt: quorum nō- nulli tantum oleo inunguntur. quorundam uero Hæresum sectatores, post multas caeremonias etiam baptizantur: ut potè quibus non traditū fuisset baptisma iuxta ritum Ecclesiæ catholice Orthodoxæ, in Historia Tripartita memoriæ proditum est Damasum Pontificem rogatum fu- isse, ut ipse cum Episcopis Occidentis, qui iam Romæ conuenerant eò concederet cum illic age- rentur quæ ad fidem christianam pertinerent. excusauit se Damasus, multasque causas attulit: cur eò uenire nequiret. celebrauit tamen synodū Romæ: in qua eadem sancita sunt contra Mace-

donium, quæ, & Constantinopoli à centum & quinquaginta illis patribus. Hæc secunda Oecumenica Synodus his duobus Concilijs Niceno, scilicet, & Constantinopolitano statuta sunt ea, quæ Apostolica traditione, Catholica Ecclesia fuit edocta, de unitate substantiæ Supereminentiſſimæ Trinitatis, et diſtinctione Hypoſtaſeon, ſeu perſonarum. Hanc ſynodum ſequitur tertia Oecumenica ſynodus; quæ coacta fuit ſub Theodoſio Iunior filio Arcadij, anno Domini quatercenteſimo & trigeſimo. & ſub Pontifice Cœleſtino. primo conuenere in Epheso ducēti patres, inter quos fuit Cyrillus Alexandrinus Episcopus, qui etiam locum, & uices tenuit Cœleſtini Romani Pontificis, & maxima pars fuit huius Concilij Ephesini. damnata fuit Hæreſis Neſtorij Episcopi Constantinopolitani: qui cum omnino non conſentiret Hæreſi Photini, & Pauli Samofateni, qui aſſerebant Chriſtum fuiſſe purum hominem, neque extitiſſe ante Mariam, id quod Ebion, & Chærinthus prædicauerāt longo prius tempore, uidelicet Ioannis Euangelistæ, huic ergo hæreſi Neſtorius non plane aſſentiens, poſuit in Chriſto duo ſuppoſita ſeu duas perſonas: quæ charitate in tantum fuisse unitæ, ut quodammodo unus dici potuerint. Itaque apud Neſtorium;

ille

ille, qui fuit filius hominis, non fuit ille, qui est filius Dei, nisi unione charitatis, & uinculo amoris. quamobrem negabant etiam dici posse Mariam matrem Dei, ut potè quæ hominem illum, non autem Deum genuisset. Hæc Nestorij Hæresis ab hac synodo Ephesina damnata est: atque decretum, credendum nobis esse uerbum Dei à patre ante secula genitum, patrique consubstantialem, factum hominem ex muliere, assumptam non alia persona hominis, sed hominis natura, perfectam ita, quòd ille, qui semper fuit Deus, factus sit nouiter homo. sicque uere dici Mariam matrem Dei, secundum humanam naturam, quam ex ea uerbum Dei assumpsit. Epistolam in synodo Cyrillus recitauit scriptam Nestorio ab eo, & synodo prius Alexandria coacta. quam Concilium approbavit. hanc Ysidorus nobis legendam tradidit. in qua continentur omnia Decreta huius synodi Ephesinæ; & in qua illud annotandum est in calce Epistolæ fuisse à Cyrillo conscriptum de Spiritu Sancto, quòd $\pi\epsilon\omicron\chi\epsilon\iota$, seu profuit à filio, sicut à patre. item non est prætereundum id, quòd in codice Græco legi. cum in synodo lectum fuisset symbolum fidei compositum à Theodoro Mupsesthiæ, & Carisio præbytero Philadelphie: in quo blasphemie Hæreticorum

damnatorum continebantur, fuit à synodo statutum nulli licere aliam fidem proferre, aut scribere, aut componere ab ea, quam tercentum & decem octo patres in Nicea composuerant. Hoc adnotavi; quoniam Græci usque à tempore Petri Lombardi magistri sententiarum cōtra Latinos adferunt hunc canonem synodi Ephesinæ ob particulam, filioque, additam symbolo; ac si contra illud factum esset. quæ obiectio quàm sit friuola, perspicuum est ex illius decreti ratione, ob quam, scilicet, editum fuit. quam propterea à Græcis acceptam, inferendam huic opusculo putavi, ut pateat quàm iniquè Græci nos calumni-entur, tanquam qui fecerimus contra hunc canonem. Hactenus de tertia synodo Oecumenica Ephesina. hanc sequitur quarta synodus Oecumenica, vigesimo sexto anno post Ephesinam celebrata, anno inquam quatercētesimo quinquagesimo sexto à Domini natiuitate sub Imperatore Martino, & Pontifice Romano Leone primo viro præstantissimo. coacta fuit Chalcedone in Bithynia sita iuxta Bosphorum Thracium ferè contra Constantinopolim. sexcentum & triginta Patres ibi conuenere. qua de causa appellatur hæc synodus à Græcis magna Synodus. cur vero hæc synodus facta fuerit, Nicephorus Eccle

siastica Historiæ scriptor luculenter nos docet in commentarijs suis . habuit uxorem Theodosius minor Imperator foeminā animi impij, ideoque in peiorem partem proclivis, cum ergo post sublatum errorem Nestorij alius fuisset error exortus, cuius authores præcipui fuere Dioscorus Episcopus Alexandrinus, & Eutices Abbas Constantinopolitanus, hi confitentes unam esse Christi personam, negauere tamen in Christo duas esse naturas, humanam, scilicet, & diuinam, quarum utraque perfecta esset, sed docebant duas naturas, diuinam, scilicet, & humanam in unam naturam ualuisse in Christo . ex quo sequebatur uel Christum non fuisse uerum Deum, uel non fuisse uerum hominem, uel neque hominem uerum, neque Deum uerum. His uxor Theodosii Eudocia fauit summopere, ideoque dedit operam ut synodus Ephesi cogeretur. coacta synodus per uim Hæresim Euticetis, & Dioscori approbavit. Hæc synodus secūda Ephesina damnata est, & reproba statim habita. Nā post obitum Theodosii soror eius pulcherrima mulier, ualde pia, cū eius opera Martianus Imperio fuisset potitus, ab Imperatore impetrauit ut synodus Oecumenica cogeretur Chalcedone. itaque coacta fuit synodus Chalcedonensis quarta

Oecumenica. in qua damnatus fuit error Euticetis, explicatumque fuisse in Christo unam personam uerbi diuini in duabus perfectis naturis, diuina, scilicet, & humana, ita ut idem sit perfectus Deus, & perfectus Homo. fuit etiam damnata Hæresis Apollinaris Episcopi Antiocheni, quo Hieronymus præceptore usus fuerat: qui negauerat prius in Christo fuisse animam, sed corpus tantum humanum, animæ uero uicē gessisse diuinum uerbum. post modum fassus in Christo animam sensitiuam fuisse, negauit Christum habuisse rationalem animam. ex quo sequebatur non fuisse Christum uerum hominem, neque assumpsisse mentem humanam, ad quam purgandam, & sanctificandam præ omnibus alijs in mundum uenerat. constituit hæc synodus Chalcedonensis uigintiseptem Canones. in quibus non prætermittendum reor morem illorum temporum, qui colligitur ex canone huius synodi, quo decernitur Diaconissam fieri non posse, nisi postquam exegisset quadraginta annos. quæ nulli postea nubat. at uero si cuiquam nupserit, uterque ipsa, inquam, & maritus deuotus sit diuis, & execrationibus. id enim interpretor anathema esse, seu anathematizari. statutum etiā, quòd si qua uirgo se Deo dicauerit, aut quispiā

monachus factus fuerit: neutrum posse matrimonio iungi cuiquam. quòd si fecerint, sint excommunicati. Episcopus tamen loci illius possit uti misericordia erga illos. quod non est in cum sensum accipiendum, ut scilicet, queant perseuerare in matrimonio eo adulterino; quod contraxerunt, sed ad remissionem, seu imminutionem poenae. statutum quoque ut in quavis Prouincia bis in anno fierent Concilia Episcoporum prouinciae. Huic Concilio interfuere Pascasinus, & Lucinius Episcopi, Bonifatiusque praesbyter locum tenentes Romanae sedis. itemque horum patrum auctoritate confirmatum fuit Decretum synodi Constantinopolitanae. quo Archiepiscopus Constantinopolis fuerat post Romanum, alijs praelatus. Diuus Gregorius in epistolis plurimis refert in Chalcedonensi synodo fuisse concessum Romano Pontifici ut Oecumenicus uocaretur, quo tamen titulo ob modestiam, inquit, nullum fuisse Romanum Pontificem usum ad sua usque tempora. Tempus est ut accedamus ad synodos Aphricanas, quae fuerunt celebratae ante hanc quartam synodum tempore, scilicet, Arcadij, et Honorij, itemque sub Honorio, & Theodosio iuniore, cui successit Martianus. nihilominus quia ex secunda synodo Ephesina damnata ori-

ginē trahit quarta hæc synodus Chalcedonensis, ut supra exposuimus, satius uisum nobis est ne series rei gestæ disrumperetur Chalcedonensem synodum Carthaginensibus præferre. synodi hæc Africana octo fuisse, septem Carthagine celebrata: una Mileueti. Quibus Augustinus interfuit omnibus ferè, ut reor. quòd uero aliquibus interfuerit compertissimum est. facti sunt in his synodis Africanis multi Canones. quorū quidam in Decretalibus sunt notati: in quibus est Canon de Continentia Clericorum, qui ad sacros ordines accedunt. Quem ex hac synodo colligere possumus fuisse antiquissimum. illud etiā minime prætereundum est, quòd in sexta synodo Africana legitur missos fuisse à Zosimo Pontifice Romano Faustinum Episcopum, Philippum, & Asellum præbyteros ob id, quòd, quidam Africanus Præbyter Faustinus damnatus ibi, prouocauerat ad Romanum Pontificem. mandatum hi Pontificis Zosimi obtulerunt: in quo adducebatur statutum fuisse à Nicena synodo, posse à sententiâ Episcopi sui præbyterum, & etiam Episcopum à sententiâ synodi prouocare ad Pontificem Romanum. quæ statuta sunt Sardicensis Concilij, ut superius diximus. Carthaginenses Episcopi ob eam rem scripsere Cyril-

lo Episcopo Alexandria, & Attico Constanti-
nopolis Episcopo, ut eis mitterent integra, & in-
corrupta Decreta synodi Nicenæ. miserunt illi vi-
ginti Canones, qui extant. in quibus nulla de ea
re fit mentio. quibus acceptis noluerunt tunc
Carthaginenses admittere prouocationem illius
Faustini præbyteri ad Romanum Pontificem.
Quinimò statuerunt, quòd si quispiam prouoca-
ret ultra mare, nec acquiesceret iudicio Concilio-
rum Aphricanorum, quòd nullus in Aphrica ei
communicaret. statuit hæc synodus Carthagi-
nensis, & Mileuitana. Hæc inter Aphricanā,
& Romanam Ecclesiam discordia initium sub
Zosimo Pontifice habuit. sub Bonifatio deinde,
& Coelestino, decreta fuere hæc, quæ narraui-
mus, contra Apostolicæ Sedis authoritatem. du-
rauit hæc rebellio usque ad Bonifatium postero-
rem Pontificem, sub quo Carthaginensis Eccle-
sia damnas Decreta facta à præcessoribus suis,
Aurelioque tunc Aphricæ Primæte, & Episco-
po Carthaginensi; se Romano Pontifici Bonifatio
submitit, & ad unitatem Ecclesiasticam rediit.
id Bonifatius hic posterior significauit Eulalio
Episcopo Alexandrino, inseruitque Aphrica-
ni Episcopi literarum exemplum. Quæ omnia
Ysidorus collegit. Mileuitanum concilium cele-

bre est ob *Heresim Pelagij*: quæ in eo Concilio fuit damnata. negabat hic Pelagius gratiã Dei ad salutem necessariam esse, sed posse hominem liberi arbitrij uiribus legem implere. itemque negauit peccatum originale. in hanc *Heresim* plurima scripsit. *Augustinus*. Hæc magis illustria, & notata digna comperi in Concilijs *Carthaginiensibus*. Post hæc Concilia, fuere pleraque *Hispana*. fuit etiam iisdem temporibus quinta synodus *Constantinopoli* celebrata sub *Iustiniano Imperatore*. De qua prius; postea de *Hispanis concilijs*. Cum post *Ephesinam*, & *Chalcedonensem synodos Oecumenicas*: in quibus fuere dampnati *Nestorius*, & *Dioscorus*, ac *Eutices*, à sequacibus earum *Heresim* plurimis annis uexata fuisset *Ecclesia*, ac tandem cum sub *Theodosio Iunior*e, *Proclo* Episcopo *Constantinopolis* terræ motus ingentes per quatuor menses fieret, ac uniuersus populus cum Episcopo per campos fusus summis precibus Deum optimum oraret ut terræ motibus, & ruinis parceret, & clamarent omnes *kyrieleyson*: contigit ut diuina uirtute adolescentulus quidam in aera raperetur coram omnibus, circa horam diei tertiam. Hic in aera sublatus monitus à Deo est, ut Episcopo, & uniuerso populo nunciaret loco *kyrieleyson*,

ut dicerent sanctus Deus, sanctus fortis, sanctus, & immortalis. Quas preces, cum uniuersus populus ad Deum fudisset: quieuerunt terramotus. Huius Historiæ author Nicephorus. Damascenus etiam meminit. igitur cum præter Hæreses, quibus Ecclesia turbabatur, Petrus Alexandria Episcopus, Anthimus Trapezontiæ, Seuerus, et Zonora huic Trisagio, quod modo narrauimus doctum fuisse populum à Deo per adolescentulum in æra raptum; addidere. Qui crucifixus est pro nobis. quæ particula si separata intelligatur à Trisagio, innuit quartam in Deo personam, quæ pro nobis sit crucifixæ: si uero cōiungatur, innuit uel Spiritum Sanctum passum, uel diuinam naturam passam. quamobrem appellati etiam hi fuere Thecopassani. Horum noua hæc inuentio magnopere turbauit Ecclesiam. ideo sub Iustiniano Imperatore, & Vigilio Pontifice indicta fuit Constantinopoli hæc quinta synodus anno Domini quingentesimo quinquagesimo tertio: nonaginta tribus fere annis post Chalcedonensem quartam synodum. damnari fuere illi omnes, qui aduersabantur Ephesinæ, & Chalcedonensi synodis, & negabant uel unam tantum personam in Christo fuisse, uel Mariam dei genitricem fateri nolebant: uel aliquo pacto

diuinam, aut naturam humanam perfectam in Christo fuisse diffuebantur. damnati sunt etiam hi, qui Trisigio addiderant, qui pro nobis crucifixus est. damnata præterea fuit positio Origenis de reditu animorum ad corpora. Gentilium fabulæ. insuper Euagrium, & Didymum, Iudæque epistolam damnauerunt. hæc ferè sunt gesta synodi quintæ Oecumenicæ: in qua fuere centum sexaginta quinque Patres. Nulli canones editi sunt ab hac synodo. iisdem ferè temporibus in Hispania celebrata fuerunt complures synodi prouinciales. quarum quedam præcessere quintam, & fortasse quartam synodum: ut Toletanum primum, quod fuit temporibus Honorij, et Arcadij. nonnullæ temporibus Theodorici. posteriores uero longe postea tempora. ne tamen disigamus unius prouinciæ Concilia; paucis tractabimus ea, quæ arbitramur scitu digna. fuere collecta ab Ysidoro tredecim Concilia Toletana. in quorum tertio traditum est Recaradum Regem Hispaniæ, Gottorum Principem, Reginamque Baddam, simul cum Proceribus gentis eius, ac uniuerso Gottorum populo renunciassse Hæresi Arriana, & fidem suscepisse: quam catholica Ecclesia per orbem diffusa prædicat, & profectur. Gens hæc Gottorum sub Imperatore Valen

te, à quo præstata ei fuerant auxilia aduersus alteram factionem eiusdem gentis, Christianam Religionem suscepit, simulque Hæresim Arrianam: cui Valens Imperator omnibus uiribus fauit: quam labem usque ad tempus Regis Recaredi retinuit: cui renunciauit Rex in hac tertia synodo Toletana palàm coram uniuerso populo. Quamobrem acclamatum ei fuit ab omnibus, salus Regi catholico. unde uerisimile est Hispaniæ Reges hoc honoris titulo usos fuisse. Arriani enim catholicis erant aduersi, simulque catholici Arrianis. relicta ergo labe Arriana Recaredus, quia ad catholicos accessisset, appellatio nem meruisse Catholici satis credibile existimari potest. in quarto uero concilio Toletano, capite tertio traditur modus, & ordo celebrandorum conciliorum prouincialium. quem reor hoc in loco silentio prætereundum, ne lectori tedium faciam in re non magni momenti. poterit is; quem delectauerit cognitio huiusmodi, locum citatum apud Ysidorum inquirere in quarto concilio Toletano capite tertio. item decretum in hoc concilio, quòd Iudæi illi, qui etiam coacti fidem Christi receperant, cogerentur, ut in ea perseuerarent. in decimo concilio capite tertio, grauis mulcta indicitur Episcopis: qui ob sanguinis coniunctio

nem uel fauore quopiam conferunt Monasteria,
& Ecclesijs. Hæc ferè notatu digna comperi in
cõcilijs Toletanis, in concilio I'libertino, Illiberi,
scilicet, celebrato, quam urbem quidam putant
Granatam esse, scitu dignum, quod in quadrage-
simo octauo capite cauetur, ne à sacerdotibus,
uel clericis lauentur pedes eorum, qui baptizan-
tur. quem morem in multis Ecclesijs seruatum
fuisse comperimus ab Ambrosio in libro de sa-
cramentis. Nam Mediolani Ecclesia tempore
Ambrosii eo more utebatur in baptismo. Ec-
clesia Romana nunquam est usa, ut colligitur
ex his, quæ narrat Ambrosius in eo opere. Brac-
carensis quoque concilij, ea urbs Metropolis fu-
it Gallitiæ, decreta collegit Isidorus, ex quibus
multa sumi possunt pertinentia ad Sedis Apo-
stolicæ auctoritatem. Statutum etiam fuit capite
trigesimo sexto ne in Ecclesijs quispiam sepelire-
tur, in desuetudinem abiit decretum hoc non ir-
rationabile, ut reor, item non prætereundum mo-
rem hunc salutandi populum à sacerdotibus, &
Episcopis, quo nunc utuntur dicentes, Dominus
nobiscum, & respondendi, cum spiritu tuo, ab
Apostolis traditum Ecclesiæ fuisse. multa quo-
que fuere decreta contra Priscilianistas: quorū
Hæresis serpebat per Hispaniam. Hi secuti Ma

nichæos bonum, & malum Deum afferebant, nonnullaque a Gnosticis acceperunt. collegit præterea Ysidorus Tarrâconense concilium, Gerundense, Ilerdense, Valentinum, nonnullaque Hispalensia, in quibus nihil ferè comperi: quod eximium perputem, ideo cis omiſſis accedam ad sextam synodum. Sexta Oecumenica synodus coacta fuit Constantinopoli, tempore Constantini Imperatoris, qui dictus est Pogonatus, & Agathonis Pontificis anno Domini sexcentesimo septuagesimo quarto. conuenire centum & septuaginta Patres. Hanc Ysidorus totam collegit. damnata fuit in hac synodo Hæresis Theodori, & Macarij Antiocheni Episcopi, qui prope sentientes cum Euticete posuere in Christo domino nostro unam tantum fuisse uoluntatem, & unam operationem. unde etiam nomen habuere Monothelitarum. huic Hæresi fauit Honorius Episcopus Romanus, ut Græci authores perhibent. ideoque reor nomen huius Honorij non fuisse descriptum in Catalogo Pontificum. Hi omnes eorumque sectatores à synodo damnati sunt. Hi patres tunc, tempore, uidelicet, Constantini nullum canonem habemus statutum neque à quinta, neque à sexta synodo. Verum paucos post annos defuncto Constantino, cum Iustinianus filius in Impe-

rium successisset, illi ferè iidem patres iterum cõ
uenere Constantinopoli, edideruntque centum
& duos canones: quos appellare consuevit Gra
tianus, & alij Canones sexta synodi. Nonnulli
hanc synodum appellant πνευτη. quasi quæ sa
tisfecerit quinta, et sexta synodis: in quibus nul
li fuerunt editi canones. in primo huius synodi
capite repetuntur sex priorum synodorum De
creta contra Hæreses, quæ damnata in eis fue
rant. in secundo uero capite recepit, & approba
uit provincialia quædam concilia, à quibus pluri
ma accepit uniuersalis Ecclesia, necnon monu
menta nonnullorum sanctorum, qui ea tracta
uerint, quæ à nobis credēda sunt. illud notandũ,
quòd in fine huius capituli uidetur approbari con
cilium illud uetustissimum Aphricanum cele
bratum sub Cypriano martyre, in quo patres illi
habentes zelum Dei, non tamen secundum sciē
tiam, ut inquit Paulus, statuerunt rebaptizan
dos omnes eos, qui ab Hæreticis baptizati ad Ec
clesiam catholicam ueniebant. quod certe erro
neum esse nullus est christianus qui ambigat, si
quidem ab Hæreticis baptizati fuerunt secun
dum formam Ecclesiæ catholicæ. Verum patres
hi in sexta synodo seruare uolentes, ut reor, quã
tum fieri poterat Ecclesiæ unitatem, mentionem

fecere de hoc concilio, non aspere improbantes, sed ueluti excusantes errorem, dixere in hoc loco statutum illud concilij Aphricani fuisse secundum morem, qui in ea gente inualuerat. Est præterea canon prohibens Episcopum, postquam ad episcopatum euectus fuerit, habitare cum uxore, si habuerit, quanuis asserat se abstinenter uiuere, ne det offendiculum, & scandalum. prohibuit etiam hac synodus, ne accedentes ad sacros ordines cogantur polliceri abstinētiam à proprijs uxoribus, quem morem seruari dicit à Romana Ecclesia. quod est intelligendum Orientali Ecclesie præceptum, quæ nunquam recepit Romanam hanc sanctimoniã. id ex eo colligitur, quod paulopost præcipit synodus in Ecclesijs Barbaris clericos nō habitare simul cum uxoribus ob scandalum, quod de Episcopis in uniuersum prius præceperat. item præcipit ne soluatur ieiunium quinta feria maioris Hebdomadæ, quod quidam soluebant, ut iudaicum Pascha imitarentur. inuenitur quoque in hac synodo fuisse sedes Patriarcharum pro dignitate cuiusque ordine collocatas, prima Romana, secunda Constantinopolitana, tertia Alexandrina, quarta Hierosolymitana. de Antiochena nulla mentio. Notandum etiam in contrahendis matrimonijs prohibitos

fuisse quosdam gradus secundæ affinitatis, ne
scilicet pater & filius duceret matrem, & filiã,
item duas sorores. sic neque duos fratres matrẽ,
& filiam, duasque sorores. mos hic nunc aboli-
tus est, habitaque est ratio tantum primæ affini-
tatis, non secundæ, aut tertiæ. illud quoque non
prætereundum in quinquagesimo quinto capite
horum Canonum, prohibitum fuisse morem Ro-
manc Ecclesiæ in ieiunio sabbati, ut pote, quod
Antiqui Patres etiam prohibuerint. Hoc nun-
quam receptum fuit ab ecclesia Romana, neque
authoritate Pontificum Romanorum sancitum.
pari quoque ratione non fuit receptum quòd to-
ta Hebdomada paschatis esset celebris, & dica-
ta psalmodiæ in templis. omnes ludi alij, & spe-
ctacula his diebus minime possent celebrari. pro-
hibetur item ne, nisi necessaria causa cogat, qui
spiam linquat propriam Ecclesiam tribus domi-
nicis, anathematis pœna iniuncta. fuisse hunc
antiquissimum, & optimum morem alibi etiam
legimus. quis non laudet Canonem alium, quo
prohibetur, ne quis pingat tabulam, aut quippiã
tale fingat, imaginibus, quibus excitari possit
turpitudinis libido, sub pœna excommunicatio-
nis. Nostris uero temporibus, ut omittã priuatas
& publicas ades, templa Dei Optimi, & san-
ctorum

Etorum monumenta, altaria etiam ornare putamus huiusmodi picturis, & statujs; qui certe abusus est magnus. in ultimo Canone, in quo agitur, in constituendis poenitentijs non tantum habendam esse rationem delicti, sed etiam conditionis personæ, contritionis &c. pisset ratio elici de confessionis sacramento: quanuis pertimax referre etiam Canonem eum ualeret ad poenitentias publicas. sed mos uetustissimus totius Græciæ omnibus alijs argumentis huius ordinis excellit. Hæc tenus de Canonibus sextæ synodi. colligit Isidorus Romanas synodos tertiam, quartam, quintam, & sextam, in quibus nihil memoratu dignum comperi. desunt prima, et secunda, primam fuisse reor sub Damaso Pontifice, tempore Theodosij senioris, & Constantinopolitanæ primæ synodi contra Macedonium celebratæ. in qua idem error fuit damnatus. Nos superius de hac synodo mentionem fecimus ex tripartita Historia. sub Innocentio tertio Romæ in Laterano magna fuit synodus celebrata: in qua fuere Constantinopolitanus, & Hierosolymorum Patriarcha, Metropolitæ multi, Episcopi quadrigenti. in numeri Canones facti sunt in hac synodo, ut patet in Decretalibus. ac abolitus Canon de affinitatibus secundi, & tertij generis. & à septimo

consanguinitatis gradu ad quartum redacta prohibito de matrimonijs contrahendis. Hæc de Romanis, quãuis hæc fuerit posterior his, de quibus sumus acturi, sequitur septima synodus Oecumenica. Hæc fuit celebrata in Nicea ciuitate Bithyniæ, ubi prima uniuersalis illustris illa, et celebris coacta fuit sub Constantino, & Irene matre anno Domini septingentesimo nonagesimo tertio, et sub Adriano primo Pontifice Romano, cuius nomine duo interfuere, Petrus Cardinalis, & Abbas sanctæ Sabbæ. conuenere tercentum et sexaginta sex Patres. in hac synodo damnati sunt impugnatores sanctarum imaginum, quos Christianocaticoros appellarunt. & præter alia adductus Athanasii libellus, qui extat de Imagine Christi, quæ Beryti relicta à Christiano in domo, quam conduxit Iudæus, ibique cum à Iudæis uarijs tormentis illuderetur in hanc Christi imaginem, coepit ex ea sanguis fluere in maxima copia: multisque miraculis, & insignibus eius sanguinis tactu à Deo factis, innumeri Iudæi scelus palam fatentes Christianam pietatem amplexi sunt. sanguis hic diuisus fuit inter christianas omnes Ecclesias. Nos Venetijs in templo Dni Marci uase ex Crystallo confecto habemus huius sanguinis portionem, & maxima uenera

tionem colimus, Beatus etiam Thomas mentionem facit huius sanguinis in tertia parte summæ. Edidit hæc synodus uigintiduo Canones; in quibus nil propemodum comperi eximium, nisi, quis notaret morem eum seponendi in episcopatu omnia Hæreticorum monumenta. Nam cauetur à synodo ut omnia monumenta impugnatorum imaginum, seu Christianocatholizantium ab omnibus sub poenâ anathematis tradarentur, ut possint in Episcopatu cum alijs deliramentis Hæreticorum collocari. Item sublata reliquiæ sanctorum ab Hæreticis sunt templis restitutæ: cautumque ne ullum templum consecraretur absque sanctorum reliquijs. Post hanc septuaginta quinque annis fuit octaua synodus Oecumenica Constantinopoli sub Imperatore Constantinopolis Basilio, & Adriano secundo Pontifice, anno Domini octingentesimo sexagesimo octauo. nulla Hæresis in causa fuit ut hoc Concilium cogere tur, sed scelus Michaelis Imperatoris, cui Basilius successit, & ambitio Photij. Nam cum sub Michaele Imperatore, cui successit Basilius, sedem Constantinopolitanam teneret Ignatius uir sanctissimus, auunculus Imperatoris ausus est dimissa uxore, quam habebat, nulum ducere in uxorem. Hoc facinore cognito Ignatius admo-

nuit auunculum Imperatoris sceleris, quod in se
admiserat, simulque præcepit ut relicta nuru, et
incestis nuptijs, priorem uxorem ad se adcerse-
ret. recusauit ille. quamobrem fuit ab Ignatio ex-
communicatus. Is non poenitentia tam magni
sceleris, sed ira percitus, persuasit Imperatori ut
pulso Ignatio, Photium tunc Patriarcham Con-
stantinopolis faceret. obsecutus est Imperator
auunculo. sicque per scelus positus est Photius
sede Constantinopolitana. Nicolaus primus Põ-
tifex Maximus cum hoc rescuisset, Photium
excommunicauit. Hic furore percitus cum nul-
la alia ratione & causam suam tueri, & Pontifi-
cem ulcisci posset, cepit dicere Põtificem Roma-
num, & Romanam Ecclesiam esse Hæreticos,
& excommunicatos, quoniam in symbolo addi-
dissent Spiritum Sanctum à filio procedere con-
tra statuta antiquorum Conciliorum. inde or-
ta seditio maxima inter Græcos, & Latinos,
quæ Græciam miseram tandem perdidit. succes-
sit Michaeli Basilius, & Nicolao primo Adria-
nus secundus. is tres Cardinales misit Constanti-
nopolim, coactaque synodo Photium à sede ex-
pulsit, et Ignatium restituit. Non destitit Photius
à maledicentia, & quantum potuit, fouis seditio-
nem inter Latinos, & Græcos. Hæc octaua sy-

nodus nullum canonem insignem edidit. Gratianus sexagesima tertia distinct. capitulo Adrianus: in primo de hac meminit, ac dicit statutum fuisse in hac synodo, ne quis laicus in electione Episcoporum ius haberet, nec interesset, nisi vocatus, tuncque humiliter susciperet, quæ clerus statuisset. Post hanc octauam synodum, seditio nem inter Latinos, & Græcos cuius author fuit Photius, ut diximus, quanuis sopita potius quàm extincta fuit aliquot annis, nihilominus Constantinopolitani Imperatores, & Græca natio egre ferentes nostrarum rerum amplificationem, suarumque immiuationem, pro temporis occasione excitarunt: ac rursus prout expedire suæ rei uidebant, sedarunt. in sexto Decretalium libro capite primo legitur sub Gregorio decimo in concilio Lugdunensi, quo Palæologus Imperator uenerat, conuenisse inter Græcos, & Latinos ibique Decretum de processione Spiritus Sancti. postmodum iterum excitata est seditio, adeo, ut usque ad tempora Eugenij quarti Pontificis, & Ioannis Palæologi Græcorum Imperatoris, deducta fuerit: sub quibus coacta fuit synodus Oecumenica. Verum ante hanc synodum sub Eugenio, celebrata fuit synodus Constantiensis tempore magni Schismatis: quo tres Pontifices erant

Benedictus, Gregorius, & Ioannes uigesimus tertius. opera Sigismondi Imperatoris, qui multū laboris, & industriæ impendit ut Schisma illud tolleretur, fuit coacta synodus Cōstantiæ, in qua depositis Pontificibus, qui fuerunt electi per se ditionem cardinalium: quanuis Gregorius, & Ioannes uigesimus tertius prius renunciassent suis iuribus, electus fuit Martinus Columna uir egregius, & pius. post Cōstantiense concilium, ut seruaretur Decretum de congregatione conciliorum, indictum fuit concilium, quod fuit Basileæ coactum. postea uero ab Eugenio Ferrariā translatum, qui eodem tempore uocatis ad Oecumenicum concilium Græcis Ferrariæ synodum indixit. Venit ex Constantinopoli Imperator Paleologus, ac Patriarcha Cōstantinopolis, coacta synodo, ob multa incommoda, & pestem, ex Ferrariā Florentiam translata fuit, ibique post diutinas disputationes tandem conuenere Græci ac Latini. Armeni quoque in ea synodo ad unitatem catholicæ Ecclesiæ sub Romano Pontifice uenere, magnaue omnium letitia synodus dimissa fuit, creatique cardinales Bessarion Nicenus Episcopus, & Ruthenus Græci homines, quorū prior ualde illustris & doctrina, et probitate. at tamen post Imperatoris reditum in Græciā Mar

cus Ephesinus Episcopus, alter Photius concilio rebellis non destitit calumniari concilium, simul que Nicenum cardinalem, & Ruthenū: quòd ambitione corruptivem Graciā, & Religionis Latinis prodidissent. sicque iterum exarsit seditio apud plerosque Gracos, quæ tandem Graciā miseram perdidit. Post hanc synodum Florentinam nonam Oecumenicam temporibus nostris sub Iulio, & Leone Pontificibus fuit synodus Lateranensis: cui quoniam Sanctitas tua inter fuit, nihil mihi est amplius dicendum. Hæ Beatissime Pater fuere illustres synodi, quarum summam ut potui literis mandandam duxi. tibi que legendam trado. Tu pro tua humanitate, si non rem, officium tamen, & animi nostri propensionem lato animo accipito. Nam tum personæ, quæ abste honestatus fui, officiū esse arbitratus sum his temporibus, iam indicto per te concilio hæc colligere, atque ocij nostri fructum tibi in maximis, & frequentissimis negocijs occupatissimo reuerenter offerre: tum pro tuis erga me meritis putavi maxime debere à me præstari, ut saltē testimonium quodpiam animi grati haberes, quandoquidē certo scio nihil unquā, à me his dignum rependi posse. Vale in Domino, qui diu te nobis, ac Ecclesiæ suæ incolumem seruet.

ERRORES.

- Pag. 46. Lin. 2. X originales pro originalis
 P. 54. L. 1. salutaris pro saluatoris
 P. 90. L. 6. assimulatur pro assimilatur.
 P. 102. L. 6. nero pro uero
 P. 108. L. 23. interpretatur pro interpretatur
 P. 192. L. 2. orationis pro orationes
 P. 207. L. 26. deest post dictionem
 quæ consueuere
 P. 210. L. 2. a Deo pro adeo.
 P. 216. L. 17. afferre pro afferre
 P. 221. L. 25. num pro nam.
 P. 227. L. 25. inuisse pro innuisse
 P. 240. L. 5. 2. Cor. c. 5. pro ad col. c. 3
 P. 253. L. 20. Omoiousion pro Homœousion.
 P. cadé. L. 23. Homoiusion pro Homœousion.

Registrum.

a b c d e f g h i k l m n o p q r s t

Omnes quaterniones excepto t quod
 est duernio.

TABVLA RERVM MAGIS

NOTABILIVM.

A.

- Ablutio, & immersio est sacramentum baptismatis,
non aqua, neque uerbum.* 32
- Abraham usus fuit signo sensibili ante circūcisionem,
quo infantes consecrabantur.* 46
- Accedens ad Chrisma necesse est ut sit baptizatus,
alias nihil acciperet.* 51
- Accedens ad Eucharistiam non confessus iudicium si-
bi manducat, & bibit.* 70
- Accedens ad Eucharistiam debet esse ieiunus, & nō
excommunicatus.* 71
- Accedens ad Eucharistiam dum confidit uenerationi
consequitur per accidens gratiam, quam non habet,
sed putat se habere.* 71
- Accessus ad sacramenta est protestatio fidei, & illius,
quod credat, qui accedit ad Deum per ea sanctificatio-
nem traditurum.* 9
- Aduetus accedendo ad sacramentum Chrismatismis ne-
cesse est ut sit confessus.* 51
- Adueti fide accedentes ad baptismum non recipiunt gra-
tiam, nec sanctificationem.* 35
- Adueti fide accedentes ad Baptisma recipiunt chara-
cterem, & consecrationem.* 35
- Adueti fide accedentes ad baptismum fide, postea autē
pœnitentia accedente, fiunt gratia compotes, & san-
ctificationis.* 35
- Affinitas contrahitur ex legitimo matrimonio, &*

- etiam ex fornicatione. 170
*A*gens disponit materiam ad susceptionem forma ul-
 tima dispositione, & formam inducit 132
*A*nima non est actu in semine, sed in animali a quo
 dicisum est semen. 17
*A*mor suypsius non est amicitia sed principium amicit-
 iae. 169

B

- B*aptisma efficit nos filios Dei in Christo 32
*B*aptisma confert gratiam, & sanctificatione, 33
*B*aptisma potest conferri a Diacono, a Laico uiro, a mu-
 liere, & ab infideli necessitatis causa, 33
*B*aptisma institutum fuit ad expiationem peccati origi-
 nalis, & aliorum, si qua fuerint, & ad sanctificatio-
 nem, & consecrationem, 27
*B*aptisma est efficax etiam si detur a ministro pessimo,
 & impiissimo, 47
*B*aptisma spiritus non est uere sacramentum, 36
*B*aptisma est maxime omnium sacramentorum necessa-
 rium ad salutem, 27
*B*aptismatum tria sunt genera aqua, scilicet, spiritus,
 & sanguinis, 35
*B*aptisma aqua uere est sacramentum, 36
*B*aptisma sanguinis est sacramentum, et reatus culpae,
 & poenae eo aufertur, 36
*B*aptisma non potest conferri nisi ab uno, 39
*B*aptizatus suscipit baptismi characterem etiam si coa-
 ctus metu fuerit baptizatus, & cogendus est uiuere
 christiane. 159
*B*aptizatus in nomine Christi tantum non est uere bap-

tizatus.

Baptizatus suscipit in se totam mortem Christi, in alijs.
sacramentis fit particeps eius. 32.

Baptizatus in mortem Christi baptizatus est. 44.

Bona coniugij sunt tria proles, fides, sacramentum. 152.

C

Corpus Christi est organum diuinitatis, sicuti manus
est organum hominis. 10

Corpus Christi, & sanguis prout sunt in sacramento
panis, & uini non possunt uideri ab oculo cuiusquam
beati. 69.

Corpus Christi uerum, & sanguis continetur in sacra-
mento Eucharistiae. 55.

Corpus Christi mysticum, idest, Ecclesia significatur in
sacramento Eucharistiae, 55.

Corpus Christi in ultimo enunciationis uerborum mome-
to conficitur, antea uero semper fuit panis. 59.

Corpus Christi non est subiectum accidentium panis, ne
que illis afficitur. 64.

Circuncisio data fuit Abrahae ueluti signaculum iu-
stitiae quae ei data fuit per fidem. 45.

Circuncisio effundebat sanguinem in signum sangui-
nis Christi, qui nos erat redempturus. 45.

Circuncisio in sacramentis legis Moysis obtinuit preci-
puum locum. 3.

Chrisma fuit institutum ad consecrationem, & maio-
rem sanctitatem. 27.

Chrisma debet tribui etiam ualde infantibus. 52.

Chrisma praestat spiritualem uigorem ad profitendum

- palam nomen Christi.* 148
- Chrisma est sacramentū perfectius baptismo.* 53
- Chrisma non potest iterum assumi, sicuti nec baptisma.* 33
- Chrisma constituit accedentes in statu perfectiori christiani populi.* 53
- Chrisma iure spectat ad Præsides christiani populi.* 50
- Chrisma potest in loco interdicto accedenti conferri.* 109
- Certitudo perpetua societatis perfectum, & securum amorem facit.* 143
- Confessio debet fieri de peccatis mortalibus sub precepto.* 91
- Confessio peccatorum uenialium bona est, sed non est de precepto.* 91
- Confisens stare debet iudicio sacerdotis dum satisfactionem imponit non suo.* 99
- Confisens in loco interdicto potest consequi poenitentiam.* 109
- Consensus non potest uere dici consensus nisi sit uoluntarius.* 157
- Claues iurisdictionis pertinent ad forum spirituale, quod est hominis ad ecclesiam.* 102
- Constitutus in extremo uitæ maxime indiget Dei misericordia.* 119
- Claues ordinis pertinent ad forum hominis cum Deo.* 102
- Corona non est ordo sed aditus, & uestibulum ad ordines.* 134
- Christus aperuit aditum ad abolitionem peccatorum, & gratiam ineundam cum Deo.*
- Christus sanctificauit aquam baptismatis tactu corpo-*

rius sanctissimi.

47

Christus offertur Deo cum dicimus in singulis orationibus, per Dominum nostrum Iesum Christum.

77

Christus, seu corpus Christi mutatione quadam substantia, non motu locali est in illis accidentibus.

60.

Christiani sunt sacerdotes, offerendo Deo spirituales hostias cordis affectu, scilicet orationes, elemosynas, &c cetera bona opera,

124

Christiani sunt reges si pravis affectibus fuerint dominati.

125

D

Defectus quispiam sacramentorum non debet esse in ministro sacramenti.

175.

Deus nihil nisi perfectum prima institutione instituit.

144

Deus in sanctis suis laudatur, & multa miracula in sanctorum suorum laudem ostendit.

81

Deus poscit a nobis poenam post dimissam culpam, quia poena sunt medicina, & nobis prosunt.

99

Deus dat gratiam ut agens principale

20

Deus utitur aliquando instrumento in concedendo gratiam

20

Deus est primum agens in sacramentis, deinde Christus per passionem suam, homo postmodum ut organum

26

Deus interdum confert rem sacramenti sine sacramentis.

44

Deus est primus author incitationis, qua nos convertimus ad ipsum.

89

Divina non possunt celebrari publice in loco interdicto.

109

*Dolor poenae facit ut non recedamus ab honesto propter
uoluptatem* 111

*Demonēs peruerterunt ueram religionem, & expiatio
nes quasdam, ac sacra inuenerunt* 2

*Demonēs uolunt sacrificiū exterius, ut homo illis inha-
reat, & non Deo* 74

E

*Ecclesia offert Deo in missa Christum, representans me-
moriā passionis eius* 75

*Ecclesia offert in suo sacrificio Christum Deo, & se ip-
sam in Christo.* 76

*Ecclesia a sui primordio apud Græcos, & Latinos insti-
tuit preces in missa pro defunctis.* 80

*Ecclesia colit sanctos ut Deo plenos, et ut membra Chri-
sti, non ut alteros Deos.* 82

*Ecclesia Latina dat Eucharistiam laicis sub specie tan-
tum panis, ad multa uitanda scandala,* 72

*Ecclesia Græca etiam facit mentionem in missa de san-
ctis, & dicit se pro eis offerre sacrificium,* 83

*Eucharistia auget gratiam, & fouet, non dat non ha-
benti.* 71

*Eucharistia affert perniciem accedenti, qui sibi cōsciū
est mortalis culpæ,* 71

*Eucharistia præstat robur ad uitanda peccata, quate-
nus auget gratiam.* 71

Eucharistia non confert aliquam consecrationem. 71

Eucharistia indirecte peccata uenialia abolet. 27.

Eucharistia conficitur in consecratione materiae. 54

Eucharistia conficitur uerbo saluatoris, non autem uer-

- bo sacerdotis. 34
- Eucharistia est perfectissimum omnium sacramentorum.* 27
- Eucharistia cum significat corpus Christi mysticum, idest, Ecclesiam supponit accedentem esse in Ecclesia, non ab ea excommunicatum.* 72
- Eucharistia in loco interdicto decedentibus non negatur* 109
- Eucharistia instituta fuit ad maiorem sanctitatem acquirendam,* 27
- Eucharistia inest non tantum gratia Christi, sed ipse Christus, in quo est omnis gratia plenitudo.* 27.
- Excommunicatio maior cum sit gravissima poena non debet infligi nisi pro gravi culpa.* 107
- Excommunicatus potest inuitus, & debet, absolui ab excommunicatione.* 107
- Excommunicati excommunicatione maiori non includuntur in his, pro quibus Ecclesia orat.* 106
- Expiationes legis Moysi prater circumcisionem, appellantur iustitia carnis* 4
- Extrema unctio no datur pueris sicut nec Eucharistia, quia eget deuotione.* 118
- Extrema unctio in loco interdicto decedentibus non datur.* 109
- Extrema unctio non datur a iudicibus condemnatis etiam in extremo uitae constitutis.* 118
- Fides necessaria est adultis accedentibus ad baptisma.* 35
- Fidelis & infidelis non magis inter se distant, quam*

- ut matrimonio coniungi queant.* 166
Fily paruuli infidelium inuitis parentibus baptizati,
sunt uere baptizati. 35
Fily paruuli infidelium non debent abserahi ui a paren-
tibus ut baptizentur. 35
Fily Dei renascimur per Baptisma. 27
Forma sacramenti pœnitentie est absolutio sacerdotis.
 88
Fornicatio est omnis coitus extra matrimonium. 152

G

- Genus humanum indiget expiatione, & sanctificatio-*
ne ad ueram pietatem assequendam. 2
Gratia maiores habenda sunt Deo, cum plura dederit
nobis adiumenta ut bona faciamus. 25
Gratia in sacramentis non daretur per rem sensibilem
nisi ita a Christo fuisset institutum 8

H

- Homo non potest proprijs uiribus se ad Deum conuerte-*
re. 89
Homo per baptisma sepelitur cum Christo, ut in noui-
tate uitæ ambulet.
Homo offerens se sacrificium Deo in missa per sacerdo-
tem sit magis particeps meriti, et satisfactionis Chri-
sti. 80
Homo conformetur Christo in patiendõ, si satisfactio-
nis eius uult esse particeps. 99
Homo alicuius loci interdicti potest interesse diuinis si
alibi fuerit. 109
Homo nasci denuo oportet, si est ad Regnum cælorum
perueniurus.
 Homo

*Homo capit nationem rerum intelligibilium ex rebus
sensibilibus.* 11

Homo non potest se offerre Deo nisi sit ipsi reconciliatus 74

*Homo in die iudicij totus erit spiritalis quo ad corrup-
tionem, & malum, non quo ad substantiam* 15

Homines interdicti nullibi possunt interesse divinis. 109

*Heretici mortui possunt excommunicari, & eorum of-
ficia à cœmeterio effodi.* 107

I

*Infantes circumcisione expiabantur a labe peccati origi-
nalis ratione fidei.* 3

*Immersio trina baptismatis est signum triduanæ sepul-
ture Domini nostri.* 43

*Immersio aquæ baptismatis imaginem habet sepulture
Christi.* 31

*Impotentia naturalis, siue accidentalis matrimonium
soluit* 160

*Institutor christiane pietatis condidit etiam naturam
rerum* 13

*Institutio sacramentorum non potuit fieri præterquam
a Christo.* 9

L

*Laicus potest in casu necessitatis confitentem absolvere,
sed non sacramentaliter.* 102

M

*Maritus quatenus maritus habet potestatem corporis
uxoris, non sui.* 151

*Maritus dimissa uxore adultera non potest aliam uxore
rem ducere.* 179

*Materia baptismatis est aqua elementalís, & natura
constans, non arte, ut rosacea* 32

- Materia sacramenti sunt res sensibiles* 102
Materia sacramenti pœnitentiæ sunt actus, & operationes pœnitentis 87
Metus qui iure dici potest humanus metus, & coactio impediunt matrimonium 157
Matrimonium impeditur errore persona, & errore staturus persona. 157
Matrimonium redactum fuit ad perfectionem suam naturalem per Christum addita vi sacramenti. 156
Matrimonium non fit conditionibus citra bona matrimonij appositis. 161
Matrimonium uirginis & Ioseph fuit uerum, & perfectum matrimonium. 176
Matrimonium non consummatum potest dissolui altero coniugum religionem ingrediente 177
Matrimonium sacramentum est, quo gratia confertur 154
Matrimonium post diluuium fuit institutum in officium naturæ, & remedium concupiscentiæ 156
Missæ est memoria, & commemoratio illius unius sacrificij, quod Christus obtulit. 78
Missæ reconciliat nos Deo ob memoriam, quam in ea facimus, passionis Christi. 78
Missæ non est sacrificium ex opere operato sacerdotis. 78
Mulcta a sacerdote, qui gerit Dei personam, imposita, quam peccator uoluntarie subire debet, dicitur satisfactio. 90

N

- Natiuitas spiritalis hominis dicitur regeneratio, & resurrectio prima* 30
Natiuitas spiritalis hominis est interitus hominis carnalis. 30

Naturale aliquod dicitur alicui inesse uel secundum naturam generis, uel secundum naturam differentia propria seu speciei. 144

Nemo potest se ipsum baptizare. 39

Nutrimētum hominis magis necessarium constat pane triticeo, & uino, uis expresso. 55

O

Omne quod fit, ab aliqua causa fit, quæ actu est id quod facere debet. 16

Opus Christi non debet inchoare ab iniustitia. 35

Oratio dominica deuote pronuntiata ualet ad deletionem culpa peccatorum uenialium. 116

Ordo institutus fuit ad consecrationem, & maiorem sanctitatem. 27

P

Papa non potest dissoluere matrimonium perfectum non consumatum. 178

Papa in consecrando corpus Christi non habet maiorem uim, quàm habeat minimus sacerdos. 103

Papa non potest facere presbyterum, non esse presbyterum, nec diaconum, non esse diaconum post consecrationem. 165

Papa potest dispensare diaconum, & presbyterum, quod possint contrahere matrimonium. 165

Peccatum mortale facit nos perdere anima uitam, id est, Deum, qui habitat in cordibus nostris per charitatem. 88

Potestas iurisdictionis primum data est Petro, postea apostolis omnibus. 103

Potestas iurisdictionis potest committi etiam non sacerdotibus. 103

Potestas iurisdictionis quantacunque est in Pontifice

- Romano collocata est.* — 105
Potestas conferendi Chrisma est media inter potestatem iurisdictionis, & ordinis. 50
Potentia capiendi sacramenta ecclesia traditur in baptismo. 51
Pœnitentia præteritorum peccatorum necessaria est adultis accedentibus ad baptisma. 35
Perfectum potest facere tale, quale ipsum est, imperfectum uero hoc non potest 137
Preces in missa factæ pro peccatoribus maximam vim habent. 79
Præbyter potest conferre Chrisma ex iussu Põtificis. 50
Pueri decedentes tantum cum originali peccato leuissima omnium pœna mulctantur. 113
Pueri possunt baptizari in loco ubi interdictum positum est. 109

Q

- Quantitas in Eucharistia per se existit, nullique inhaeret, & propterea habet modum substantiæ.* 65
Quantitas panis, mutatis speciebus, & accidentibus panis, mutatur ut diuina in substantiam rei generanda, modo, quo substantia panis mutatur in corpus Christi. 67
Quidquid Deo placet, in Christo placet. 77

R

- Ratio sacramenti constat significatione.* 15
Reatus pœna æterna repugnat gratiæ, & reconciliatio ni facta cum Deo. 110
Redemptio Christi applicatur nobis per fidem in sanguine eius. 7
Remissio facta peccatoribus per Christum non potest eis applicari in missa nisi per modum precis. 79

Res sine uerbis nec uerba sine rebus possunt perficere sacramentum. 12

Res multae naturae sunt, quarum ratio attingi non potest, quod fiant. 61

Reconciliatio nostra cum Deo non potest fieri nisi per Christum, & per sacrificium illud, quo se ipsum, ut homo, Deo patri obtulit. 74

S

Sacerdos qui habet characterem Christi per consecrationem Episcopi est minister sacramenti Eucharistiae. 70

Sacerdos proferens uerba, quae sunt forma sacramenti Eucharistiae, semper conficiet Corpus, & sanguinem Christi, dummodo intendat conficere. 70

Sacerdos conscius sibi mortalis culpae conficiendo Eucharistiam ad perniciem sui conficiet. 70

Sacerdos degradatus, excommunicatus, suspensus, irregularisue si conficit Eucharistiam, ad interitum sui conficit. 70

Sacerdos constitutus in haeresi si conficit Eucharistiam in caput suum conficit. 70

Sacerdos conficiens Eucharistiam in loco, ubi interdictum est sacris, in caput suum conficiet. 70

Sacerdos potest iurare se nihil eorum scire, quae sibi aliquis confessus fuerit. 101

Sacerdos debet in consecratione Eucharistiae seruare ritum Ecclesiae. 70

Sacerdos est proprius minister baptismatis. 33

Sacerdos in absolutione confitentis tenet locum Dei, in quem est admissa culpa. 99

Sacerdos potest confitentem sibi non subditum in casu necessitatis absoluer. 102

- Sacerdos in absolutiōe confitentis fungitur officio iudicis* 91
- Sacerdos non nitens diuinis legibus si soluerit quempiā, is solutus non erit in foro conscientiae.* 101
- Sacerdos grauissime peccat consecrando panem absque uino, & uinum absque pane* 55
- Sacramentum est, quo spiritale arcanum sub re sensibili continetur.* 5
- Sacramentum interdum dicitur sensibile illud, sub quo latet arcanum.* 5
- Sacramentum in sacris literis appellatur arcanum.* 6
- Sacramēta saepenumero dicuntur protestationes fidei.* 7
- Sacramentum est inuisibilis gratiae uisibilis forma.* 8
- Sacramentum merito est in rebus sensibilibus constitutum.* 11
- Sacramentum institutione significat, & sanctificatione continet gratiam.* 11
- Sacramenta nouae legis differunt a sacramentis legis Moysis, quia efficiunt quod significant.* 15
- Sacramenta quorum significatione Deus non utitur ut ui instrumentaria sunt tantum signum, ut fuit Circuncisio.* 20
- Sacramenta instituta sunt contra peccata, ad eorumque abolitionem.* 24
- Sacramentum non potest conferri absenti.* 153
- Sacramentum ordinis institutum fuit ut consecrati ministri essent, ac medij inter Deum, & populū.* 126
- Sacramentum poenitentiae quo ad materiam, & formam est de iure diuino.* 92
- Sacramenta nouae legis proprie, & peculiariter gratia conferunt.* 154
- Sacramenta non sunt administranda excommunicatis*

- excommunicatione maiori. 106
- Semen Spirituale remanet in nobis post peccatum mortale, quo excitatur animus ad uitæ germinationē. 89
- Sacrificium interius soli Deo debetur. 74
- Sacrificium exterius est sacramentum sacrificij interioris. 73
- Sacrificium interius est nostri ipsorum Deo oblatio, ut ei inhareamus. 73
- Sacrificia exteriora non placent Deo, quib. ipse non indiget. 74
- Sacrificium exterius est sensibile signum eius, quod Deo offerimus. 73
- Significatio sermonis dicitur uno modo diuisibilis, alio modo indiuisibilis. 21
- Scriptura tradit non solum ea, quæ expressa sunt in sacris literis, sed etiam ea quæ ex illis deducuntur. 94
- Satisfactio imposita reatus peccati æqualis, facit quòd nil amplius soluendum restat. 111
- Substantia sua natura est indiuisibilis, sed ob quantitatem fit diuisibilis. 68
- Substantia corporis Christi tota, est sub qualibet particula panis non diuisibiliter, sed per modum substantiæ. 69
- Substantia panis tota mutatur, & transit in corpus Christi, quod fit diuina uirtute. 61
- Spiritus Sanctus tribuitur ampliori mensura accedenti ad sacramentum Chrismatis. 51
- Spiritus Sanctus effugit fictum, neque habitat in anima subdita peccatis. 51

V

- Verbū quo baptizamur dicitur semen incorruptibile. 31
- Verba significāt conceptū, & intentionē proferentis. 25

- Verba* in consecratione *Eucharistia* efficiunt ex pane corpus Christi, & ex uino sanguinem. 58
- Verba* in sacramētis precipuā habēt uim significādi. 12
- Verba* sunt forma sacramentorum. 12
- Vis* instrumentaria sacramentorū in quibusdā est localis motus, in quibusdam alterationis, in quibusdam similis actione. 21
- Votum* continentia simplex impedit matrimoniū cōtrahendum, sed contractum ratū est, peccat tamen mortaliter qui contrahit. 130
- Votū* cōtinentia monachatus est essentialiter annexū. 165
- Votum* continentia solenne impedit matrimonium contrahendum, & contractum dirimit. 130
- Votū* continentia ordini sacro ex decreto annexū est 165
- Vnctio* in Chrismate est sacramentum *Chrismatis*, & confirmatio. 51
- Vnctio* *Chrismatis* fit in fronte, ut palām unctus, nullo pudore uetate, et formidine cōfiteatur nomē Christi 51
- Vsus* *Eucharistia* non conuenit Angelis, neque aliquibus, qui incorporei sunt, & inuisibiles. 72
- Vsus* spiritualis *Eucharistia* solū est bonorū hominū. 72.
- Vui*, & defuncti peculiari & priuato quodam *modo* fiunt in missa participes satis *actionis* facta per Christum. 81
- Vsus* sacramentalis *Eucharistia* consistit in sumptione signorum sensibilium qui bonis, & malis communis est. 72
- Vsus* spiritualis *Eucharistia* est per fidem, et charitatē qua creditur in eo Christum contineri, eiusq; passionem referri. 72
- Vxor* quatenus uxor non habet potestatem corporis sui sed uir. 151



